



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Pollack - Hippodromica - 1890

AH
4838
20

AH 4838.00



Harvard College Library

FROM

James M. Paton

0

HIPPODROMICA.

DISSERTATIO INAUGURALIS

QUAM

AD SUMMOS IN PHILOSOPHIA HONORES

AB AMPLISSIMO

PHILOSOPHORUM ORDINE LIPSIENSI

RITE IMPETRANDOS

SCRIPSIT

ERVINUS POLLACK

GEISINGENSIS.

LIPSIAE

TYPIS I. B. HIRSCHFELDI

MDCCCXC.

517

AH 4838.90
✓

HARVARD COLLEGE LIBRARY
GIFT OF JAMES M. PATON
AUGUST 15, 1929

T

PATRI SEXAGENARIO


SACRUM.

ARGUMENTUM.

Exordium	pag. 1
I. De curriculis ab epicis descriptis	3
A. De hippodromo Homérico	7
B. De hippodromo Nonniano	18
C. De Quinti Smyrnaei hippodromo	25
D. De hippodromo Statiano	31
II. De laevo gyro	36
III. De hippodromo Olympiaco	52
A. De carceribus	54
B. De Taraxippo	85
C. De mensuris quibusdam	103
Index nominum et rerum	108
Index locorum vel emendatorum vel explicatorum	109
Vita	111

ACCEDUNT

Tab. I. Equus sinistra quadrupedans	43
Tab. II. Hippodromus Olympiacus ad calcem totius libelli.	



Godofredi Hermanni, 'grammaticorum equitum doctissimi', calcari incitatus cum iam tirunculus philologus animalium et nobilissimi et utilissimi studium a patre, ut credo, insitum atque a pueritia fotum cum philologia uno iugo coniungere quasi furtim conatus sim, cuius coniugii primitias quantulascunque ad calcem legis Commentationum Ribbeckianarum, gliscente magis magisque rei oblectatione ad hos quoque sermones equestres concipiendos me accinxi.

Atque cum primo quaslibet antiquitatis res equestres¹⁾ in scidulas meas collegissem, paullatim, ut pyramidis architecton, materiem copiosam in arctius contrahere coactus certamina equestria elegi, quae diligentius considerarem, non quod hic potissimum ager cultoris aratro caruisset, sed quod frugum fertilissimus est. Quoniam autem in Romanorum rebus circensibus accuratius contemplandis multo plures viri docti pro- nam pro fontium largitate curam posuerunt quam in Graecorum, his operam navanti eo melius mereri mihi videor. Nunc quidem selectas modo quasdam quaestiones hippodromicas edere lubuit alias posthac fortasse data occasione addituro. Quo enim maxime animus allicitur, ut equestrium certaminum a primis ad novissima antiquitatis tempora progressus historice perlustrentur, id a tantulae dissertatiunculae argumento alienum potius operis universa huc spectantia complexuri erit.

1) Adolphus Schliebenius, ordinis tormentarii dux Borussicus, in eo, quem de equis antiquitatis scripsit, libro (Neuwidiae et Lipsiae C[18]00CCCLXVII) materiem magis congressit quam in usum suum contulit.

Ac tituli inscripti, monumenta ceteroquin rerum eque-
strium, imprimis agonisticarum haud sterilia, haec de institu-
tione potissimum hippodromorum scribenti paene nihil mihi
suppeditaverunt. Eo uberius simulacra in meum usum con-
vertendi facultas obvia erat. Quod comparandi causa Roma-
norum et nostratium curricula compluribus locis limulis obiter
perstrinxi, ad rem magis illustrandam non nihil spero me con-
tulisse.

I.

DE EQUORUM CURRICULIS AB EPICIS DESCRIPTIS.

De equestribus veterum certaminibus quaerenti uberrimus fons scatet ex epicorum descriptionibus. Quarum quae ad Graeca pertinent, eas considerare nunc mihi proposui ita quidem, ut non omnia a carceribus ad calcem accurate perpendam, verum liberiore quodam arbitrio, quaecunque mihi idonea videbuntur, eligam. Sunt autem descriptiones Homeri, Nonni, Quinti Smyrnaei, Statii. Neglecto temporum ordine sic hos quattuor ordinare visum est, ut quo quisque Homero imitatione propinquior sit, eo propiorem illi locum teneat. Eo omnes quattuor poetae inter se congruunt, quod in ludorum funebrium celebratione certamina institui fingunt. Hunc enim antiquissimis temporibus in principum exsequiis sollemnem Graecorum morem fuisse complures loci testimonio sunt, velut Od. ω 87—9, ubi Agamemno funus Achillis memorans haec dicit:

ἤδη μὲν πολέων τάφῳ ἀνδρῶν ἀντεβόλησας
ἡρώων, ὅτε κέν ποτ' ἀποφθιμένον βασιλῆος
ζώννυνται τε νέοι καὶ ἐπεντύνωνται ἄεθλα,

quibuscum conferas Apoll. Rhod. III 1271—4:

... ὁππότ' ἄεθλα καταφθιμένοιο ἄνακτος
κηδεμόνες πεζοῖσι καὶ ἱππήεσσι τίθενται,

ib. I 1057:

ἐπειρήσαντό τ' ἀέθλων,

ἦ θέμις,

II. Ψ 629—31 Nestoris verba:

εἶθ' ὥς ἡβώοιμι, βίη τέ μοι ἔμπεδος εἴη,
ὥς ὁπότε κρείοντ' Ἀμαρυνκέα θάπτον Ἐπειοί
Βουπρασίου, παῖδες δ' ἔθεσαν βασιλῆος ἄεθλα.

Lubentissime epici poetae tales ludos versuum nitore persecuti sunt. Cyclicorum poematis eorum descriptiones restituit Welckerus in altero Epici Cycli volumine partim testimoniis partim coniecturis nisus (p. 350—3 Thebaidi, p. 522 Aethiopidi, p. 319 et 344 Oedipodeae, p. 393 et 403 Epigonis). Quod vero summi videtur esse momenti, apud solos Graecos eiusmodi certationibus funera celebrantur: barbarorum enim nusquam commemorantur, ne ibi quidem, ubi poetae, ut id faceret, maxima erat occasio, velut in exsequiis Hectoris, Memnonis, Paridis, Penthesileae aliorum. Id neque casui tribuerim nec poetas, ne earundem rerum iteratione auditores fatigarent, veritos has occasiones omisisse crediderim, quia uno saltem versu rem attingere poterant. Magis igitur animus inclinatur, ut funera certationibus ornata a barbarorum usu prorsus aliena fuisse existimem. Accedunt ad hanc frequentissimam equestrium certaminum occasionem iam antiquissimis temporibus aliae duae: altera religionis expers, qua proci de filiae cuiusdam matrimonio certabant, ut Hippodamiae¹⁾, Marpessae aliarum (cfr. Welckeri ep. Cycl. II. p. 30), altera, qua dei celebrarentur: ex quorum certaminum numero Isthmiacorum et Nemeaeorum origines ad ludos funebres referri solebant. Quod nos equorum certationibus vel maxime consequi studemus, ut victoribus equis coeuntibus quam nobilissimum ac praestantissimum efficiatur equorum genus²⁾, id veteres prae deorum vel heroum honore secundae curae habebant, quamvis palmas equorum et generositatem magni aestimarent.

Pauca addam de ordine certaminum, quem tabula (p. 6) illustravi. Homeri V. VI. VII interpolata censet Lehrsius de Arist. stud. Hom. epim. p. 433 sqq. Eadem, quae apud Homerum, sunt apud Nonnum et Statium, nisi quod ille ser-

1) De hoc certamine nuper Eduardus Thraemerus in eo, qui 'Pergamos' inscribitur, libro p. 33 sqq. egit.

2) Similis ratio Persis videtur fuisse, qui equorum laude praeter ceteros florebat: Xerxes enim in Thessalia Persicorum et Thessalicorum equorum certamen instituit, ut, utri velocius essent, iudicaret. Quo in certamine Persici Thessalicos longe superaverunt (Herod. VII 196).

vato ordine Homericò armatorum pugnam (V.) omisit, hic ordinem ex parte permutavit. 'Nudum ferrum' (VI.) Statii respondet Homericae hoplomachiae. Apud eundem arcu non certatur illo quidem, sed ingens Adrastii missus est pro certatione. Ne hastae quidem certamen prorsus silentio praeteritur: datur enim v. 928 Adrasto optio inter hastam et sagittam. Longissime ab Homeri auctoritate discessit Quintus cum ordine tum numero certaminum. Addidit enim saltum, pancratium, equites, et praemisit Nestoris carmen, quo Thetidem et Achillem laudat (v. 129 ὕμνεον, v. 147 μέλπεις), non illud quidem certamen, sed musici certaminis quasi incunabula: certarent enim alii cum eo, si auderent (v. 124—27). Denique equestre certamen, quod apud ceteros primum locum obtinet, in fine posuit. Id satis mirum est, quia Graeci solebant primo sole equis decertare (Stat. Theb. VI 261), haec autem certamina omnia uno die conficiuntur. Namque Athenis, ubi, quod panathenaici tituli testantur (CIA II 966—9), equestre certamen sollemnia concludebat, ut Olympiae alibi recenti die fiebat. Apud Thessalos, si hoc ex uno titulo agonistico (Bull. de corr. hell. X 438, Larisae) colligi licet, ab equitibus oriebatur certaminum initium.

Ordo certaminum.

No.	Homerus	Il. ψ	Nonnus	Διονυσ. XXXVII	Status	Theb. VI	Quintus Smyrnaeus	Posth. Δ
I	ἰππῆς (= aurigae)	262	ἰππῆς (= aurigae)	116	equi (= currus)	296	ἔπη	124
II	πυγμαχίη	653	πυγμαχίη	485	currus	550	δρόμος	181
III	παλαισμοσύνη	701	πάλη	544	discus	646	παλαισμοσύνη	215
IV	ταχυντής	740	ποδῶν ταχυντής	614	caestus	729	πυγμαχίη	284
V	τεύχεα	803	—	—	pale	826	τοξοσύνη	405
VI	σόλος	826	σύλος (= διακος)	667	nudum ferrum	911	σόλος	436
VII	τοξενταί	850	τόξον	703	pharetra et cornu	931	αἶμα	465
VIII	ἥμονες ἄνδρες	886	ἀκοντιστῆρες	750	[hasta]	928	αἰγανέη	472
IX	—	—	—	—	—	—	χαίρες καὶ πόδες (= παγκρατίον)	479
X	—	—	—	—	—	—	ἰππασίη (= aurigae)	500
XI	—	—	—	—	—	—	μὲν ὁ ἀμπευκὲς ἰπποί	545

A.

DE HIPPODROMO HOMERICO.

(Ilias Ψ 262—650.)

Simplicissima hippodromi forma est spatium directum, per quod a carceribus usque ad finem vel potius praeter finem — neque enim citatissimus equorum cursus repente potest sustineri —, ut a stadiodromis, continuo nec ullo modo impedito cursu curritur¹). Talis forma num unquam hippodromis fuerit, quamvis prima quaeque curricula ita formata fuisse verisimile sit, tamen, cum diserta testimonia desint, certo dici nequit. Diodori Siculi hippodromum Oenomai describentis (IV 73, 3) eiusmodi simplex forma animo videtur fuisse obversata: [*Οἰνόμαος*] *ὑπεστήσατο ἵπποδρομίαν ἀπὸ Πίσης μέχρι τοῦ κατὰ Κόρινθον Ἰσθμοῦ, πρὸς τὸν βωμὸν τοῦ Ποσειδῶνος*. Posses hanc aram pro meta fuisse reri, nisi auctor pergeret: *Φθείρας* δέ, ait, [*ὁ Πέλοψ*] *τὸν ἡνίοχον τοῦ Οἰνομάου Μυρτίλον καὶ λαβὼν σύνεργον πρὸς τὴν νίκην ἔφθασε παραγενόμενος ἐπὶ τὸν Ἰσθμόν, πρὸς τὸν τοῦ Ποσειδῶνος βωμόν*, unde aram finem totius curriculi fuisse concludas. Nam cur Oenomaus cum ab adversario sese victum videret, manus sibi ipse intulisset, quod scriptor continuo narrat, si in reditu illum occupandi facultas ei relicta fuisset? Idem inaudita curriculi longitudo mihi persuadet. Sed ut Siculus antiquitus memoriae tradita reddat, quid ex illis fabulis ad verum antiquissimorum temporum usum colligere possumus? Eadem forma, quamquam multo brevior ac paene nimis brevi spatio quinque sta-

1) Cfr. Krause Gymn. et Agonist. p. 344. 571.

diorum, videtur id curriculum fuisse, quo Cyrum cum suis Xenophon in Cyri Institutione (VIII 3, 24 sqq.) facit decurrentem. Ibi enim rex meta significata ipse cum primo missu certat et prope metam consistens singulas ceterarum turmarum certationes observat (v. 25: *κατὰ κράτος ἐνταῦθα ἀφείναι τοὺς ἵππους*). Haec a Xenophonte non mero commento ficta esse ipsius expressa verba argumento sunt ibidem § 34: *οὕτω δὴ ἢ τότε ὑπὸ Κύρου κατασταθεῖσα ἔλασις οὕτως ἔτι καὶ νῦν*¹⁾ *διαμένει ἢ βασιλέως ἔλασις*, quibuscum coniungas eiusdem testimonium, quod est in eo, quem de re equestri conscripsit, libello cap. VIII § 6: *ἃ δὲ φοβοῦνται τινες μὴ ἀπορρηγνύνται τοὺς ὤμους κατὰ τὰ πρηνῆ ἐλαυνόμενοι, θαρρύντων μαθόντες, ὅτι Πέρσαι καὶ Ὀδρύσαι ἅπαντες τὰ κατάντη ἀμιλλώμενοι οὐδὲν ἦντον τῶν Ἑλλήνων ὑγιεῖς τοὺς ἵππους ἔχουσι*. Verum hoc ad Persas, non ad Graecos attinet.

Certiora primum ac pleniora de hippodromi institutione discimus ex HomERICA illa enarratione. Hic vero non ut illi simplex, sed duplex est, quod in modum dianli duae viae recta inter se regione a carceribus, si hoc verbo uti licet, ad metam pertinent, quibus in laevum gyrum (v. cap. II) curritur. Meta in anfractu viarum posita sive *τέρμα* (309. 323. 333. 466) a verbo *τείρειν*²⁾, ut *σπέρμα* a *σπείρειν*, quia modiolis teritur, sive *νύσσα* (332. 338. 344) a verbo *νύσσειν*³⁾ ex eadem causa appellatur⁴⁾. Quod HomERICO una, posterioris aetatis et Graecis et Romanis circis duae sunt metae, id gravissimum est, quo inter se differunt. Ne pluralis quidem *τέρματα* in v. 333 et 358 aliud quicquam significat nisi unam

1) Cfr. Isensee: Der geschichtliche Wert von Xenophons Kyrupaedie. 1868. Seelmann: De historica Xenophontis in Institutione Cyri fide C|O|CCCCLXX.

2) Alia forma ab eodem verbo derivata est *τόρμη*· ὁ ἐν ἵπποδρόμῳ δρόμος (pro quo dubito an rectius *τόρμος* scribendum sit, cfr. Hesych. *ἵππικὸν τόρμον*) ἢ ἡ καμπὴ καὶ ὕσπληξ. Dionysios ap. Eustath. p. 598, 27 (Schwabe Atticist. 213).

3) Hesych. s. v. *ἀπὸ τοῦ ἐλθόντος κατ' αὐτὸν νεύειν τοὺς ἵππους* (!).

4) Soph. El. 720. 744: *στήλη*, quo cum nomine columnae in agonisticis monumentis adpictae congruunt.

exteriorem metam, siquidem ad vocabulum *σῆμα* in v. 331 referendus est: 'Et hoc signum nunc pro meta' esse voluit Achilles'. Namque Homericus hippodromus semel tantum percurritur, quod cum ex aliis totius descriptionis rebus tum e spectatorum colloquio apparet v. 448 sqq. Verba enim *πύματος δρόμος* in v. 373 extremum spatium sinistrae viae significant¹⁾ (cfr. v. 768 eadem verba de simplici stadio dicta. Verg. Aen. V 327). Quo vero minor erat anfractuum numerus, eo maior debuit esse totius hippodromi longitudo, ut equi praeter celeritatem etiam assiduum laborem praestarent. Quare factum est, ut certantes viam prope metam procul remotam peragentes e spectatorum conspectu evanescerent (v. 358: *σήμηνε δὲ τέρματ' Ἀχιλλεύς | τήλοθεν ἐν λείῳ πεδίῳ*. 450. 458 sqq.)²⁾.

Quod veteres viam hippodromi duplicaverunt, triplicem video rationem. Primum talis hippodromus minus spatium postulabat quam simplex, quoniam sine mora ultro citroque percurri poterat. Deinde ita fiebat, ut spectatores et initium et finem certaminis aequae possent conspiciari neque locum mutare deberent. Tum propter artum circa metam circuitum equos, sinistrum potissimum, bene institutos et condocerfactos esse necesse erat³⁾. Nam rudes et intractati vel nimis impetuosus (*ἔκδρομοι ἵπποι* Pollux III 148) praeter metam ferebantur atque in spatiosos orbes exerrabant. Hoc apud Quintum Smyrnaeum (IV 563 sqq.) Stheneleum cum nobili suo sed rudi equo pati legimus:

*καὶ νύ κεν ἐσσυμένως ἐξ Ἀργεὸς αἰόλος ἵππος
νίκησεν μάλα πολλὸν ἐφεζομένου Σθενέλοιο,
εἰ μὴ ἄρ' ἐξήρπαζε δρόμου, πεδίον δ' ἀφίκανε*

1) Schol. Townl. 351: *εἰ δὲ λέγει „ἀλλ' ὅτε δὴ πύματον“ τῶν δύο τὸν ἔσχατόν φησιν.*

2) Schol. Ven. B 353: *ἦν δὲ ὁ δρόμος οὐ δόλιχος. κάμπτουσι δὲ ὀλιγάκις. ἔδει δὲ πολλάκις εἶναι τὸν καμπτήρα. διὰ τοῦτο οὖν ἐστὶ μακρότατος· διὸ καὶ σκοπὸς καθῆται Φοῖνιξ καὶ σημαίνει τὸ τέρμα τηλόθεν, μὴ πῶς τις ἐντὸς τοῦ καμπτήρος κάμψῃ· ἅπαξ γὰρ ὁρῶνται ἐπὶ τοῦ αἰγιαλοῦ καὶ ἅπαξ φιλονεικοῦσι περὶ αὐτῶν.*

3) Cfr. Friedlaenderi historiae morum Romanorum vol. II. p. 295 sq.

πολλάκις· οὐδέ μιν ἐσθλὸς ἔων Καπανῆιος νῖδος
 κάμψαι ἐπέσθενε χερσίν, ἐπεὶ ῥ' ἔτι νῆις ἀέθλων
 ἵππος ἔην· γενεῇ γε μὲν οὐ κακός, ἀλλὰ θοοῖο
 θεσπέσιον γένος ἔσκεν Ἀρίονος.

(cfr. etiam Koechlyi commentarium, qui tres similes locos cum hoc comparat.) Idem facit illius pater inclutissimus Arion apud Statium, ut hoc hereditate traditum putare possis (Theb. VI 413):

Nec non et Thëssalus heros

Spe propiore calet, dum non cohibente magistro

Spargitur in gyros dexterque exerrat Arion.

Itaque qui equos in certamen mittere volebant, eis id potissimum studendum erat, ut illos artum anfractum et temperatam corporis conglobationem docerent, quod Phædra apud Ovidium in Hippolyto miratur (Heroid. IV 79 sq.):

Sive ferocis equi luctantia colla recurvas,

Exiguo flexos miror in orbe pedes.

Id vero ut exercebant in privatis curriculis, peculiari metarum genere eos usos esse non possum non credere. Quod genus in quibusdam agonisticis monumentis adpictum video (Gerhard, Auserl. gr. V. CCLXVII. Mus. Greg. vol. II. tab. XXII 1 a). Habent speciem boleti inversi, cuius orbis terram premat, pediculus in altum erectus sit. Quod autem gravissimum est, non in terra fixæ, sed mobiles sunt. Fixis enim metis si in exercitationibus usi essent, idem semper periculum erat quod in publicis certaminibus, ne meta collisa currus everterentur. Illæ vero metae ex levis ponderis ligno factæ cedebant, cum orbis earum, quo ut stare possent opus erat, impingebatur¹⁾. Præterea ahenei anuli ampliore quam meta circumscriptione petiolo circumdati, quales in priore imaginum supra laudatarum cognoscuntur, ne ipse truncus tangi posset, impedivisse mihi videntur.

1) Ex nostris palaestris licet exercitationes in altum saliendi comparare: milites enim vel gymnici in palaestris super linum pedi tangenti cedens salire exercitati in campis super firmas stabilesque res dant saltus periculosiores.

Quae omnia animo complexus iure dicas metam fuisse veterum hippodromorum impedimentum. Tale quid a nostris alienum est. Immo his forma est oblonga: quorum anguli cum bene rotundati sint et totius plani in extremo tantum margine curri soleat, arti anfractus evitantur¹⁾, id quod veteribus contrarium est. Itaque nostri equisones equos ad certamina prae-parantes ('Training') non in subtiliter eis condocesfaciendis studium ponunt, sed id eos pedetemptim consuefaciunt, ut macescentibus corporibus per amplum spatium quam celerrime ruentes perdurent et, nisi ad planum campum ('Flachrennen') solum destinati sunt, omnis generis impedimenta et alta et lata, ut saepes, muros, aggeres, fossas, aut saliendo aut enitendo audacter vincant. Id genus impedimenta superare etsi veteres in apertis campis ('Campagne') equos militares docebant (Xen. de re equ. cap. VIII. Oecon. cap. XI 17), a circensi usu excludebant, quia currulia certamina in eorum hippodromis et origine et honore equestribus priora erant. Ad curruum autem certationes cum levia aequora campi aptissima sint, ut omnes veterum hippodromi, sic Homericus quoque in tali situs erat (v. 359: ἐν λείῳ πεδίῳ. v. 330: λείος δ' ἱππόδρομος ἀμφίς). Qui quod a mari in terram orientem versus vergebat, id non casui tribuerim (v. 364: οἱ δ' ὧκα διέπρησσαν πεδίοιο | νόσφι νεῶν ταχέως. v. 373: ἀλλ' ὅτε δὴ πύματον τέλεον δρόμον ὠκέες ἵπποι | ἄψ' ἐφ' ἀλὸς πολιῆς. Cfr. cap. III A). At Graeci ex Cyri adversa expeditione ad maris litus reversi prope Trapezuntem per declive decurrunt (Xen. Anab. VI 8, 28: ἔθεν δὲ καὶ ἵπποι καὶ ἔδει αὐτοὺς κατὰ τοῦ πρανοῦς ἐλάσαντες ἐν τῇ θαλάττῃ στρέψαντες πάλιν πρὸς τὸν βωμὸν ἄγειν). Hoc Persarum fortasse consuetudinem imitati (p. 8) ideo fecerunt, quod prae montuosa loci natura aliter non potuerunt. Quam Graeci et equi et equites in eiusmodi hippodromo currere non fuerint exercitati, e Xenophontis narratione affatim apparet.

1) Excipio venationes ('Jagdrennen'), ubi hic illic rectangulis paene flectitur.

Multa sed mira magna ex parte de hippodromo Homericō disputavit Delabarrius¹⁾: nihil vero fere mirius quam quod prope metam non Homericī solum, verum omnium Graecorum hippodromorum locum depressiorem pro impedimento de industria facto fuisse dicit. Longum est omnes eius hariolationes refellere: hoc autem, quod ex tota farragine prompsi, leviter tangam. Duo enim neglexit vir doctus: locum illum depressiorem neque de industria, sed natura impedimentum factum forte ibi neque prope metam, sed prope calcem totius curricula situm esse; nam quaecunque a versu 373 narrantur, in fine cursus eveniunt. Immo res ita animo cogitanda est. Secundum sinistram marginem totius hippodromi unus ex illis torrentibus fluit, quales in illis regionibus repente orti repente dilapsi multi obviam fiunt. Hic torrens, qui disertis verbis scilicet propter crebritatem rei non commemoratur, primo vere extumescens illo loco ripam avellit lateque excavavit, quo ῥωγμὸς (cfr. schol. Ven. A v. 420) sive ἔκρηγμα, quod Graeculi vocant (Polyb. XII 17, 5. 20, 4), ortum est (v. 420 sq.: ῥωγμὸς ἔην γαίης, ἣ χειμέριον ἄλὲν ὕδωρ | ἐξέκρηξεν ὁδοῖο, βαθυὲν δὲ χῶρον ἅπαντα). Quam excavationem in laevam hippodromi arenam prominentem eiusque viam coartantem (v. 416: στενωπῷ ἐν ὁδῷ. v. 419: στεῖνος ὁδοῦ κοιλῆς. v. 427: στενωπὸς γὰρ ὁδός), qui non circuitione usus ad laevam via excedere vult, paene rota tangere debet. Id fecit Menelaus (v. 422: τῇ ῥ' εἶχεν Μενέλαος) Antilochi commodo, qui eum proximus sequitur. Hic enim, dum ille ad marginem versus cavernae currum regit, equos suos ad celeriores cursum exhortatur atque concitat (v. 402—16), quare ei contingit, ut paullum ad laevam de via flectens (v. 423 sq.) Menelaum a laeva praetervectus in angustiis assequendis praeoccupet²⁾.

1) Mémoires de littérature, tirez des registres de l'académie royale des inscriptions et belles lettres depuis l'année M.DCCXXXI jusqu'en l'année M.DCCXXXIII p. 360sq. (Histoire de l'acad. roy. des inscr. et bell. lettr. tome IX. Paris M.DCCXXXVI.)

2) Schol. Ven. B 420: ἐν δεξιᾷ Μενέλαος ἤλαυνεν falsum est nisi intellegitur ἐν δεξιᾷ τοῦ Ἀντιλόχου.

Qua de causa Menelaus, ne aut ad dextram in cavernam deferatur aut ad laevam cum adversarii curru collidat (v. 433—8), id quod, cum periculosum sit, anxie evitat (v. 422: ἀμαρτοχίας ἀλεινών. Sic Grashofius Res vehic. p. 35: 'concursum'), cursum retardare cogitur. —

Solum hippodromi, ut omnium antiquitatis circorum, arenosum est (v. 365. 372 = 449. 437. 502. 503). Raro equestre certamen describitur, ubi pulveris vel arenae humi excitatae non fiat mentio, velut Soph. El. 714. Verg. Georg. III 110. Hor. carm. I 1, 3. Ov. am. III 2, 41. Sil. It. Pun. XVI 325 sqq. Stat. Theb. VI 411. 479. 492. 526. Quint. Smyrn. 518. Nonn. Dion. XXXVII 284. Quocirca etiam voce arenae pro hippodromi utuntur. Nostorum hippodromorum solum ('das Gelaß') hoc quoque prementi ungulae cedens, sed graminosum est¹⁾. Arenosus solus interior circulus non magnae latitudinis ('die Galoppierbahn') est, ubi non certando decurritur, sed equi certaturi proximis diebus ante ipsam certationem exercentur.

Nomina curriculi apud Homerum reperimus tria diversa: ἵππόδρομος (v. 330), δρόμος (v. 321), quo verbo etiam cursus equorum significatur (v. 373. 375. 526), ὁδός, quae vox creberrime obviam fit (v. 330. 393. 419. 421. 424. 427). Hoc vocabulo, cui Latinum 'via' prorsus respondet (Stat. Theb. VI 494: cum iam in fine viae (plur.)), nullo modo hic via publica significari potest. Hae enim ἵππασται ὁδοί (Il. VII 340) quamquam illa aetate exceptis natura saxeis nec lapidum nec silicis stratura durae ut nostrae fuerunt, quod id unguibus equinis non soleis ferreis indutis plane obfuisset — equus enim campis patentibus et herbis graminibusque mollibus natus est — tamen continua frequentatione paulatim tantam duritiem nanciscebantur, ut ad certamina in eis celebranda iam non idoneae essent. Molles enim eas esse debuisse Ovidianus locus (Met. VI 218 sqq.) testimonio est:

Planus erat lateque patens prope moenia campus,
Assiduis pulsatus equis, ubi turba rotarum
Duraque mollierat subiectas ungula glaebas.

1) Tale apud Vergilium Aen. V 287 stadium est: 'gramineus campus'.

Deinde pro via publica latior debebat esse, ut quinque bigis commodum spatium praeberet. Tum non potest intellegi, cur duae viae tam prope inter se recta regione tulerint paullo post in unam coiturae (v. 330). Re vera illa via omnino non significata fuisse putanda est. Namque Graecos Troiam obsidentes alias equestria certamina hoc loco celebravisse neque traditum est nec verisimile, quia Nestor sine iusta causa de metae origine dubitaret (v. 331 sqq.). Immo ὁδὸς est ea via, qua brevior circum metam animo nequit cogitari. Prope metam dextra et sinistra via concurrunt ut capita cinguli (v. 380 ἐν ξυνοχῇσιν ὁδοῦ. Cfr. Quint. Smyrn. A 342: ἐν ξυνοχῇσιν ἀγῶνος. Π. A 131: ὅθι ζωστήρος ὀχῆες χρύσειοι σύνεχον)¹⁾. Quod de Antilocho v. 423 sq. dicitur:

παρatreψας ἔχε μώνυχας ἵππους
ἐκτὸς ὁδοῦ, ὀλίγον δὲ παρακλίνας ἐδίωκεν,

his verbis poeta nihil aliud dicere vult nisi illum paulum hac via cogitatione brevissima excessisse²⁾.

1) Mirum in modum scholiastae et Eustathius, a quo Delabarrius in eundem errorem deductus esse videtur, ξυνοχὰς ὁδοῦ de angustiiis viae intellexerunt, quae illi loco ineptissimae quomodo in planitie (330. 359) fieri potuerint non perspicio. Neque enim de collibus huic parti arenae imminentibus poeta ullum verbum fecit. Fac autem praeter eum, ubi Idomeneus sedet (v. 451), alios quoque colles fuisse, ut in permultis hippodromis: tamen nequaquam tam prope ad metam accessisse putandi sunt, ut anfractum in angustias cogerent: flexuris enim circum metam bigis aliquantum spatii opus erat. Si angustiae fuissent, quare Nestor filium monet, ne equis se permittens per multum spatium huc illuc erret, sed prope metam flectat (v. 319—25)? Si prope metam non multum spatii fuisset, qui potuit ab ea longe aberrare? Rectior igitur mihi quidem videtur veterum illa, quam Eustathius affert, interpretatio: κατὰ δὲ παλαιούς εἰπεῖν, inquit, συνοχή ἐστὶ τὸ τῶν σταδίων σωματοειδές (C), ὁποῖον μάλιστα τὸ κατὰ τὸν καμπτήρα εἶτον τὴν νύσσαν, qua de angustiiis ne verbum quidem fit. In stadio, ubi συνοχή sive σφενδονή erat, ibi certamina stataria fiebant, ut pugilatio Qu. Smyrn. IV 342: ἐν συνοχῇσιν ἀγῶνος.

2) Eustath. ὁ ῥωχμὸς ὁ τὸν Μενέλαον ἀποκλωσάσας τοῦ κατ' ἐνθὺ δρόμου. Schol. Ven. B 424 non recte: [Ἀντίλοχος] ἐκ τῆς ὁδοῦ εἰς τὰς ῥωάδας ἐαυτὸν δούς, ἵνα παρελάσῃ τὸν ἐντὸς ἔχων δρόμον ὀρθότερον καὶ

Quoniam de metae ratione quae gravissima puto protulisse mihi videor, proximum est, ut de cursus et initio et fine dicam. Aurigae, postquam in currus escenderunt, quem quisque locum sortitus est, eum occupat (v. 352 sqq.). Hic mos stationes sortiendi in omnibus antiquitatis curriculis obviis (cfr. cap. I D et III A. Nonn. Dion. XXXVII 226: *καὶ κυνέης ἔν- τοσθεν ἐθήμονος ἄλλος ἐπ' ἄλλῳ | τυφλὴν χεῖρα τίττειν*. Soph. El. 709—11. Stat. Theb. VI 389. Paus. VI 20, 11) etiam ad nostra tempora servatus est et apud nos quidem multo etiam plus valet, quia nos aequandis condicionibus, quod ad equites ante cursum collocandos attinet, non eam quam veteres operam navamus. In nostris enim curriculis omnes certantes una recta fronte consistunt, quae propter magnam equorum concitationem non sine ullo equitum labore effici solet: ita exteriori spatiosiore circulum percurrendum esse quam interiori neglegimus, quamquam hoc discrimen in equitibus minus valere concedendum est; nam paullo post initium cursus omnes interiori margini adhaerentes videbis. Verum in curruum certatione, quippe qui tam arte quam equites inter se conferci nequeant, eiusmodi simplex dispositio iniquissima erat. Itaque Graeci, ut erant aequitatis in curriculis studiosissimi, sic certaturos currus collocaverunt, ut dextrum cornu tantum prominere, quanto plus spatii ei ad metam percurrendum erat quam sinistro, id quod, ubi semel tantum circumcurritur, ibi facile fieri potest. Hanc collocationem Homerus v. 358 his verbis significat: *στὰν δὲ μεταστοιχί* h. e. obliqua fronte, ut quo quisque dexteriores stationem sortitus esset, eo magis prominere. Reicio igitur Doederlini interpretationem 'neben-einander' (Glossar. Hom. No. 2050). Hoc enim si poeta dicere voluisset, *στοιχηδὸν* sive *ἐπὶ στιχὸς* sive *δμόστιχοι* potius dixisset: cum vero *μεταστοιχί* usurpavit, non modo *ἐπὶ στίχων*, sed etiam deinceps eos stetisse dicere voluit, nec vero ita, ut scholiastae cumque eis Eustathius cogitaverunt. Neque

φθάσῃ ἐπὶ τὸν καμπτήρα. ὁ δὲ Μενέλαος τὸν ἀσφαλέστερον ἤλαυνε δρόμον. Namque metam uterque iam superavit.

enim absurdior interpretatio excogitari potest ea, quam illi protulerunt alium post alium *πυργηδὸν κατὰ βάθος* constituisse dicentes, ut a fronte eos spectanti primus solus conspiceretur. Eiusmodi collocationem iniquissimam esse nemo non videt. Recta interpretatio est media inter utramque falsam vel, ut geometrica imagine utar, diagonalis. Id quoque minus prudentis est quaerere: οὐ γὰρ κατὰ μέτωπον ἕστησαν, ἐπεὶ διὰ τί ὁ κλῆρος ἐπάλθῃ; Si enim una recta fronte stetissent, nonne, ut diximus, condiciones iniquae fuerunt, quia quo quisque dexterior constitit, eo maius ei spatium percurrendum erat? Ubi autem condiciones iniquae sunt, eo magis est, quod de stationibus certaturi sortiantur, ne quis eorum cladem suam ludi magistris crimini det. Verum in eo cum veteribus interpretibus consentio, quod Aristarchi auctoritatem secuti illa verba *στὰν δὲ μεταστοιχί* a pedestrium cursorum certatione aliena putaverunt ideoque v. 757 deleverunt. Namque stadiodromis, utpote qui rectum spatium semel tantum permetiantur, nihil est, quod obliqua fronte ante certamen consistant. Testimonio sunt bathra in Olympiaco stadio reperta, a quibus cursores proficiscebantur (cfr. A. Boetticher: 'Olympia, das Fest u. seine Stätte' p. 232).

Poeta quoniam non id agebat, ut plenam hippodromi descriptionem proferret, multa, quae ad institutionem hippodromi pertinent, depingere praetermisit, quia haec aequalibus eius notissima erant. Nostra autem interest, ut quam perfectissimam illius hippodromi imaginem animo nobis proponamus, quae omisit, ea, quod eius fieri potest, supplere. Supersedit, ut id exempli causa ponam, de signo ad incipiendum cursum dato loqui. At qui potuerunt quinque uno eodemque tempore cursum incipere (v. 362: οἱ δ' ἅμα πάντες ἐφ' ἵπποιιν μάστιγας ἄειραν) nisi certo signo dato? Hoc signum quale fuerit, nescimus: forsitan pro simplicitate illius aetatis Achilles voce eos concitaverit. De signis posterioribus temporibus adhibitis infra verba faciam (cap. III). In nostris curriculum is, qui hoc munere fungitur ('der Starter'), vexillum passum prope ipsos certantes submittit simulque tintinnabula tertium sonant.

Minus etiam, quam de initio, comperimus de cursus fine. Hunc signo quodam, fortasse, si placet, eodem, quo aphesis significatum fuisse necesse est. Etenim si defuisset, quanam norma victoria diiudicanda erat? Nemo neque certantium nec spectatorum scivisset, ubinam iustus currendi finis esset. Ac quod Antilochus Menelaum capitis equini fere longitudine superat (v. 515—23), haec differentia a iudicibus non potest statui, nisi oculos ad columnam vel sudem vel metam vel tale quid ('Siegespfosten') collineant. Quam ob rem imago, quae currule certamen in Peliae mortui honorem institutum exhibet (Mon. d. Inst. vol. X. tab. IIII. et V.), non ita intellegenda est, quasi pictor tres ludi moderatores, Acastum, Argeum, Phere-tem, ora contra quadrigas decertaturas convertentes facere voluisset: nam iumentis maximo impetu ruentibus obtriti essent — sed ita, ut aurigae inter eos et tripodes pervehantur. Ad horum enim, qui praemia propositi sunt, extremum iudices alius iuxta alium sedentes oculos videntur collineare. Hanc rerum rationem artifex eo significavit, quod iudices quippe spectanti propiores aurigis et equis aliquanto maiores depinxit.

B.

DE HIPPODROMO NONNIANO.

(Dionys. XXXVII 103—484.)

Nonnum, perpetuum Homeri sectatorem, etiam in pingendis ludis funebribus, quos Bacchus in honorem Opheltae (v. 101 sq.) celebrandos curat, exempli sui vestigia studiosissime persecutum esse, quin etiam ad verbum permulta transtulisse non est, quod mireris, modo aliqua ex parte eius rationem carminis componendi cognoveris. Quod in ceteris, idem fecit in describendo certamine equestri. Siquidem vero utriusque enarrationem perlegenti, quae paria et similia sunt, ea primo quoque obtutu facile apparent, haec pluribus persequi praetermitto discrimina potius prolaturus.

Gravissimum discrimen est, quod non unam solam, ut Homerus, sed duas metas ex posterioris aetatis usu posuit. Quoniam enim v. 105—12 unam metam descripsit, alteram quoque ab eodem Cyclope in terra fixam esse dicit:

ἴσον ἐκείνῳ
ἀντίπορον λίθον ἄλλον ὁμόζυγον ἐν χθονὶ πήξας.

Proinde non semel, verum compluriens curriculum circuitu peragitur — quotiens, accurate non dictum est — id quod ex vocula *ἀεὶ* in v. 205 colligi licet:

ἥνλοχος πολύμητις — ἰθύνει —
ἐγγὺς ἂ εἰ περὶ νύσσαν ἄγων δρόμον.

Hoc enim adverbium Homericō loco, qui huic respondet, iure dest (v. 334):

τῷ σὺ μάλ' ἐγχρίμψας ἐλάαν σχεδὸν ἄρμα καὶ ἵππους.

Sequitur, ut apud Nonnum v. 289 *πύματος δρόμος* non de extremo unius solius circuitus spatio intellegendus sit, sed de integro circuitu plurium novissimo (cfr. p. 9). Id quoque ex ea re concludendum est Nonnianum hippodromum non tantae longitudinis esse potuisse, quantae Homericum, ut Aeacus minus pro usus necessitate ad exteriorem metam custodem mitti quam Homeri imitationi deberi videatur (v. 238—41 = Il. Ψ 359—61).

Alterum discrimen est, quod unus ex quinque certantibus, Phaunus, quadriga vehitur (v. 347. 432). Qua in re tametsi de Sole, avo suo (v. 414), exemplum cepisse dicitur (v. 168), tamen ab Homérico usu perquam discrepat. Namque Iliadis heroes et in proelio et in certamine bigis uti notissimum est, nisi quod interdum in pugna his duobus equis tertium *παρήγορον* adiungunt (Il. II 471. 474). Quos autem Neleus in Elidem de tripode certaturos misit (A 698: *τέσσαρες ἀθλοφόροι ἵπποι αὐτοῖσιν ὄχεσθον*), ei quattuor equi non necessario quadrigam efficiunt, sed possunt duae bigae esse, qua in re scholiastae quoque consentiunt.

Ad haec notabiliora accedunt leviora quaedam. Aurigae enim cum apud Homerum, priusquam de stationibus sortiantur, in currus escendant, hic contra prius sortitionem faciunt. Differunt etiam, ut hoc leviter perstringam, in modo sortiendi: ibi enim, ut solent (Il. Γ 316. 325. Ψ 861. Od. x 206), sortes ab Achille in casside quatiuntur, donec singulae excidant (v. 353 sqq.); hic ipsi deinceps (*ἀμοιβαδῆς*) velatis oculis sortes e casside promunt. Quod postquam fecerunt, ad certamen consistunt (v. 237):

ἰστάμενοι στοιχηδὸν ἀμοιβαίων ἐπὶ δίφρων.

Adiectivum *ἀμοιβαῖος* hic passivam vim habet quasi dictum sit: *ἀμειβομένων ἐπὶ δίφρων*. Saepissime idem est quod 'alternus' (v. 564: *συνοχμάζοντο γὰρ ἄμφω | χερσὶν ἀμοιβαλῆσιν*. XXXVIII 289. XXXIX 351. XLII 510. XLV 222. XLVIII 552. 857. XLVII 129. 154. 173). Alternant autem currus, quod antea nullo certo ordine dispositi nunc quam quisque stationem sortitus est, eam occupat: re vera igitur non currus permutantur, sed eorum stationes. Utrum vero alius post alium an alius

iuxta alium constiterit, ex adverbio *στοιχηδὸν* admodum ambiguo certo diiudicare haud potes. Nam *στοιχηδὸν* utrumque significat (v. 270: spectatores pluribus deinceps ordinibus considunt. XXXIX 7: naves eodem modo collocatae. XXXVIII 224: sidera zodiaci uno continuo ordine disposita. XLVII 736: tauri continua serie immolati. XXXVIII 107: deinceps narrare. XLVI 358: deinceps praeberē. XL 214: mulieres in summis turribus alia iuxta aliam consistentes. XXXVII 678 de discobolis: καὶ πῖσυρες στοιχηδὸν ἐφέστασαν ἄλλος ἐπ' ἄλλῳ, qui versus respondet Homérico Ψ 839: ἐξείης δ' ἴσταντο, σόλον δ' ἔλε διος Ἑπειός. Ne ex his quidem versibus quicquam de ordinis derelictione concludi potest, quia et *στοιχηδὸν* ἄλλος ἐπ' ἄλλῳ et ἐξείης utrumque significant, et alium post alium et alium iuxta alium. Graeci nisi κατὰ βάρους aut κατὰ μέτρον addunt, in hac re semper ambigui sunt). Credo Nonnum hoc versu nihil aliud dicere voluisse nisi una continua fronte alium iuxta alium constituisse. Non enim scholiastarum Homericorum absurditatem poetae nostro obtrudam, qui alium post alium ad certamen constituisse dixerint (p. 16). Hoc modo *στοιχηδὸν* interpretari vetamur etiam v. 242:

τοῖσι μὲν ἐκ βαλβίδος ἔην δρόμος.

Cur enim tali norma opus erat, nisi una omnes excurrerant?

Sed admoneor voce *βαλβίς*, quae etiam v. 625 in cursorum certamine posita est, Nonnum partim in rebus hippodromicis nominandis ab Homero differre. Namque nomen *βαλβίδος* ab Homericis verborum supellectile alienum posteriore demum aetate ortum videtur (a verbo *βάλλειν*? Cfr. *βόλβιτον* et Eustath. Od. p. 1404, 55. Il. Ψ 462: ἵπποι περὶ τέμα βαλοῦσαι). Atque ut omittam *κέλευθος* pro Homericis *ὁδός* positam (v. 243. 260. 394. 397. 431), gravius est, quod curriculum non *ἵπποδρομον* sive *δρόμον* (hoc vocabulo modo cursum equorum significat v. 132. 141. 180. 198. 205. 211. 216. 219. 222. 234. 241. 242. 271. 276. 289. 309. 317. 353. 390. 450. 461) appellavit, sed *στάδιον* (v. 189. 246). Non credo propter hoc de vero stadio, in quo equestre certamen institutum sit, cogitandum, sed poetam generali significatione usum esse. Cum enim fieret, ut,

ubi natura loci non simul et hippodromo et stadio spatium praeberet, ibi et cursores et equi in eodem stadio certarent, et cum alterum curriculum alteri simillimum esset, nomen stadii generali quodam usu pro utroque usurpatum videtur (cfr. Sen. Thyest. 410: (cerno) celebrata iuveni stadia, per quae nobilis | palmam paterno non semel curru tuli. Dio Chrys. or. XXXII p. 428 v. 29 ed. Dindorf: ἀπὸ σταδίου κελεύθου de hippodromo. Stat. Theb. VI 595 sqq. in eodem curriculo, ubi equi cucurrerunt, cursores quoque certant). Quin etiam in gymnasiis nisi certando, at certe exercendo equos agitados esse testatur locus Euripideus Hippol. 229, ubi Phaedra desiderium equos regendi his versibus persequitur:

δέσποιν' ἄλλας Ἄρτεμι Λίμνας
καὶ γυμνασίων τῶν ἵπποκρότων,
εἶθε γενοίμαν ἐν σοῖς δαπέδοις
πῶλους Ἐνέτας δαμαλιζομένα.

In eiusdem Helenae v. 208 hippodromus a gymnasio secernitur:

(ὁ δ' ἐμὸς πόσις)
ἵπποκροτα λέλοιπε δάπεδα γυμνάσιά τε
δονακόεντος Εὐρώτα, νεανιᾶν πόνον. —

Illustrem Nonni descriptionem perlegenti nihil dubii relinquetur, quin poeta non solis auctoribus usus res tam dilucide ac significanter sub aspectum subicere potuerit, sed suis oculis talia, fortasse Alexandriae, identidem spectaverit spectataque rettulerit. Namque aurigas multiplici dolo inter se vexantes (vv. 242—68) et spectatorum multitudinem animis concitatissimis certantium varios casus persequentem (vv. 269—78. 439—52, quibuscum conferas Dionis Chrys. or. XXXII p. 428 Dind.) paene magis etiam praesentes verbis expressit atque effinxit quam Homerus. Praecipue vv. 276—78 illius aetatis consuetudinem prae se ferunt:

καὶ τις ἐοῦ προκέλευθον ἰδὼν δρόμον ἥριοχῆος
χερσὶν ἐπεπλατάγησε καὶ ἔαχεν ἡθάδι φωνῇ
θαρσύνων, γελῶν, τρομέων, ἐλατῆρι κελεύων.

Nam quamquam illud pronomen ἐοῦ ita interpretari licet, ut

quem quisque spectantium ducem in bello habet, ei aurigae maxime faveat, tamen non dubito, quin poetae nostri animo suorum temporum mos obversatus sit, quo spectatores singulis aurigarum coloribus solebant favere. Cuius rei lepidissimum habes exemplum in Ovidii Amoribus (III 2). Huc spectant etiam vv. 418 sq., quibus magica superstitio in illorum temporum circis pervulgata tangitur, et v. 440, quod primum exemplum est, quod sciam, moris in nostris curriculis usitatissimi ('Totalisator') sponsionum de victoria faciendarum.

Quod aurigae identidem cum gubernatore comparantur (v. 217: ἔσσο κυβερνήτη πανομοῖος. 207. 221. 310), id veterum cogitationibus multo promptius erat quam nostris, quia eorum navibus duo erant gubernacula: quorum cum gubernator dextrum reducebat, navis ad dextram pellebatur ut equus adducta dextra habena, eademque contra in sinistram valent. Quid quod etiam in nostris curriculis dicere solent: 'das Pferd steuern'? Sed etiam ex contrario gubernatores cum equestribus agonistis componuntur, ut in Apollonii Rhodii Argonauticis IV 1604—10 Iason Argo gubernans:

ὥς δ' ὅτ' ἀνὴρ θόον ἵππον ἐς εὐρέα κύκλον ἀγῶνος
 στέλλη ὀρεξάμενος λασίης ἐνπειθέα χαίτης
 εἰθαρ ἐπιτροχάων· ὁ δ' ἐπ' αὐχένι γαυῖρος ἀερθεῖς
 ἔσπεται, ἀργινόεντα δ' ἐπὶ στομάτεσσι χαλινὰ
 ἀμφὶς ὀδακτάζοντι παραβλήδην κροτέονται·
 ὥς ὅγ' ἐπισχόμενος γλαφυρῆς ὀλκήμιον Ἀργεῦς
 ἦγ' ἀλαδε προτέρωσε,

quod est luculentissimum eius certandi generis exemplum, quod *κάλπη* appellatum multo ante huius poetae tempora a. a. Ch. n. CCCCXI Olympiae abolitum est (cfr. Paus. V 9, 1—2).

Non possum praetermittere, quin Nonnum peccati coarguam. Facit enim vv. 409 sqq. Phaunum ab Achate, quem ille collisurus est, admoneri, ut Actaeonem caveat, ne iterum ab eo de curru in pulverem deiciatur. Nec vero intellego, quo iure hoc faciat, siquidem Actaeon Phaunum, cuius equos prostravit (vv. 351 sqq.), iam dudum praetervectus (vv. 381 sq.) nec, cum iam novissimo circuitu decertetur (v. 289), denuo a

tergo consecutus est: perinde etiam prius quam ille ad finem advenit (vv. 477 sqq.).

Nonnus Homerum in eo quoque secutus est, quod hippodromi planitiem loco depresso intermissum fecit vv. 397 sqq. (= II. Ψ 420 sqq.):

ῥωχμός ἔην βαθύκολπος, ὃν ἐξέρρηξε κελεύθου
χειμερὶν μάστιγι Διὸς μετανάστιον ὕδωρ
ἡερόθεν προχέοντος· ἐργομένῳ δὲ ῥεέθρῳ
ὄμβρου γειοτόμοιο ῥάχῃς κοιλαίνετο γαίης.

In hoc extremo versu ῥάχῃς quid sit quaeritur. Proprie est animalis spina prominens, ut XLI 187. XLIII 43 tauri. XLII 250 bovis. XL 47 ursi. XXXIX 349. XLI 18 Euri. XLV 342 εἰς ῥάχιν ἄκρην hominis. Inde transfertur ad locum editum spinae similem, velut XLI 15. XLVIII 37. 199 Isthmus spinae similis e mari promergens, XLVIII 73 montis Haemi, XLII 131. XLV 203. 229. 286. XLVI 3. XLVII 143. 205 collis silvestris. Sic saepissime de collibus usurpatur (ut Anth. Pal. VII 657: Ποιμένες οἱ ταύτην ὄρεος ῥάχιν οἰοπολεῖτε). Nostro autem loco collem significari nego. Ut enim collis sit, hic non per transversum hippodromum pertinere possit, sed secundum eius longitudinem. Ille torrens aut extra arenam aut intra secundum collem fluere cogitandus sit. Si extra arenam fluens collem excavaverit, ad aurigas haec excavatio nihil attinet, quia collem non superant, ne Achates quidem. Si intra arenam fluat, certantes collis cavernam nequeunt assequi propterea, quod amnem curribus superare non possunt: cavernam enim trans eum sitam esse necesse est. Cum igitur collis significatio non quadret, ῥάχῃς aut de acri torrentis margine aut de superficie terrae intellegendum est. Verum neutrum exemplis potest firmari. Contra etiam notio spinae pugnat. Immo latum et planum tergum cuiuslibet rei Graeci voce νῶτον appellant, ut v. 460 arenae. XXXIX 360. 390. XLIII 35 maris. XLII aetheris. II. B 159. Od. γ 142: εὐρέα νῶτα θαλάσσης. Pind. IV 26: ἐξ Ὠκεανοῦ φέρομεν νώτων ὑπὲρ γαλας ἐρήμων εἰνάλιον δόρυ. Plut. Flamin. 9: Θεσσαλίας. Unum investigavi locum, ubi, quid ῥάχῃς significet, dubitari possit, Anth. Pal.

VI 41 in epigrammate Agathiae Scholastici, quo agricola Callimenes Cereri rustica instrumenta vovit:

τμήξας εὐαρότου δάχιν ὀργάδος.

Verum nonne hic quoque collis notio aptissima est? Nonne permulti agri culti in collibus sunt siti? Quae cum ita sint, in voce δάχιν mendum latere credo et scribo admodum leni mutatione δαγάς, quo vocabulo terrae fissura sive caverna significatur, velut Diod. Sic. I 39: „φησὶ γὰρ τὴν Αἴγυπτον ἅπασαν οὖσαν ποταμόχωστον καὶ χάννην, ἔτι δὲ κισηρώδη τὴν φύσιν, δαγάδας τε μεγάλας καὶ διηνεκεῖς ἔχειν“. Παρὰς autem κοιλαίνετο γαίης ea figura dictum est, qua tritissima poetae, quod verbo fieri dicitur, id substantivo iam factum anticipant: ‘Coartato autem fluctu pluviae terram corrodentis caverna excavabatur terrae’.

C.

DE QUINTI SMYRNAEI HIPPODROMO.

(Posthomericæ Δ 500—95.)

In ludis funebribus Achilli a matre Thetide celebratis, quos iam ab extremi Odysseae carminis poeta in transcurso tactos (vv. 85—92) Quintus fusius atque ornatius enarravit, nihil memorabilius videtur quam quod curruum certamini adicitur equitum, quod plane novum et apud epicos quidem singulare multo magis nostros animos allicit quam currule ex aliis descriptionibus simillimis satis notum atque eo magis, quia huius apud Quintum magna pars temporum iniquitate periit. Quam ob rem ego quoque ad equitum certationem considerandam prius me convertam de curruli posthac acturus.

Primum quidem quaeritur, quanam causa Quintus adductus a vetere epicorum more paene sollemni in ludis funebribus sola currulia certamina depingendi discesserit. Utrum fontes suos secutus id fecit an ipse de suo novavit? Hoc ut credamus, nullam probabilem video causam. Cur enim id fecisse putandus est, nisi res antiquas ad suae aetatis morem componere voluit? Illius vero aetate (IV. p. Ch. saeculo), qua Romanorum auctoritas etiam in circis Graecis iam pridem praevalerat, currulium certaminum frequentatissimo usu equitum certationes iam paene obrutae erant. Quid igitur erat causae, cur eas in carmine resuscitaret? Quapropter magis inclinatus animus, ut equitum certamen, quod post longam curruum certantium descriptionem sine detrimento desse potest, a poeta nostro e fontibus suis repetitum arbitrer. Cum Homerus eius rei auctor non sit, cyclici cuiusdam poematis auctoritatem eum

secutum esse simillimum est veri. Etenim Arminii Koechly sententia (proleg. ad edit. Q. Smyrn. p. XXVI): 'Secutus est Homerum' mihi quidem nimis severa atque angusta videtur esse. Si verum est, quod idem vir doctus (proll. p. X) conicit, cyclica carmina illis temporibus iam non lecta esse, at certe posterioris aetatis, fortasse Alexandrinae, vel nisi hoc sufficit, etiam inferioris, carmine uti potuit, quod materiem a cyclico illo per plures, si lubet, manus repetebat. Ac cyclica poemata perlustranti nullum mihi videtur aptius, ad quod huius rei novae origo referatur, quam Arctini Aethiopis. Hunc enim primum equitantes Amazones cumque his alios quoque heroes de equis pugnantes in heroum carmen induxisse probabilis est sententia Welckeri (Ep. Cycl. II. p. 215 sqq.), cui nuper monumento apud Gjoelbaschi-Trysa, vicum Lyciae, reperto et a Benndorfio Vindobonam transportato novum additum est adminiculum. In hyperthyro huius aedis, cuius originem archaeologici ad minimum quarti a. Ch. n. saeculi initio tribuunt, Amazones vario habitu de equis dimicantes fictae sunt, unde equitantium Amazonum opinionem tum temporis in illis certe regionibus pervulgatam fuisse elucet. Quod non mirum est idcirco quia Amazones quippe ab oriente profectae Asiae gentium cogitationibus multo magis obversabantur quam occidentalium. Neque obliviscaris Milesium fuisse Arctinum. Quintus autem noster si Homeri servilis sectator exsistere voluisset, ne aliis quidem locis equites proeliantes inducere debebat, quod saepius fecit (cfr. Welckeri ep. Cycl. II. p. 218 adn. 87).

In eo quoque ab HomERICA consuetudine discessit, quod nec nomina omnium equitum nec numerum accurate attulit (vv. 545 et 589 ἄλλοι). Duorum solorum nomina comperimus, Agamemnonis, qui, ut antea frater Menelaus, victor e certamine procedit (v. 580), et Stheneli secundo praemio ornati (vv. 564. 581 sq.). Accedit, ut non in HomERICO hippodromo certatio fiat, sed, ut apud Nonnum, in bimetato quem uno verbo appellaverim. Namque vv. 565 et 583 Stheneli equus saepe (πολλάκις) dicitur a meta aberrare (cfr. p. 9 sq.), ex qua

re saepius equos circumagi concludendum est. Atqui ubi saepius quam semel circumagitur, ibi duabus metis opus est. Num etiam curribus certantes plures circuitus confecerint, etsi propter magnam post v. 524 lacunam ex ipsis poetae verbis iam elici non potest, tamen pro certo stat, quia nisi ita fuisset, certamini alteri altero curriculo opus fuisset (cfr. p. 9), quod alioquin inauditum est. Adverbium *ἐτέρωθι* in v. 545 non alterum hippodromum, sed alterum eiusdem arenae latus significat (cfr. v. 215). Cum enim aurigae in sinistra arenae parte decertaverint, iam equites in dextra ad cursum se accingunt. Proinde in contractiore hippodromo, qui oculis terminari possit, ille *οχοπὸς* dest, qui et apud Homerum et apud Nonnum (p. 19) ad metam exterioriorem custodiendam delegatur. Omittitur etiam, ut id quoque ab Homero et Nonno dissonum hic moneam, qui uni e certantibus de aurigandi arte praecipiat: hoc quominus lacunae demus, prohibemur versibus ei antecedentibus (vv. 506—9), quibus iam principium cursus describitur.

Sed nunc videamus, ecquid ex reliquiis colligere possimus, quo illa lacuna expleatur. Haec fere in ea scripta fuisse arbitror. Magnam eius partem expleverat infortunium Thoantis et Eurypyli, qui vv. 538—40 medici Podalirii curae traduntur. E curribus enim deiectorum ora laesa erant (v. 540). Qua re facta Menelaus utrumque praeoccupavisse putandus est. Eumelum quoque initio, ut in Iliade Ψ 376, ceteris praevolantem (v. 522) superavit, quia vincit (v. 541). Hac victoria equi eius spectatorum oculos in se convertunt, et unus ex eis illos eorumque possessorem laudibus extollit (v. 533). Eiusmodi laudationem optime Nestori, homini sermone promptissimo, convenire facile unusquisque concedet, cum praesertim is pro aetate sua et notitia aptissimus sit, qui de equorum origine aliquid narret: de his enim sermonem fuisse extrema oratione, quae servata est (vv. 526 sqq.), docetur. Orti esse existimandi sunt ab eis equis, quos Pelops, avus Atridarum, a Neptuno dono acceptos Oenomaos superato ex Elide secum duxit (v. 526), nisi forte iidem sunt. Achillis certe equi a Neptuno per manus Pelei et Achillis in Neoptolemi hereditate traditi in tertio

libro (vv. 755—62) referuntur: nam immortales sunt (v. 757. VIII 27. IX 215. Il. P 476. Ψ 277).¹⁾ Immortales autem Pelopis quoque equi fuisse censendi sunt quippe a deo donati. Il. Ψ 295 Menelaus ab Agamemnonis Aetha et suo Podargo vehitur. Aethen Agamemnon ab Echepolo dono acceperat, quapropter ad nostrum locum non quadrat. Etiam in lacuna, quae post versum 573 hiat, de hereditario equo ab Arione illo orto sermo fuit.

V. 525 ex ipsius Menelai laude reliquum esse credo (Similiter Il. X 241 de Achille: τοῖον γὰρ ὑποτρομέουσιν ἅπαντες. cfr. Koechly adnot.).

Ut apud Homerum, quinque ad curruum certamen consurgunt, quin etiam ex parte iidem sunt atque illic, ut Eumelus et Menelaus: Antilochus interim in pugna cecidit (Qu. Smyrn. II 256—400. 447). Hic quinio in mythicis certaminibus fere constans est: ut apud Nonnum (XXXVII 154—73), sic etiam in Peliae ludis funebribus (Paus. V 17, 9) occurrit. Qui in Statii Thebaïdis VI 301—50 in arenam descendunt, ei septem septem contra Thebas ducibus respondent.²⁾

Solent tot ad certamen consurgere, quot exposita sunt praemia, ut quisquis honestum in modum ad finem pervenit, praemium accipiat (cfr. Verg. Aen. V 305: Nemo ex hoc numero mihi non donatus abibit). Praemiorum pretia a primo ad infimum decrescunt. Equus secundum ordinem obtinet (Il. Ψ 265 sq.³⁾ Nonn. XXXVII 121 sqq. et 617. Verg. Aen. V 310 et Stat. Theb. VI 644 primum obtinet locum). Apud Quintum autem primo solus victor Menelaus praemio ornatur (vv. 541—44), ceteri omnes finitis demum certationibus (v. 589), apud Statium Theb. VI 530—49 primus et secundus, apud Vergilium l. l. vv. 310—15 primus, secundus, tertius.

1) Cfr. etiam Stat. Theb. VI 311—15.

2) Pedestres cursores in Homeri Iliadis Ψ 754—57 tres certant, totidem apud Nonnum Dion. XXXVII 614sq., apud Quintum IV 185 duo, in quibus Ajax Locrensis, qui iam in Iliade certavit, in Peliae ludis funebribus quinque (Paus. V 17, 9), in Vergili Aeneide V 293—302 et Statii Thebaide VI 560 multi.

3) Cfr. scholia.

Non possum credere sortitionem, utpote quae a ceteris semper memoretur (p. 15 sq.), a Quinto silentio praeteritam esse, sed mentionem eius in v. 506 compluribus corruptelis obnoxio latere conicio. In quo versu emendando quantopere viri docti ingenium exercuerint, facile ex Arminii Koechly commentario cognosces. Codices sic eum exhibent:

*αἰψα δ' ἄρ' εἰς χῶρον ξύνισαν βεβαῶτ' ἐνὶ δίφροις
χῶρον ἄν' ἡμαθόεντ'.*

Clausulam versus mendosam esse in aprico est propter dualem de quinque aurigis absonum. Assensus eis, qui verborum loca permutant, scribo: *δίφρους βεβαῶτες*. Hic accusativus, qui Homérico exemplo nititur (Γ 262 *πὰρ δέ οἱ βήσετο δίφρον*), ne a Quinti quidem dictione alienus (Koechly proll. cap. II. § 18. cfr. etiam vv. 518. 565), quod rarius occurrit, glossemate explicatus est: glossema autem in textum irrepsit. Codex enim Monacensis perpetuo glossarum apparatu exornatus est (Koechly proll. p. CII). *Χῶρον* autem, quod propterea, quia idem verbum continuo iteratur, ferri nequit, librarii lapsu pro *κλήρον* scriptum esse credo. Sic igitur versum restituo:

*αἰψα δ' ἄρ' εἰς κλήρον ξύνισαν δίφρους βεβαῶτες
κῶρον ἄν' ἡμαθόεντ'.*

Nolo multis meam coniecturam commendare ¹⁾, ceterorum refutare. Id certe mihi persuasi et leni mutatione et bona sententia ceteris eam praestare. Accedit, quod Homérico versui (II. Ψ 352) meus optime respondet:

ἄν δ' ἔβαν ἐς δίφρους, ἐν δὲ κλήρους ἐβάλοντο.

Sequuntur apud Quintum verba:

ἐπὶ νύσσης δ' ἔσταν ἕκαστοι.

Hac *νύσσα*, a qua equites quoque proficiscuntur (v. 550: *οἱ δ' ἀπὸ νύσσης | καρπαλίμως οἴμηναν*, = v. 195), videtur interiore poetam metam significare. Habebat igitur triplicem finem: primum, ut circa eam, ut circa exteriorem, flecteretur, alterum,

1) Cfr. similem Arriani locum: *εἰς κλήρον ἀντὸς καθίστασθαι ἐδικαλον*.

ut inde cursus inciperetur, tertium, ut hic finiretur. Credo animo poetae hos versus componentis illum Homericum obversatum esse (*Ψ* 758):

τοῖσι δ' ἀπὸ νύσσης τέτατο δρόμος.

Sed is de pedestribus cursoribus dictus est, qui cum non circum metam flectant, a signo quodam procul posito ideoque propter metae exterioris similitudinem νύσσα appellato ad iudices versus currere ducendi sunt. Similem veterum interpretum sententiam Eustathius ad hunc versum profert: *Εἰς δὲ τὸ ἀπὸ νύσσης φασὶν ὅτι δόλιχος ἦν ὁ δρόμος καὶ ἡ ἄφρσις ἀπὸ τοῦ καμπτήρος ἐγένετο ἄνω πρὸς τὴν ἀφρηρίαν*, nisi quod perperam de dolicho cogitaverunt. Rectius enim schol. Ven. B stadium intellegens: *Ὀλίγος τις ἦν, inquit, ὁ δρόμος, ἐνθα μὴδὲ κάμψαι ἐνῆν. | ἐπεὶ οὖν μὴ κάμπτουσιν, οὐ ταμιεύουσιν εἰς τὸ τέλος τὸ τάχος, ἀλλ' εὐθέως προπηδῶσιν* (= schol. Townl.).

D.

DE HIPPODROMO STATIANO.

(Theb. VI 296—549.)

Ne Statium quidem periculum suae aetatis usum circensem descriptoni Nemeorum in Archemori laudem primum celebratorum hic illic immiscendi evitasse quamquam vix est quod urgeam in summa illis temporibus circensium ludorum frequentia, tamen ut, qui et quoad id fecerit, accuratius cognoscas, singulas res diligentius considerans secernere conabor. Cum res Thebaïde enarratae aliquanto ante bellum Troianum acciderint, iure exspectamus hippodromum si non Homérico simpliciore, at certe ei parem fuisse. Verum aliter res se habet apud Papinium. Eius enim animo posterioris aetatis hippodromus obversatus est, cum dicit vv. 255—60:

Collibus incurvis viridique obsessa corona
Vallis in amplexu nemorum sedet: hispida circum
Stant iuga, et obiectus geminis umbonibus agger
Campum exire vetat, longo quem tramite planum
Gramineae frontes sinuataque caespite vivo
Mollia non subitis augent fastigia clivis.

Ab Homérico hippodromo, ut omittam ibi unius tantum collis cacuminis mentionem fieri (Il. \mathcal{V} 450), cum ars tam aliena sit, ut etiam dubitari possit, num unquam prius equis ibi certatum sit (ibid. vv. 331 sq.), haec vallis, ubi collibus non circumclusa hiat, transverso aggere saepta est. Quomodo autem hunc aggerem exstructum putas nisi manibus hominum? Quid quod de 'geminis umbonibus' sermo est? Hi, de quibus video interpretes valde dubitare, nihil aliud mihi videntur esse quam

geminæ turres, quæ in circis Romanis — de Graecis testimonia desunt — utrique carcerum fini impositæ erant. Diversas enim res prominentes a Statio hoc vocabulo significari ostenderunt Amarius et Lemairius in. editione sua ad I 377. Accedit, quod veri carceres postibus Romanorum more praeclusi commemorantur v. 392:

stant uno margine clausi

et evidentius vv. 389 sq.:

impulsi nequeunt obsistere postes

Claustraque, compressæ transfumat anhelitus iræ.

Hoc quoque ex Romanorum consuetudine fictum est imagines pompa ante certamen per circum deduci (vv. 265 sqq. cfr. Ov. am. III 2, 44 sqq.). Ab his, quas adhuc attuli, rebus mirum quantum discrepat metarum descriptio vv. 351—54:

Metarum instar erat hinc nudo robore quercus,

Olim omnes exuta comas, hinc saxeus umbo

Arbiter agricolis: finem iacet inter utrumque,

Quale quater iaculo spatium, ter harundine vincas.

Non dico, quod duas metas posuit — nam hoc cum Nonno et Quinto et suæ omnino ætatis usu commune ei est — sed quod, qui hippodromo exstruendo artem adhiberent, eos ne metas quidem artificiosas effecisse nos vult credere. Paene ridiculum est, cum alioquin de aggere, de carceribus, de turribus verba faciat, uno eum anhelitu viles illas atque exoletas metas inducere. Vereor ne Homeri intempestiva imitatio (Ψ 326—33) ludos ei fecerit. Utrum quercus an lapis interior meta sit, aperte nusquam dictum est: etenim v. 479 commemoratur tantum sine ulla alia significatione. Quoniam autem v. 351 arbor priore loco affertur, hanc a carceribus in arenam prospicienti priorem fuisse arbitror. Sed hoc leviculum. Eo quoque naturalem et quasi fortuitam speciem hippodromi servare studuit, quod metae non inter se coniunctæ sunt spina. Potest certe in tanta curruum paucitate spina omitti, sed cum illum aggerem arte exstructum posuerit, quid obstabat, quominus spinam quoque poneret? Ne id quidem accurate comperimus, quotiens

circum has metas cursu flexum sit. Inde a versu 404 usque ad versum 440 spatium permetiuntur e carceribus ad metam exteriorem: non enim Arion, si iam compluriens arto anfractu, ut decet, metam ambisset, subita libidine et varietate ductus ab ea exerrasset. Vv. 445—53 in altero latere ad metam inferiorem revertuntur, v. 454 secundum curriculum inituri. V. 469 quarti orbis initium diserte commemoratur, v. 479 eius finis ad interiorem metam. Dehinc quae fiunt, quot gyris tribuenda sint, in suspenso relinquitur: nam v. 496 (= Il. Ψ 373) iam decertatur. Potest inter duo haesitari, utrum XII, ut in Graecis, an VII, ut in Romanis circis, circuitus efficiantur: hoc, quod poetae in aliis quoque rebus, ut vidimus, suorum temporum instituta recipienti promptius est, veri videtur similis.

Ut autem, quantum suae aetatis auctoritas ad res antiquas describendas valuerit, etiam magis proderet, poeta septem aurigas universos quadrigis fecit decurrentes (cfr. p. 19). Id nisi aperte dictum esset (v. 370), ex nominibus equorum vix concluderes. Nam vv. 460—66, ubi nominibus aurigae equos, ut solent, adhortantur, Admeti tres, Amphiarai tres ¹⁾, reliquo-

1) Aschetus, Cygnus, Caerus v. 524 (cfr. Welcker ep. Cycl. II adn. 110). Haec nomina Statius non ex Antimachi Thebaide videtur sumpsisse, quod ibi duorum tantum equorum alia nomina fuisse scholiasta ad Pind. Ol. VI 21 testatur: κατεπόθη δὲ Ἀμφιάραος, οἱ μὲν περὶ Ὠρωπὸν, οἱ δὲ περὶ Κλεωνάς· τοὺς δὲ ἵππους αὐτοῦ φησὶν Ἀντίμαχος εἶναι ἄσυστάτους, οἱ δὲ Θεσσαλοὺς, ὀνόματα δὲ αὐτῶν Θόας καὶ Ἀλας (cfr. Kinkel epic. Graec. frg. I p. 285). Vocem ἄσυστάτους corruptum esse iam Meinekius (Anal. Alex. p. 54 frg. XIX.) suspicatus est. Desideratur enim nomen gentile, quod Thessalis opponatur. Ungero Ἀσβωτῖλος tentanti vix fidem habebis (cfr. Duebner Antimachi frgm. XXIII.), quod pro Antimachi nomine Euphorionis ponat oportet et Stephano Byzantio teste Asbotus urbs est Thessaliae. Stollus proposuit Ἀμυκλαῖος collatis Statianae Thebaidis libri IV vv. 214—23 et libri VI v. 329. Sed ibi Taenarii equi commemorantur, quibus Amphiarus Amyclarum aliarum urbium civibus comitantibus vehitur, hic de Castoris Amyclaeis habenis sermo est; neutro igitur loco Amyclaeorum ipsius vatis equorum mentio fit. Propius ad traditionem lectionem me applicans lenissima mutatione pro ἄσυστάτους scribo Ἀσβυσταῖος. Quod ut defendam, Herodoteum locum afferre satis est (IV 170): Γίλιγαμμέων δὲ ἔχονται τὸ πρὸς ἐσπέρας Ἀσβύται· οὗτοι

sum singuli equi appellantur. Possis putare, ubi unius modo equi nomen afferatur, ibi ex more Romanorum sinistrum significari (p. 9). Sed praeterquam quod interior equus, quippe cui minor orbis conficiendus sit, praeter ceteros incitari non solet, Arionis quoque exemplo haec sententia reicitur. Hunc enim, qui solus e Polyniciis equis nomine laudatur, non sinistrum funalem, sed unum ex iugalibus esse e v. 503 discimus:

erectus in armos

Stat sociumque ingi comitesque utrimque laboris
Secum alte suspendit equos.

Ac dextrum quidem credo eum iugalem esse, si summum eius impetum specto. Neque enim id e versu 444 concludere velim:

Spargitur in gyros dexterque exerrat Arion,
ubi dexter idem est quod dextrorsum (Recte verterunt Binde-
waldius: 'nach rechts in weitem Bogen abirrte' et Imhofius:
'und rechts abschweifte vom Wege'). Solebant autem veteres
quo cuique circensium equorum maior erat impetus, eum ad
dextram iungere, qui mos inde nostris quoque aurigis mansit.
Quae cum ita sint, tardissimus quisque equus ab aurigis pro-
miscue excitari putandus est. Forsitan Papinius in fontibus
suis omnium nomina non invenerit. —

Vv. 402 et 403 in libris manuscriptis sic legimus:

Circumstant fidi nexusque et torta iubarum
Expediunt firmantque animos et plurima monstrant.

τὸ ὑπὲρ Κυρήνης οἰκέουσι. ἐπὶ θάλασσαν δὲ οὐ κατήκουσι Ἀσβύται·
τὸ γὰρ παρὰ θάλασσαν Κυρηναῖοι νέμονται. τεθριπποβάται δὲ
οὐκ ἦκιστα, ἀλλὰ μάλιστα Διβύων εἰσι, νόμους δὲ τοὺς πλεῖντας
μυέεσθαι ἐπιτηδεύουσι τοὺς Κυρηναίων. Pro forma Ἀσβύται usitatio-
r est Ἀσβύσται (ut Callim. hymn. II 76. frg. 13. Lycophr. 895 alibi). Si
quaeris, qui Amphiarus huius gentis equos possidere potuerit, clarissimi
Cyrenaicorum equi, qui saepius titulorum Panathenaicorum testimonio in
Graecorum certaminibus victores prodibant, quin a Graecis plurimi aesti-
mati atque valde expetiti fuerint, nullus dubito. Merito Amphiarus, no-
bilissimus ille auriga, optimis equis exornatur. Quod enim Asbystae prae-
stantissimi quadrigarum aurigae appellantur, inde de equorum quoque ex-
cellentia concludere licet.

Nec vero intellego, quaenam aurigandi artis peritissimis monstrare debuerint. Scribo igitur:

Expediunt firmantque animos et plura ministrant,
quae mutatio lenissima est, si praesertim prior litera n in verbo
monstrant lineola superscripta significata erat. Sententia vero
sic efficitur, quae unicuique aperta sit ad intellegendum. Nam-
que poeta, quoniam duo fidorum ministeria commemoravit,
plura enumerare supersedet. Plura addidit Apollinaris Sido-
nius carm. XXIII 325—30 nostrum locum imitatus:

Continent ministri

Ora et lora manus iubasque tortas
Cogunt flexilibus latere nodis
Hortanturque obiter iuvantque blandis
Ultro plausibus et voluptuosum
Dictant quadrupedantibus furorem.

Suspikor Sidonium Statii versum ita legisse, ut ego eum
scripsi.

II.

DE LAEVO GYRO.

Veteres et Graecos et Romanos et, quod ex eorum consuetudine conicere licet, fortasse ceteras quoque antiquitatis gentes in curriculis semper et ubique ¹⁾ equos in laevum gyrum duxisse quamvis res sit nota, tamen plenioribus quam adhuc factum est testimoniis demonstrabo. Ac ne periculo quidem repellar locos, quos cap. III A afferam, ex parte praecipendi. Cum enim scriptores, praesertim poetae, equos certantes longe saepissime eo potissimum tempore describant, quo circa metam flectunt, quia id tempus pro periculo suo animos in summam expectationem adducit, fit ut iidem fere loci simul huc et illuc spectent. Sunt autem testimonia, in quae auctores perscrutatus incidi, haec:

II. Ψ 335—38:

αὐτὸς δὲ κλινθῆναι ἐνπλέκτω ἐνὶ δίφρῳ
ἢ κ' ἢ π' ἀριστερὰ τοῖν· ἀτὰρ τὸν δεξιὸν ἵππον
κένσαι ὁμοκλήσας, εἰξαί τε οἱ ἥλια χερσίν.
ἐν νύσση δέ τοι ἵππος ἀριστερὸς ἐγχευθήτω.

Soph. El. 720—22:

καῖνος δ' ὑπ' αὐτὴν ἐσχάτην στήλην ἔχων
ἐχευέτω· αἶε σύριγγα, δεξιὸν τ' ἀνείς
σειραῖον ἵππον εἰργε τὸν προσκείμενον.

ib. 743—45:

ἔπειτ' ἀνέλκων ²⁾ ἥλια ἀριστερὰν
κάμπτοντος ἵππου λανθάνει στήλην ἄκραν
παίσας.

1) Excipio dimicationes in circis Romanis factas, ubi qui equitum e sinistris carceribus excurrerant, dextra quadrupedabant. Sed ego hic sola certamina curo, non dimicationes.

2) Arndtius. Vulg.: ἔπειτα λύων.

Nonn. Dion. XXXVII 217—20. 207—9:

ἀμφοτέρων δέ,
κέντρον ἐπισπέρχων προχέων πλήξειππον ἀπειλὴν
δεξιὸν ἵππον ἔλανε, θωώτερον εἰς δρόμον ἔλκων
ἄθλιβέος μεθέποντα παρειμένα κύκλα χαλινῶ,
σκέπτεό μοι καὶ σφίγγε κυβερνητῇρι χαλινῶ
δοχμώσας ὅλον ἵππον ἀριστερὸν ἔγγυθι νύσσης,
λοξὸς ἐπὶ πλευρῇσι παρακλιδὸν ἄρμα βαρέωνων.

Ovid. Amor. III 2, 81—82:

Quid facis, infelix? perdis bona vota puellae.
Tende precor valida lora sinistra manu.

Sil. Ital. XVI 362—64:

At docilis freni et melior parere Pelorus
Non unquam effusum sinuabat devius axem,
Sed laevo interior stringebat tramite metam.

Luc. Phars. VIII 199—201:

Non sic moderator equorum
Dexteriore rota laevum cum circuit orbem,
Cogit inoffensae currus accedere metae.

Accedunt ad haec poetarum testimonia monumenta. Ex eorum autem numero ea sola huc referri queunt, quae aut integrum hippodromum aut certe spinam vel metam exhibent, quia e gradu equorum de gyri regione, ut mox videbimus, prorsum nihil potest colligi. Ac Graeca quidem monumenta, in quibus vel utraque hippodromi arena vel spina depicta sit, non novi. Hoc in Italicis modo factum esse reperio.¹⁾ Sunt autem Graeca, in quibus metam habemus. Videmus enim in nonnullis vasorum imaginibus columnam appictam, qua pro meta posita certamen significari arbitror. Cum autem in eiusmodi simulacris meta et spina, si picta sunt, semper ad laevam certantium sint, inde laevo eos gyro decurrere elucet.

Sed minus notam quam ipsam rem rei causam esse existimo. Ut in aliis rebus, sic etiam in equestribus veteres dili-

1) Mus. Pio-Clem. V. tab. XXXVIII—XLIII. Delaborde Pavimento tab. XV no. I, ubi luculentum spinae obliquae exemplum habes.

gentiissimos naturae observatores et fautores invenies. Animadverterant enim equorum naturam ita comparatam esse, ut sinistra quadrupedare¹⁾ quam dextra malint. Cuius rei causam ex natura petitam Godofredus Hermannus in Commentatione de verbis, quibus Graeci incessum equorum indicant (op. I 69 sqq.), recte profert: 'Non est autem', ait 'consuetudo illa equos in curulibus certaminibus in laevam flectendi temere orta. Nam equi nulla arte et disciplina eruditi natura fere solent totum sinistra ire, quia sic in utero gestantur, ut dextro armo magis coartato liberior sit sinister'. Porro equum quadrupedo gradu incedentem sive angulo sive gyro facto de recta subito deflectes, ea semper quadrupedatim progredi necesse est, qua eum flexisti: si igitur ad sinistram eum deflectes, sinistra quadrupedare perget, sin ad dextram, dextra: quod ut faciat, nisi a rectore incitatur, ipse sua sponte facit, ne labatur.²⁾ Quare fit, ut equus sinistra exempli gratia quadrupedatim recta decurrens, si repente ad dextram deflecti cogitur, gradu immutato dextra quadrupedare pergat, quod non sine ulla perturbatione fieri solet, si praesertim non satis hoc exercitatus sit atque animo concitato. Deinde id quoque sciendum est fieri non posse, ut auriga solo verberare quattuor equos una aut dextra aut sinistra admittat, quia non uno eodemque tempore omnium latera potest verberare. Fac igitur dextro orbe aurigam rudibus equis velle decurrere. Nonne periculum est, ne nisi omnes, nonnulli certe equi pro sua natura sinistra quadrupedare incipiant? Id dum recta vehitur, nihil ei affert detrimenti, nisi quod cursus, si vario gradu incedunt, minus est constans ac compositus. Cum vero circum metam artissimo circulo ad dextram paene retro ei flectendum

1) Discedendum putavi ab ea equorum incessus Latina significatione, quam Godofredus Hermannus adhibuit. Quod enim apud illum 'tolutim ire', idem apud me est 'quadrupedare, quadrupedatim ire, quadrupedo incedere' ('galoppieren'), cum scriptorum locis examinatis mihi persuaserim tolutim potius id significare, quod nos 'Trab' sive 'Trott' appellamus.

2) Xen. de re equ. c. VII § 12: *Καὶ γὰρ πέφυκεν ὁ ἵππος εἰς μὲν τα δεξιὰ στρεφόμενος τοῖς δεξιόις ἀφηγείσθαι, εἰς εὐώνυμα δὲ τοῖς ἀριστεροῖς.*

est, fieri non potest, quin equi sinistra hactenus ingressi hic gradum commutent. Hac autem perturbatione periculum metae circumeundae, quod ipsum satis magnum est, valde augeri nemo non intellegit. Accedit, ut equi dextra dehinc quadrupedantes de celeritate remittant, quoniam eiusmodi quadrupedi gradu maiore molestia incedunt. Has difficultates veteres evitabant, quod equorum naturae concedentes laevo gyro decurrebant. Sic enim non verendum erat, ne equi falso gradu inciperent neve metam ambeuntes gradum mutarent: verum prout natura erant comparati, sinistra quadrupedare incipiebant, sinistra usque ad finem aequae pergebant. Continua consuetudine fiebat, ut equi naturali gradu magis magisque exulto et exercitato dextra quadrupedatim incipere plane neglegerent ac repudiarent.

Hic mos a currulibus certaminibus etiam ad equitum transferebatur, quamquam equiti et crurum et verberis et habenarum auxilio equum utrovis gradu admittere multo facilius est.

Sed non in certaminibus solum, verum etiam in decur-
sionibus fubebris aliusque generis laevum gyrum praeferebant (cfr. II. Ψ 5—14. Ω 14 sq. Qu. Smyr. III 694 sqq.). Id quidem ostendit praeter simulacrum in Mus. Pio-Clem. vol. V. tab. XXX adumbratum Ovidii locus *Metam.* VI 225 sqq. de Nio-
bae filiis in campo decurrentibus:

E quibus Ismenos, qui matri sarcina quondam
Prima suae fuerat, dum certum flectit in orbem
Quadrupedis cursus spumantiaque ora coërcet,
'Ei mihi!' conclamat, medioque in pectore fixa
Tela gerit frenisque manu moriente remissis
In latus a dextro paulatim defluit armo.

Ex hoc novissimo versu in laevum gyrum eos decucurrisse apparet. Nisi enim, qui a medio extrema avertit, Ismenos moribundus iam non resistens extrorsum ex equo excutitur. Tamen neque ex hoc loco neque ex illa imagine concludi licet equites dextrorsum omnino non equitavisse. Minime. Nam imago unum modo punctum temporis figens non potest utrumque gyrum una ostendere, et apud Ovidium incipiunt modo decurrere. Si enim diutius equitantes poeta descripsisset, non

dubito, quin de variis gyris dicturus fuerit, ut Vergilius in Aeneidis V. libro Troianum agmen depingens vv. 580 sqq.:

‘Olli discurrere pares atque agmina terni
Diductis solvere choris rursusque vocati
Convertere vias infestaque tela tulere.
Inde alios ineunt cursus aliosque recursus
Adversi spatiis alternosque orbibus orbis
Impediunt pugnaeque cient simulacra sub armis.’

Tales decursiones non possum mihi animo cogitare nisi variis gyris (‘Volten’) et sinistrorsum et dextrorsum factis. Dissertius autem Statius in Theb. VI 233 sqq. decursionem circum Archemori tumultum factam narrans:

‘Tunc septem numero turmas (centenus ubique
Surgit eques) versis ducunt insignibus ipsi
Graingenaes reges, lustrantque ex more sinistro
Orbe rogam et stantes inclinant pulvere flammam.
Ter curvos egere sinus, inlisaque telis
Tela sonant, quater horrendum pepulere fragorem
Arma, quater mollem famularum brachia planctum.
Semianimas alter pecudes spirantiaque ignis
Accipit armenta; hic luctus abolere novique
Funeris auspicium vates (quamquam omina sentit
Vera) iubet: dextro¹⁾ gyro et vibrantibus hastis
Hac redeunt’ e. q. s.

Incipiebant autem veteres laevo gyro etiam in exercitationibus, quod Xen. de re equ. capitis VII. gravissimi § 11 testatur: *ἐπελπερ δὲ καὶ ἀπὸ τῶν ἀριστερῶν ἄρχεσθαι εὐδοκιμώτερον, ὥδ’ ἂν μάλιστα ἀπὸ τούτων ἄρχοιτο, εἰ διατροχάζοντος μὲν, ὁπότε ἀναβαίνοι τῷ δεξιῷ²⁾, τότε σημαίνοι τῷ ἱππῳ τὸ ἐπιρ-*

1) ‘Dextri’, quod Kohlmannus ex Puteani lectione ‘dextris’ restituendum putavit, probarem collato v. 444, nisi ‘gyro’ sequeretur: praefero igitur ‘dextro’, quod nonnulli codices exhibent (ut v. 215: sinistro orbe).

2) Godofredus Hermannus hunc locum vitio laborare ratus in Commentatione de verbis, quibus Graeci incessum equorum indicant (op. I p. 70) cum, quod prius scripsit: *„εἰ διατροχάζοντος μὲν, ὁπότε ἀναβαίνοι, τῷ ἀριστερῷ“*, id probari non posse intellexisset, proposuit p. 72 adn. 4

ραβδοφορεῖν. — § 13 — ἵππασίαν δὲ ἐπαινοῦμεν τὴν πέδην καλουμένην· ἐπ' ἀμφοτέρας γὰρ τὰς γνάθους στρέφασθαι ἐθίζει. καὶ τὸ μεταβάλλεσθαι δὲ τὴν ἵππασίαν ἀγαθόν, ἵνα ἀμφοτέροι αἱ γνάθοι καθ' ἑκάτερον τῆς ἵππασίας ἰσάζωνται.

Idem mos, qui veteribus erat, nunc quoque equitantibus videtur esse nomadibus: quos quidem ego viderim per nostras quoque regiones, ut spectarentur, migrantes, velut Beduinas pulcherrimis equis exornatos et equitandi perpetuo usu praeditos et Indianos nuperrime apud nostram urbem et turmatim et singillatim per campum ruentes, eos semper laevo solo orbe decurrentes observavi. Quid quod in nostris quoque amphitheatris equi sine equite incedentes laevo semper fere gyro aguntur? In certaminibus autem nostris modo laevo modo dextro, quin etiam in venationibus (Jagdrennen) mutato saepe gyro curritur: quod facile ideo fit, quia nostra curricula ita comparata sunt, ut artae flexiones evitentur (p. 11).


In exercitationibus autem dextro lateri magis consulimus, non quia, ut Hermannus (l. l. p. 68) opinatur, 'dextri gyri frequentior et magis necessarius usus erat in dimicationibus, quae hasta et gladio committebantur' — nam contra in bellico usu quasdam decursiones ad laevam facere malunt quam ad dextram — sed quia nos, quippe qui equum bisinistrum habere velimus, dextrum latus a natura neglectum exercitatione et arte sinistro aequare

«ἐὶ διατροχάζοντος μὲν, ὁπότε ἀποβαίνοι τῶν δεξιῶν». Quamquam artis equestris peritos non inventuros esse speravit, quod verius aptiusque dictum esse vellent, tamen Xenophontis verba rectissime se habere mihi quidem persuasum est. Verba enim ὁπότε ἀναβαίνοι τῷ δεξιῷ coniungenda sunt et sic vertenda: 'cum dextrum anteriorem pedem sublaturus est'. Nam praesens ἀναβαίνοι initium actionis significat. Id autem punctum temporis ideo aptissimum est, quo sinistra quadrupedatim equus incipiat, quod eo posteriores pedes tolutim euntis ita posita sunt, ut sinistra quadrupedantis, anteriorum autem pedum sinister, qui tunc terra nititur, eo maiore vi a terra repulsus anteriorem corporis partem in altum levare potest et dextrum anteriorem pedem superare. Admiratione dignus est vetus scriptor, qui quod nos imaginibus demum luce repente pictis (Muybridges' Augenblicksphotographien) didicimus, id suis ipsius oculis meditatione et experientia adhibitis observaverit.

debemus.¹⁾ Manifestum est ut hominem bidextrum ad quamlibet rem habiliorum, sic equum hoc modo exercitatum et excultum in apertis campis certe multo utiliorum esse quam laevum idcirco quoque, quia equus altero latere fatigatus mutata pedum glomeratione altero recentibus viribus potest pergere.


Diximus supra (p. 37) ex quadrupedo equorum gradu in monumentis depicto nihil de gyri regione posse concludi. Immo etiam imagines aliqua ex parte contra ea pugnant, quae hactenus de laevo gyro et quadrupedo gradu huic gyro necessario disputavimus. Videmus enim multos equos in certaminibus non, ut debent, sinistra, verum dextra quadrupedatim euntes. Haec res, quae nondum, quod miror, observata sit, pluribus persequi eo magis operae pretium est, quod certam artificum illorum legem investigaturi sumus. Priusquam autem ad rem ipsam accedamus, talium rerum imperitos quadrupedi gradus ratione imbuam oportet. Quod paucis lineamentis fieri potest.

Equi




1) Cfr. 'Das Pferd', commentarios rerum equestrium, Dresdae in offic. Friesii et de Puttkammeri, V. 1889 p. 311.

Tab. I.



Equus sinistra quadrupedans.
(Mon. d. J. vol. II. Tab. XXXI.)



Delineavi hic vestigia duorum equorum sinistra alterius, alterius dextra quadrupedantis. Longe saepissime equi eo tempore sunt picti, quo posterioribus pedibus nisi anteriores in altum tollant, quia sic pulcherrimam speciem praebent (v. tab. I). Quos autem lineolis inter se coniunxi, eos pedes eodem fere tempore in altum tolli indicare volui. Equus enim quadrupedi incedens alio tenore pedes tollit atque gradatim aut totum aut eo, quem nos 'Pass' appellamus, gradu. Quod vero hoc loco maxime nostra interest, vides equum sinistra quadrupedantem sinistros pedes, et anteriorem et posteriorem, ante dextros, et anteriorem et posteriorem, ponere, equum autem dextra quadrupedantem eosdem dextros pedes ante eosdem sinistros. Hoc signo facile semper cognosces, quia quisque equus quadrupedatim ingrediatur. Potest etiam equus utrumque gradum ita inter se miscere, ut exempli gratia anterioribus pedibus sinistra quadrupedet, posterioribus decussatim dextra: eadem etiam contra valent. Hunc gradum nos 'Kreuzgalopp' vocamus. Habes huius quoque in imaginibus exempla¹⁾, quamquam ab equitibus maximopere repudiatur atque ita ingredi inexercitati et equi et equitis est, quia eques non molliter ut in cunis movetur, sed dure percutitur equoque magis laborandum ac, ne ungulas collidat, verendum sit. Haec igitur exempla pro multitudine rarissima sunt: saepissime equi, ut debent, recte incedunt. Cum vero ex eis, quae supra disse-ruimus, exspectandum sit equos decertantes omnes semper ita pictos esse, ut sinistra quadrupedent, nonnullae imagines hanc

1) Gerhard Auserl. gr. V. tab. LXXXV equus ad sinistram equite vacuus. XCIII duo equi et cervus. CLXIV. CXC. CCLXVIII equus in clipeo pictus. CCCXXII, 2 equus dexter. CCCXXX, 2 Hippolytes equus. Gerhard Abbildg. zu d. ges. ak. Abhdlg. Berl. 1868. tab. III duo equi. Inghirami Vasi fittili II. tab. CXIV Pegasus in clipeo pictus. Lenormant et de Witte El. cér. II. tab. CIX B dexter quadrigae equus. Mon. d. Inst. vol. VIII. tab. XLIV. vol. VIII. tab. LX, 2 dexter equus. vol. X. tab. XIII B. XIV. L. Müller Denkmäler 594. Mus. Greg. vol. II. tab. XXXVII, 1a et L, 1a equi consideranti primi. Videbis etiam in Parthenonis hyperthyro nonnulla exempla. Horum omnium exemplorum partem non de industria, sed per negligentiam ita ab artifice pictam reor.

expectationem frustrant. In his enim ei soli sinistra quadrupedant, qui a sinistra ad dextram currentes picti sunt: qui autem a dextra ad sinistram, ei omnes dextra. Atque si non eas modo imagines, quae ad certamina spectant, sed in univsum equorum quadrupedo cursu incedentium perlustraveris, iam intelleges hanc sibi legem pictores constituisse, ut paucis exceptis ¹⁾ equos semper ita pingerent. Id ibi maxime conspicuum est, ubi equi per integrum circum decurrentes picti sunt. Ibi enim, qui a sinistra ad dextram currunt, recte sinistra quadrupedant, qui autem a dextra ad sinistram, perperam dextra. ²⁾ Non meum est omnia huius rei exempla huc congerere. Pervolve opera, in quibus vasorum imagines caelaturae nummi gemmae adumbrata sunt: ubique illa lex tibi occurret. Qui oculos suos hoc animadvertere assuefecerit, eum nusquam fugiet. Equidem hic sola certamina depicta curo. In his longe saepius equos a laeva ad dextram currentes videmus quam contraria regione, quoniam videlicet artifices sic eos pingentes non fecerunt periculum, ne aut naturam aut artem violarent. ³⁾ Namque a dextra ad laevam currentes cum eos pingebant, semper naturae, ut diximus, ita repugnabant, ut non sinistra, sed dextra quadrupedantes facerent. ⁴⁾ Quibus ex rebus satis apparere existimo illam legem, quae non ad equos

1) Velut Mon. d. Inst. vol. II. tab. XIII. vol. IV. tab. V equus quadrigae consideranti primus. tab. XLVI. vol. X. tab. XXVIII supra dexter equus. Müller Denkm. 118. 119 in hyperthyro Parthenonis quidam.

2) Mus. Pio-Clem. V. tab. XXX. Delaborde Pavimento tab. XV, 1. Müller Denkm. 429. Millin Galerie mythologique 670.

3) Gerhard Auserl. gr. V. tab. CCLII supra. CCLIII supra. CCLXVII supra. CXI. CXXV. CXXXI. Inghirami Vasi fitt. XC. CCII (= Mon. d. Inst. vol. I. tab. XXI, 9b. Krause Gymn. u. Agon. fig. 74. Lehdorff fig. VI). CCXVI. CCLXXVI. CCXCIV. CCCVII. Mus. Greg. vol. II. tab. XXII, 1a. XXXIV, 3a. Mon. d. Inst. vol. I. tab. XXII, 2b. vol. V. tab. XII. XXV. vol. XI. tab. XLI. Benndorf Gr. u. sic. Vasenb. LIII, 3. Krause Gymn. u. Agon. fig. 73. 75. 78.

4) Inghirami Vasi fitt. CCXXIV. Mus. P. Cl. V. tab. XLII. Mon. d. Inst. vol. II. tab. XXXII. vol. V. tab. XXXIII. vol. X. tab. IIII. V. (= Engelmann Bilderatlas z. Homer I 98). Krause Gymn. u. Agon. fig. 70. 71. 72. 76. 77. 79. Bull. de corr. hell. ann. VII. tab. XVII.

modo, sed ad universa quadrupedantia valet¹⁾, non temere ac fortuito, verum ex certa quadam artis ratione ortam in artificum scholis a magistris discipulis traditam esse. Scimus in aliis quoque rebus naturam ab artificibus Graecis arti posthabitam esse, velut in cassidibus pingendis: cum enim antiquissimi artifices viros pugnantes sic pinxissent, ut os casside coopertum lateret²⁾, posteriores contra belli usum arti indulgentes ore aperto eos fingeabant.

Quaerendum nunc est, quatenus ratio illius legis fuerit. Eadem mihi videtur esse, qua adducti histriones in scaena, cum alterum latus ad spectatores convertunt, huius lateris membra quam minime ante se movere debent.³⁾ Cuius rei video duplicem causam: alteram, ne aliis alias corporis partes obtegant — quod moleste ferunt spectatores, quorum integrum histrionis corpus, os potissimum spectare semper et observare multum interest —, alteram, ne scaenographiae, quae dicitur, repugnent. Scaenographi enim cum quo quidque est remotius, eo magis medium versus producant, ne ab anteriore parte praetegatur, hanc artem histriones, qui pars sint scaenicae imaginis, ita iuvare debent, ut ipsi quoque remotiores corporis partes porrigant, spectatoribus propinquiores retineant: sic imago efficitur, quae omnibus ex partibus concors et congruens

1) Centauri Inghir. V. fitt. XXIII. LXXIX. XCI. XCII. XCIII (excepto dextro in inferiore imaginis parte. Qui in superiore parte appictus est, decussatim quadrupedat). CXV. CXVI. CXIX. CLXXII (excepto primo). Gerh. Auserl. gr. V. CXIX. CXX. Müller Denkm. 176. Muli Inghir. CCLXV. Len. et de Witte vol. I. tab. XLIII. XLVI. A. Tauri Inghir. XXIV. CCCLXIII. Len. et de W. vol. I. tab. XXVIII. vol. III. tab. LXIX. XCVIII. Cervi Inghir. CCIII (in clipeo pictus). Gerhard CCCXXVII, 1. Len. et d. W. vol. II. tab. XLIII. CIII B. vol. IV. tab. LIH. Mus. Greg. vol. II. tab. XII, 2b. Arietes Inghir. XXVI. CLII. Canes Inghi. LIH. Gerh. CCLII. Len. et d. W. vol. II. tab. XCVIII. C. CII. CIII B. CXII. Mus. Greg. vol. II. tab. LVII, 2a. Apri Gerh. CCCXXVII, 2. Mus. Greg. vol. II. tab. XVIII, 1a. Pardales Inghir. XLVIII. CLXV. Len. et d. W. vol. II. tab. CIII B. Lepores Inghir. CLXV. Len. et d. W. vol. I. tab. C.

2) Inghir. IV—VI. CCLVII.

3) Cfr. Goethii praecepta histrionalia § 57—62.

venustate et elegantia spectatorum animos maximopere delectet. Similia in quadrupedantium imagines valent. Harum enim pictores bigas, usitatissimos antiquitus currus, primo pingentes id potissimum debebant spectare, ne octo equorum pedes nimis inter se miscerentur, sed perspicue distinguerentur. Praeterea autem cum remotiorem ab oculis spectantis equum, ut omnino videri posset, paullum praeter alterum producerent, eius quoque artis rationem habere debebant, qua efficitur, ut quaedam eminere in opere, quaedam recessisse credamus. Utrumque optime assequebantur, si illa lege utebantur.

Quod porro in bigis pingendis antiquitus facere soliti erant, id etiam ad equites pingendos transferebant. In eis enim hoc quoque illa lege efficiebant, ut equites non alterum solum latus ostenderent, sed pectus quoque, quia quadrupedante equo obliquate quadam sic gestantur, ut alterumerus altero sit projectior: cum enim dextra equus quadrupedat, dexter equitisumerus necessario prominet, eademque contra valent.¹⁾

Summi vero momenti illam legem fuisse ad quadrigas pingendas in propatulo est. In his enim difficultas dilucide pingendi duplicata erat. Quam quemadmodum pictores superarint, persequi operae pretium est. Tres modi possunt inter se distingui. Antiquissimus videtur is esse, quo duo equi consideranti remotiores capita altius retinent, duo propiores longius porrigunt, ut duae fiant biniones.²⁾ Hic modus ita variatur, quamquam rarissime, ut aut propiores equi capita altius tollant (Gerhard Auserl. gr. V. XCV) aut duo medii (Inghirami V. f. tab. CCXIX. CCXX. Len. et de Witte El. cér. vol. II.

1) Inghir. III. XIV. XLVIII. LVII. CXXIX. CLXV. CLXXXVII. CCII. CCXXVI. CCLXV. Gerh. ib. CCCXXI.

2) Inghir. IV. V, ubi uti in antiquissimis picturis hoc minus significatum est. LXXV. XC. CCXI. CCXIII. CCC. CCCL. CCCV. CCCVII. CCCIX. CCCXLVI. Gerhard V. XL. LIV capri. LXI. LXII. XCIV. CXII. CXX. CXXIII. CCLIV, 1. CCLXIII, 2. CCCXIV, 1. CCLXVII. CCCX. CCCXI. CCCXII, 1. Len. et d. W. vol. I. tab. I. vol. III. tab. XLI. C. Mon. d. Inst. vol. V. tab. XX (— Engelmann Bilderatlas pars I. fig. IX). Mus. Greg. vol. II. tab. X, 4 a. XII, 1 b. XIII. XXII. XXVIII, 1 a. XXXIV, 3 a. XXXVIII. XLIX. LII, 1 a. LIV.

tab. L, A). Alter modus, et hic multo usitator, is est, quo equorum sic ut illo primo modo pictorum secundus caput maxime demittit vel porrigit.¹⁾ Huius modi variatio est secundum equum caput non demittere, sed reducere (Gerh. ib. CXCV. Mon. d. Inst. vol. III. tab. XLVI, 4). Tertius denique modus, quem propter perfectionem et propterea, quod in antiquissimis imaginibus non reperitur, novissimum puto, is est, ut equorum praecipue quadrupedo currentium quo quis remotior videtur, eo magis procurrat in speciem obliqua fronte incedentium. In his medii equi saepissime capita inter se admovent, quae exempla asterisco appposito notabo.²⁾ Hoc modo adhibito, quamvis sit elegans et artificiosus, tamen hoc quoque ducti aliquotiens a rerum natura pictores discedebant. Nam cum aurigae re vera metam circuituri interiorem equum retinerent, exteriorem, ut ampliorem orbem eodem tempore percurreret, stimulerent (Il. Ψ 336—40. Nonn. Dion. XXXVII 216—20 + 207—8), artifices hoc novissimo pingendi modo usi exteriorem metam (in imaginibus dextram) ambituros contrarium facientes pingebant.³⁾

Ceterum vasorum pictores perspicuitatem imaginum eo quoque augebant, quod variis equos coloribus pingebant, unum saepicula albo.⁴⁾

1) Luculentissima exempla asterisco notavi: Inghir. VI, 1 et 2. X, ubi os et collum tertii equi perverse picta sunt. LXIV. LXXXV. CCVI. CCVIII. CCX. CCXVI. CCXVII. CCXXII. Len. ib. vol. II. tab. XLI*. L. CIX, A. Gerh. ib. XVII. XXI. LII. LIII. LXXVI*. LXXIX. XCH. CVII. CCX*. Mus. Greg. vol. II. tab. XVI, 1 b. XVII, 1 a*. XX, 3 a*. XXIII, 2 a. LI. LII, 2 b.

2) Inghir. XLVII. LII. XCV. XCVI. CCXIX. CCXX. CCXXIII. CCXXIV. CCXXV, ubi medii capita distinent. Gerh. Aus. gr. V. XVI*. XX*. XCI*. CCXL. CCLXV, 4*. CCCXIII, 1*. CCCXXV, 1*. id. Abbildg. z. d. ak. Abh. tab. IV. VII. Len. et d. W. vol. I. tab. XI*. XCVII*. vol. II. tab. CIX. CX. CXI. CXII, A. CXIII. vol. III. tab. XV*. Mus. Greg. vol. I. tab. CIII*. CXXIII. vol. II. tab. XII, 2 a*. XXXVII, 1 a*. XLVI, 1 a*. XLVII*. L*. LV*. Bull. d. corr. hell. ann. VII. tab. XVII.

3) Inghir. CCLXXVI. CCXCIV, ubi meta non apposita est. Mon. d. Inst. vol. X. tab. XLVIII, h3. Delaborde Pavim. tab. XV, 1.

4) Gerh. Aus. gr. V. CCCXI. CCCXIII, 2. CXCI. Mon. d. Inst. vol. X. tab. IIII A duo albi, V tres albi, unus varius. Idem in aliis animalibus pingendis faciebant, velut in bubus Gerh. CV. CLXX.

Ab hoc loco non alienum esse censeo etiam ad imagines equorum adversa fronte pictorum oculos adicere. Id, quia equus a fronte pictus minus venustam speciem praebet, rarissime, sed, si faciebant, ita semper faciebant, ut equi ora declinarent, quadrigae medii introrsum, ceteri extrorsum.¹⁾ Unam equidem novi exceptiunculam apud Gerh. ib. CCCXXI, quae quam illorum temporum pictor caput equinum a fronte depingere non fuerit exercitatus, affatim ostendit. Falsum igitur imago a Gerhardo ib. LXII exhibita supplementum passa est, quod medii quadrigae equi recta fronte prospiciunt. —

Hoc loco quoniam ad quasdam veteris picturae proprietates veni, quin a quadrupedibus ad homines paulisper me convertam, facere non possum, quia stadiodromis pictis ab artificibus simillimum accidisse video. Est enim hominibus id certe cum quadrupedibus commune, ut membra eodem atque illa ordine moveant, nisi quod manus non in terram reponunt. Hoc vero si etiam additur, quadrupedum noster incessus simillimus est. Ut igitur quadrupes tolutili gradu incedens pedes decussatim promovet, sic nos quoque currentes crura et brachia, haec quidem per aerem, decussatim movemus: una cum dextro pede sinistrum brachium proicimus, cum laevo dextrum. Ab hoc ordine si ita discedas, ut eiusdem lateris utrumque membrum simul proicias, talis incessus ei similis sit, quem in quadrupedibus 'Pass' vocamus. Hoc autem ut quadrupedes exceptis camelis nequaquam indole, sed condocerfacti modo ingrediuntur, ita nos quoque non sine magna totius corporis iactatione ac contortione membra hunc in modum movemus. Nec puto quemquam, cuius commode velociter currere interest, membra ita eicere, nisi forte insanit. Quodsi stadiodromi magna ex parte eo modo currentes picti sunt²⁾,

1) Gerh. CCXLVIII, 3 eques. CVI. Inghir. CCXIV. Len. et de W. vol. II. tab. CXIV equos quadrigae fecit pictor dissilientes, quod a fronte eos pingere perhorrescebat. CXV. CXVII. Mus. Greg. vol. II. tab. XVI, 2b. XL. LXX, 4a.

2) Gerh. CLXXX. CLXXXI. CCLIX. CCLVII, 4. CCLXI. Mon. d. Inst. vol. I. tab. XXII. vol. III. tab. VIb. vol. X. tab. XLVIII f. z. m.

quonam hoc referemus nisi ad eandem artis legem, quam supra in equis pictis percognovimus? Quod autem in equis ferri potest, quia hi falso latere quadrupedantes tamen recto ordine membra glomerant, id in hominibus eo magis offendit, quia hi membra plane perverse movent et quia homini hominis loco sese animo ponere multo proclivius est quam loco quadrupedis.

Quae res quamvis leviculae possint primo obtutu videri, hoc certe, quod gravius est, ex eis efficitur, ut in id genus simulacris ars naturam vicerit.

Mus. Greg. vol. II. tab. LXVIII. LXIX. LXX. XXX, 2 b. XXXV, 1 a, ubi ex parte recte currunt.

III.

DE HIPPODROMO OLYMPIACO.

De hippodromo Olympiaco quae Godofredus Hermannus¹⁾ speravit fore ut olim 'repetita quae de Hercule et Augia narratur fabula limo et arena liberaretur', cum ea usque adhuc spes manserint ac ne spes in aeternum maneat verendum sit, iterum iterumque revocamur ad Pausaniae descriptionem (VI 20, 10 sqq.). In qua explicanda viros antiquarum rerum studiosos quamquam per duo fere semis saecula inde a Salmasii²⁾ primo conamine usque ad Georgii Lehnendorffii³⁾ novissimum nonnihil profecisse nemo ibit infitias, tamen nequaquam ad finem pervenisse rem diligenter ponderanti apparebit.⁴⁾ Illi enim interpretes ita potissimum peccaverunt, ut Periegetae verbis perperam intellectis et suppletis explanationem usui plus minusve repugnantem proferrent. Quae vitia ut evitemus, id potissimum spectandum est, ut quae Pausanias in descriptione sua omiserit, recte expleamus. Omisit autem permulta, quae nobis ad perfectam hippodromi imaginem pingendam necessa-

1) De hippodromo Olympiaco. Lipsiae MDCCCXXXIX. p. 9 (Op. VII. p. 395).

2) Plinianarum exercitationum in Solini Polyhistora p. 915. Paris. a. MDCXXIX.

3) Hippodromos. Einiges über Pferde und Rennen im griech. Alterthum. Berlin 1876.

4) Leopoldus Julius in Baumeisteri Monumentis 1885 s. v. Hippodromus: 'Neuerdings hat Koner auf Grundlage der Untersuchungen des Grafen Lehnendorff eine bedeutend abweichende Reconstruction des Hippodroms zu Olympia versucht, welche trotz manchem Ansprechen dem zum Teil begründeten Zweifeln unterliegt.'

ria videntur esse: nihil de forma, nihil de spina, nihil de creta, nihil de sede magistrorum certaminis, denique, 'ut aliquam rem accurate describat, nihil fere de eius fine. Sed quis hoc illi crimini det, qui non nostrae, sed suae aetati talium rerum peritissimae scripserit? Praetermissis igitur rebus aequalibus notis ac paene cotidiano usu tritis eas solas pluribus persecutus est, quae ab institutis suae aetatis valde differebant: hae sunt in hippodromo Olympiaco carceres et Taraxippus. Unde hanc legem interpretandi iure nobis constituere videmur, ut quae describere supersederit, ea fere similia fuisse sumamus institutis circorum Romanorum. Iam ego cum eum omnia, quae in hac re depinxerit, si non plene, at tamen recte depinxisse persuasum habeam neque stem ab eius obtrectatoribus, verba eius quam rectissime et interpretando et supplendo rem intricatam expedire periclitabor. Ac primum quidem dicam de re controversiis maxime obnoxia, de carceribus. Ne vero flumen explicationis meae retardetur vel turbetur, prius meam sententiam proferam cum Wachsmuthii congruentem ceterorum infra refutaturus.

A.

DE CARCERIBUS.

Prinsquam ad ipsos carceres describendos accedam, paucis lineamentis, quae quidem ad intellectum necessaria putem, totius hippodromi formam delineabo. De hac quid ipse sentiret, mecum Curtius Wachsmuthius communicavit; scripsit vero haec:

‘Dolendum sane est ne nunc quidem totam illam regionem, in qua hippodromus iacuit, effossam esse itaque nos firmo, quo niti possimus, fundamento plane carere. Probabilem vero illius speciem ut recuperemus, videtur mihi proficiendum esse ab eo, quo aequabilitas ceteroquin in stadiis similibusque operibus Graecis conspicua corrumpitur, quod tamen certo Pausaniae testimonio constat dicentis VI 20, 15: *παρεχομένου τοῦ ἵπποδρόμου παρήκουσαν ἐς πλεον τὴν ἐτέραν τῶν πλευρῶν ἔστιν ἐπὶ τῆς μείζονος πλευρᾶς κτλ.* Id ipsum autem vix poterit explicari, nisi haec duo statuamus. 1) Sola in dextra parte oppidum (*ἄφεις τῶν ἵππων*) extractum est idque oblique ad exteriorem metam spectans ita, ut dextro margine per campum introitus curribus patuerit. 2) In eadem parte citra oppidum iacuit Agnapti porticus, cuius mentio non fit nisi coniuncta cum oppido. Quo accepto recte efficitur, ut dextrum latus sinistro magis contrahatur. Utrumque vero quod posuimus duabus praeterea rationibus comprobatur. Primum locus ille, qui ad dextram porticus alam pertinuit, ut spectatoribus inutilis fuit, ita maxime idoneus, utpote aequus et planus, extruendis illis altaribus, quae Pausanias V 15, 5 commemorat (*ἰόντι ἐπὶ τὴν ἄφειν τῶν ἵππων ἔστι βωμὸς κτλ.*). Deinde

in sinistra areae parte sat amplum extenditur spatium, in quo post finita certamina currus libere evagari potuerint: atque id tam necessario requiritur, ut in illa parte ne altaria quidem fuisse facile crediderim, nedum oppidum. Denique huic opinionioni neque cetera Pausaniae verba obstant neque — quantum nunc indicare possumus — ipsius loci natura.

Haec praeceptoris venerandissimi sententia tanto magis mihi arridet ea, quam ipse de re mihi finxeram¹⁾, ut non possim facere, quin omni ex parte eam probem. Ac nunc quidem meum est pluribus eam exponere.

De forma hippodromi quae verba Pausanias fecit (15): „παρεχομένου δὲ τοῦ ἵπποδρόμου παρήκουσαν ἐς πλεον τὴν ἑτέραν τῶν πλευρῶν, ἔστιν ἐπὶ τῆς μείζονος πλευρᾶς, οὗσης χώματος . . . ὁ Ταράξιππος. — (21, 1) τὸ δὲ ἕτερον τοῦ ἵπποδρόμου μέρος οὐ χῶμα γῆς ἔστιν, ὄρος δὲ οὐχ ὑψηλόν“, ea ab omnibus adhuc interpretibus praeter Bursianum Geogr. Gr. II. p. 298 sq. ita intellecta sunt, ut dextrum latus aggerem, sinistrum collem fuisse vellent et hoc contraherent, illud producerent. Id suo magis arbitrato fecerunt quam merito. Ex quo sumptibus imperii Germanici de stadii situ certiores facti sumus, contrarium valere mihi persuasum est. Neque enim declivis Saturni collis, quam ab integro sinistro h. e. septentrionali stadii aggere occupatum fuisse scimus, potest esse illud ὄρος οὐχ ὑψηλόν, praeterquam quod mirum esset, nisi Pausanias eum nomine appellasset ut 20, 1. Ergo de alio colliculo cogitandum est. Ac quoniam hippodromum inter stadium et flumen Alpheum parallelis stadio lateribus positum fuisse simillimum est veri (cfr. Boetticheri tab. regionis Olympicae), ex eadem planitie illum quoque colliculum prominuisse arbitror ita quidem, ut pro dextro h. e. meridionali hippodromi latere esset. Quem, ut erat humilis, post tot saecula partim rabie Alpei ripas longe inundantis corrosus et ablatum partim eiusdem alluvie aequatum aut terrae motibus collapsus

1) Spina e Romanorum quorundam circorum usu ad sinistram obliquata oppidum recta regione porticui per totam latitudinem extensae mediae ita imposueram, ut ubi nunc est litera S, ibi litera F esset (v. tab. II).

esse non est, quod mireris. Talia enim regionem illam passam esse notissimum est. Fortasse stadio hippodromus tam vicinus erat, ut idem agger, quoad quidem stadii latus pertineret, et stadii certamina a meridionali latere spectantibus et hippodromi a septemtrionali sedes praeberet, cui sententiae certe auctoris verba optime conveniunt (10): *ἡ υπερβαλόντι δὲ ἐκ τοῦ σταδίου, καθότι οἱ Ἑλλανοδίται¹⁾ καθέζονται, κατὰ τοῦτο χωρίον ἐς τῶν ἵππων ἀνεμμένον τοὺς δρόμους καὶ ἡ ἄφεσις ἐστὶ τῶν ἵππων.* Fortasse dico: nam certiora de hac re non ante comperiemus, quam fossoris pala etiam ultra stadium limum tentaverit.

Duae erant in arena hippodromi metae: nam cum Pausanias de una tantum dicat (20, 19: *ἐπὶ δὲ νύσσης μιᾶς κτλ.*, quam interiorē M₁ fuisse omnes consentiunt), ex ipso hoc nomine numerali *μιᾶς* alteram quoque M₂ adfuisse conicere debemus. Inter quas metas utrum spina, ut in circis Romanis, exstructa fuerit necne, silente auctore res est iterum iterumque disputata: equidem pro certo habeo eas vel aggere vel potius muro levi inter se coniunctas fuisse, ne equi ferocientes regimine excusso per transversam arenam aliis obviam rui neve ei, qui in sinistro cornu certabant, a dextra ad laevam extrudi possent. Lehdorffii sententiam columnas funibus inter se coniunctas pro spina ponentis (p. 36) idcirco non probo, quia tunc modioli curruum ne columnis illiderentur, periculum erat: tales autem illisiones non nisi ad metas factas esse comperimus. Quamquam spinam, sive agger sive murus fuit, columnis impositis, ut in circis Romanis, ornatam esse potuisse non nego: hoc demum vasorum quorundam imagines videntur indicare.

1) Hi in hippodromo fortasse in ipsa meta interiore vel prope eam in spina sedentes oculos ad columnam (vel cretam) margini sinistrae contra appositam ('Siegsposten') derigebant. Nam iudices certaminis, si in sinistro margine Y sedem habebant, per nimium spatium YM spectare debebant, quam ut subtile iudicium facere possent, quia agonistae decertantes procul a sinistro margine praeter spinam et metam brevissima via currebant.

His praemissis lineamentis venio ad ipsos *carceres* eorumque usum describendos (v. tab. II). Habebat oppidum O a Cleoeta conditum formam prorae, cuius rostrum R in arenam spectabat, basis SD ad porticum Agnapti P adiacebat (20, 10: *παρέχεται μὲν οὖν σχῆμα ἡ ἄφρσις κατὰ πρῶραν νεώς, τέτραπται δὲ αὐτῆς τὸ ἔμβολον ἐς τὸν δρόμον. καθότι δὲ τῇ Ἀγνάπτου στοᾷ προσεχῆς ἐστὶν ἡ πρῶρα, κατὰ τοῦτο εὐρεῖα γίνεται.*¹⁾ Haec basis cunei quantum obtinuerit, Periegeta non dicit, ut quantum cuiusque sententiae optime conveniat, tantum sumat, nec puto omnino dicere eum debuisse, quia cuilibet libere ac simpliciter rem consideranti *carceres* ei tantum parti arenae obiacuisse apparet, in quam equi mittebantur h. e. dextrae. Ac ne porticum quidem totam arenam retro oclusisse existimo, verum ut oppidum dextram tantum partem. Itaque sinistra arena satis longa erat, ut equi citatissimo cursu calcem assecuti non repente deberent consistere, id quod omnino nequeunt, sed commode celeritatem pedetemptim comminuere possent. Videmusne ut in nostris certaminibus equi creta ('Siegespfosten') superata decimam saepe vel octavam totius curriculi partem percurrant, antequam ab equitibus sustineri queant? Si hoc equitibus accidit, quippe qui et frenis et femoribus equorum vim coerceant, quanto amplius spatium aurigis ad quattuor equorum rapidum cursum et currus subsequentis vim solis frenis inhibendam opus fuisse putabimus? Non igitur mihi possum persuadere Cleoetam artificio suo tantopere usui obfuisse, ut sinistram arenam sinistra aut oppidi aut porticus ala contraheret.

Oppidum vero non recta regione in dextram arenam a porticu prominuisse credo, sed obliqua ita, ut rostrum ad ex-

1) Non assentior Godofredo Hermannō pro *γίνεται* perfectum *γεγένηται* postulanti (p. 6). Nam ut omittam Pausaniae genus dicendi non ad eandem normam derigendum esse atque Demosthenium vel Isocratium, praesens *γίνεται* significat non subito prope porticum, sed inde a rostro paullatim paribus utrimque intervallis alas prorae ad porticum versus inter se discedere, quasi dictum sit: 'dum prora ad porticum Agnapti appropinquat, latior fit'.

teriolem metam spectaret. Quapropter non utraque oppidi ala, quas pari longitudine fuisse Pausanias testatur (11: *ἐκατέρα μὲν δὴ πλευρὰ τῆς ἀφάσεως πλέον ἢ τετρακοσίους πόδας παρέχεται τοῦ μήκους*), sed sola sinistra porticum attingere poterat: dextrae finis paulo proiectior ibi erat, ubi circulus radio M_2S circum M_2 descriptus dextrum totius hippodromi marginem secat, ut spatia M_2S et M_2D inter se paria essent. Ibidem finis erat dextri hippodromi lateris, quod amplius pertinere non opus erat, quo fit, ut re vera collinum latus aggere brevius sit. Per spatium, quod inter collinum latus et porticum hiabat, introibatur in oppidum, ibique complures arae positae erant, quas Pausanias V 15, 5 enumerat.

Rostrum admodum amplum erat, cum quattuor aris spatium praeberet, ex quibus una, Nympharum Acmenarum, in postica eius parte exstructa fuit (V 15, 6: *ἐς δὲ αὐτὸν τὸν ἐμβόλον ἐσελθόντων Τύχης ἐστὶν ἀγαθῆς βωμὸς καὶ Πανός τε καὶ Ἀφροδίτης, ἐνδοτάτῳ δὲ τοῦ ἐμβόλου Νυμφῶν, ἃς Ἀκμηνὰς καλοῦσιν*). Alae prorae, quas non directas, sed extrorsum curvatas fuisse existimo, quia aliter non semper proram navis (10: *παρέχεται μὲν οὖν σχῆμα ἡ ἀφάσις κατὰ πρῶραν νεώς*), sed triangulum potius Pausanias eam appellasset, carceres ad recipiendas quadrigas satis amplos habebant (11: *ὑποκόδομηται δὲ ἐν αὐταῖς [ταῖς πλευραῖς τῆς ἀφάσεως] οἰκήματα*). Quorum carcerum utrimque retrorsum ab embolo unus semper altero plus recedebat crescentibus propter curvaturam paullatim intervallis, ut exitus carcerum prope ad porticum sitorum longius inter se distarent quam prope rostrum. Vergebant universi ad exteriorem metam, quamquam parietum introrsus inclinationem propter magnitudinem distantiae (inter M_2 et F) vix animadverteres. Ante certamen, quam quisque certantium stationem sortitus erat, in ea consistebat (11: *ταῦτα κλήρω τὰ οἰκήματα διαλαγχάνουσιν οἱ ἐσιόντες ἐς τὸν ἀγῶνα τῶν ἵππων*). Prorae tria latera spatium apertum complectebantur, ubi diversae arae exstructae erant (V 15, 5: *ἐν δὲ τῶν ἵππων τῇ ἀφάσει, ἐν μὲν τῷ ὑπαίθρῳ τῆς ἀφάσεως κτλ.*).

Quaerendum nunc est, quidnam Cleoetas difficili

hac ac mira oppidi constructione effici voluerit. Qua in re cum a Periegeta nostro prorsus destituamur, nostrum est, ad quem finem pertinuerit, excogitare. Princeps autem uniuscuiusque oppidi finis is est, ut universis certantibus una eademque sit condicio. Hoc artificem illum omnibus ex partibus optime assecutum esse inde colligere debemus, quod ipse hoc invento maxime gloriabatur. Id luculenter testatur inscriptio statuae, quam Athenis ab eo sculptam Pausanias vidit.¹⁾ Cum enim alia quoque opera effecisse putandus sit, ex omnibus hoc oppidum elegit, quod in epigramma reciperet (14: *καὶ φρονῆσαι γε ἐπὶ τῇ εὐρήματι, ὥς καὶ ἐπίγραμμα ἐπὶ ἀνδριάντι τῷ Ἀθήνησιν ἐπιγράψαι*).

*ὃς τὴν ἱππάφειν ἐν Ὀλυμπίᾳ εὐρατο πρώτος,
τεῦξέ με Κλειοίτας υἱὸς Ἀριστοκλέους).*

Aristidis vero quod post Cleoetam adhibuit artificium non ad totius oppidi institutionem, sed ad machinas solum corrigendas pertinuisse ex ipsis auctoris verbis elucet (14: *Κλειοίτα δὲ φασιν ὕστερον Ἀριστείδην σοφίαν τινὰ καὶ αὐτὸν ἐς τὸ μηχανήμα ἐσενέγκασθαι*). Quae cum ita sint, arti et laudi Cleoetae is optime satisfaciet, qui inventum eius quam perfectissimum restituerit, utpote quod etiam duris iudiciis plane probetur. Quare si quis hanc rem suscipere tanti esse neget, quod ex verbis Pausaniae diversissimae restitutiones et elicitaе sint et elici possint, is errore ducitur: habemus enim praeter descriptionem Pausaniae quasi obrussam, ad quam sententiam nostram exigere possimus, perfectionem: ergo quo qua restitutio Pausaniae verbis nisa perfectior est, eo propius ad Cleoetae primum inventum accedere, quo qua est imperfectior, eo longius a veritate discedere existimanda est. Iam cum oppido, ut supra diximus, id potissimum efficiendum est, ut universis certantibus eandem condicionem praebeat, nunc

1) I 24, 3: *Κράνος ἐστὶν ἐπικείμενος ἀνὴρ Κλειοίτου, καὶ οἱ τοὺς δονῆας ἀργυροῦς ἐνεποίησεν ὁ Κλειοίτας*. Hanc statuam eandem fuisse, quae illud epigramma ferebat, ex articulo τῷ apposito licet concludere. Ut permulti veterum artificum non uni tantum arti operam dabant, sic Cleoetam quoque videmus praeter architecturam etiam sculpturam exercere.

talís, qualem nos restituimus, oppidi constructio examinanda est, num illud recte efficiat.

Vidimus iam in Homérico hippodromo describendo ei, qui in dextro cornu stationem haberet, longiorem quam reliquis viam percurrendam fuisse. Quae iniquitas condicionum cum ibi, ubi pauci semel tantum totum curriculum permetiebantur, facile obliuatione eius, ex qua currere incipiebant, lineae exaequaretur (p. 15 sq.), Olympiae, ubi duodecim (cfr. C) plerumque circuitus magnae multitudini certantium peragendi erant, id genus aequatio fieri non potuit. Namque dexter agonista, cuius incommodum duodecies multiplicandum erat, eo procedere debuisset, ut linea illa nimis obliquaretur et distraheretur. Nec vero hoc omnino Cleoetas contendit, ut discrimen viarum duodecies per totum curriculum peragendarum compensaret, sed alio modo aequitatem condicionum assecutus est.

Notum est, quantum certantium interfuerit, ut brevissimo anfractu circum metas flecterent. Videmusne, ut apud Homerum Nestor etiam atque etiam hoc filio Antilocho suadeat?

II. Ψ 322—24:

ὅς δέ κε κέρδεα εἰδῇ ἐλαύνων ἥσσονας ἵππους,
αἰεὶ τέρμ' ὁρόων στρέφει ἐγγύθεν¹⁾, οὐδέ ἐ λήθει,
ὅπως τὸ πρῶτον τανύση βοέοισιν ἱμᾶσιν.

vv. 333—34:

καὶ νῦν τέρματ' ἔθηκε ποδάρκης διὸς Ἀχιλλεύς.
τῷ σὺ μάλ' ἐγχρίμψας ἐλάαν σχεδὸν ἄρμα καὶ ἵππους.

vv. 338—40:

ἐν νύσῃ δέ τοι ἵππος ἀριστερὸς ἐγχρίμψθήτω,
ὥς ἂν τοι πλήμνη γε δοᾷσsetαι ἄκρον ἱκέσθαι
κύκλον ποιητοῖο.

Hanc rem quamvis sit nota, tamen pluribus idcirco lubet persequi, quod eam gravissimam restitutores hippodromi ad suum commodum convertere adhuc neglexerunt quodque copia demum locorum nondum collectorum evincet non in Homérico

1) Cfr. schol. Ven. B.

solum, verum etiam in posterioribus hippodromis semper ubique rem ita se habuisse.

Soph. El. 720 sqq. de Oresta in Pythiis certante:

κείνος δ' ὑπ' αὐτὴν ἐσχάτην στήλην ἔχων
ἔχριμπτ' ἀεὶ σύριγγα.

Xenoph. conv. IV 6: καὶ ναὶ μὰ Δί', ἔφη, ἔγωγε [οἶδα],
ὅτι ἀρμαθληατοῦντα δεῖ ἐγγὺς μὲν τῆς στήλης κάμψαι,
sequuntur Hom. Ψ 335—38.

Theocr. XXIV 117: Amphitryon Herculem docuit

ἵππους δ' ἐξελάσασθαι ὑφ' ἄρματι καὶ περὶ νύσσαν
ἀσφαλέως κάμπτοντα τροχῷ σύριγγα φυλάξαι.

Nonn. Dion. XXXVII 202 sqq., quibuscum conferas libri XLIII.
vv. 270 sqq. ex variis huius loci versibus consarcinatos:

ὃ δέ κε τεχνήεντι δόλῳ μεμελημένος εἴη
ἥνιοχος πολίμητις, ἔχων καὶ ἐλάσσονας ἵππους
ἰθύνει προκείμενον ὀπιπεύων ἐλατήρα
ἐγγὺς ἀεὶ περὶ νύσσαν ἄγων δρόμον, ἄρμα δὲ κάμπτει
ἱππεύων περὶ τέρμα καὶ οὐποτε τέρμα χαράσσων.
σκέπτεό μοι καὶ σφίγγε κυβερνητῇρι χαλινῷ
δοχμώσας ὅλον ἵππον ἀριστερόν ἐγγύθι νύσσης,
λοξὸς ἐπὶ πλευρῇσι παρακλιδὸν ἄρμα βαρύνων,
ἄγχιφανῆς ἄψανστος ἀναγκαίῳ τινὶ μέτρῳ
σὸν δρόμον ἰθύνων πεφυλαγμένος, ἄχρι φανείῃ
πλήμνῃ ἐλίσσομένου σέθεν ἄρματος οἷάπερ ἄκρου
τέρματος ἀπτομένη τροχοειδέϊ γείτονι κύκλῳ·
ἀλλὰ λίθον πεφύλαξο, μὴ ἄξονι νύσσαν ἀράξας
εἶν ἐνὶ δηλήσαιο καὶ ἄρματα καὶ σέθεν ἵππους.

Ovidius Amor. III 2, 79—82, quod cui aurigae puella iuxta
eum in circo assidens favet, is amplo metam orbe circumvehitur,
sic queritur:

Me miserum! metam spatioso circuit orbe.

Quid facis? admoto proxumus axe subit.

Quid facis, infelix? perdis bona vota puellae,

Tende precor valida lora sinistra manu.

Sil. It. XVI 362—64:

At docilis freni et melior parere Pelorus
Non unquam effusum sinuabat devius axem,
Sed laevo interior stringebat tramite metam.

Stat. Theb. VI 440 sqq.:

Speravit flexae circa compendia metae
Interius ductis Phoebeius augur habenis
Anticipasse viam; nec non et Thessalus heros
Spe propiore calet, dum non cohibente magistro
Spargitur in gyros dexterque exerrat Arion.

His locis satis superque demonstrasse mihi videor illius compendii viae certantes semper cupidissimos fuisse, id quod nequaquam simpliciter rem cogitanti consentaneum est, quia tantum, quantum brevissimum anfractum nullam aliam viam habuisse periculi totidem loci ostendunt et res ipsa clamat. Tamen emolumentum compendii tantum fuit, ut periculum quaecunque compensaret. Nam cum ei, qui primus e numero agonistarum excurrentium exteriorem metam assecutus erat, non id solum contingeret, ut artissimo circuitu metam radere posset, sed etiam ut hac meta superata secundum spinam brevissima via ad interiorem metam rediret eamque eodem atque illam modo ambiret, ita denique, si nihil ei accideret, duodecies via quam maxime contracta victoriam ceteris longiores vias peragentibus praeriperet, quid mirum, si statim oppido relicto unusquisque certantium ut primus exteriorem metam attingeret, omni contentione nitebatur?

Quapropter persuasissimum habeo Cleoetam invento suo id potissimum efficere et debuisse et voluisse, ut universis eiusdem missus certantibus viae ab oppido ad exteriorem metam plane exaequarentur. Neque enim ultra metam quicquam praestare nec debebat nec poterat, quia ibi filum, ut ita dicam, certantium, si modo usque eo cohaeserat, quod admodum raro evenisse reor, discindi ac dissolvi necesse erat. Videamus, num tali, qualem nos restitimus, oppidi constructione illa exaequatio perficiatur. Vocamur nunc ad circinum

et regulam. Si mathematices praecepta spectamus, simplicissimum est centro circini constituto, ubi est litera M_2 , radio M_2S arcum circuli describere, qui interiorem porticus versuram S et lateris A versuram D secet. Tunc ab omnibus arcus punctis ad M_2 pares sunt viae propter aequalitatem radiorum. Simili modo Romani videntur construxisse, quippe qui quattuor fere currus mittere solerent. Apud Graecos vero, qui multo maiore, decemplici saepe, missu currebant, eiusmodi constructio non solum permisisset, ut statim e carceribus alius agonista alium vexaret eiusque cursum turbaret, verum etiam periculum erat, ne filo certantium magis magisque ad laevam versus coartato aut agonistae sinistrum cornu tenentes, priusquam metam anteriorem attingerent, praeter hanc metam in sinistram arenam aut, si hi resisterent, in medio acie positi utrimque cornibus superantibus compressi retro extruderentur. Namque spatium FQ non nimis contrahere licebat, cuius rei causam supra (p. 55) attulimus. In Romanis quoque circis interior meta a carceribus multo magis distabat quam exterior ab arcu circi C . Cleoetas illa pericula eo removit, quod arcum SD non ipse construxit, sed arcum GH prope rostrum ab ipsis agonistis fieri fecit. Non enim cuncti simul mittebantur, sed bini deinceps ita, ut primum postremus ordo h. e. ei, qui utrobique stationes porticui vicinas habebant, excurrerent: qui simulatque ad exitus proximarum a se stationum processerant, agonistae in his positi, h. e. secundus ordo, mittebantur, deinde ubi secundus ordo cum tertio exaequatus erat, hic currere incipiebat, tum deinceps eadem ratione ceteri ordines, donec omnes a porticu ad rostrum carceres relictis erant. (13: *πρῶται μὲν δὴ ἐκατέρωθεν αἱ πρὸς τῇ στοᾷ τῇ Ἀγνάπτου χαλῶσιν ὕσπληγες, καὶ οἱ κατὰ ταύτας ἐστιηκότες ἐκθέουσιν ἵπποι πρῶτοι· θεόντες τε δὴ γίνονται κατὰ τοὺς εἰληχότας ἐστάναι τὴν δευτέραν τάξιν, καὶ τηρικαῦτα χαλῶσιν αἱ ὕσπληγες αἱ ἐν τῇ δευτέρᾳ τάξει· διὰ πάντων τε κατὰ τὸν αὐτὸν λόγον συμβαίνει τῶν ἵππων, ἔστ' ἂν ἐξισωθῶσιν ἀλλήλοις κατὰ τῆς περὶ τὸ ἐμβολον*). Haec extrema eorum, quae modo attuli, Pausaniae verborum non sic intellegenda sunt, ut prope rostrum omnes

una recta linea iuxtim cucurrisset ille dicere voluerit, sed, cum antea viae singulorum ordinum a carceribus ad exteriorem metam peragendae diversae fuerint, nunc universis condicionem exaequatam esse. Non enim recta, sed curva linea prope embolum est, quod quomodo fiat, pluribus nunc exponam. Cum parietes stationum non recta inter se regione, sed omnes ad metam exteriorem spectasse supra (p. 56) dixerimus, agonistae etiam si non admissis statim equis, sed gradatim ¹⁾ e stationibus ad rostrum progressi essent, non rectam ibi lineam descripsissent, sed curvatam arcui circum M_2 radio M_2G descripto parem, modo progredientes semper viam ad metam illam derexissent. Hic arcus GH coeuntibus inter se magis magisque cruribus SM_2 et DM_2 brevior est quam arcus SD circum eandem metam descriptus, qui totus stationibus, si eas ad illum reducas, occupetur. Eiusmodi arcus contractio necessaria est, quia, si certantes e parallelis carceribus parallelis inter se viis processissent, sinistri quinque sexve agonistae praeter metam interiorem in laevam arenam cucurrissent. At qui tanta arcus contractio fieri potuit? Quia arcui GH desunt spatia carcerum parietibus occupata: qui parietes satis firmi et lati erant, ut vetustatem ferre possent. Etenim singulis utrimque agonistis ad embolum procedentibus tantum introrsus viam declinare licebat, quantum spatii latitudine unius parietis occupabatur. Ergo arcus GH brevior est quam arcus SD latitudine cunctorum parietum. Hoc fiebat, ut diximus, etiam gradatim progredientibus. Nec vero tali circuli arcu Cleoetas

1) Verba Pausaniae (13): „Τὸ ἀπὸ τούτου δὲ ἤδη καθέστηκεν ἐπιδείξις ἐπιστήμης τε ἡνιόχων καὶ ἱππῶν ὠκύτητος“ a multis, imprimis Francogallis, ita intellecta sunt, quasi ille dicere voluisset agonistas usque eo gradu progressos tunc demum habenas effudisse. Quod falsum esse res ipsa clamat. Nihil aliud inesse mihi videtur nisi, cum antea viae aurigis stationum directione quasi praeciperentur, nunc eis iter patere, et cum antea pars equorum otiosa constitisset, nunc demum universos currere, ut hinc proprie universorum certatio incipiat. Mirum in modum haec simplicia ac paene supervacanea verba interpretes sollicitaverunt: etiam Lehdorffius (p. 27) multa sine iusta causa in ea ventilavit atque Pausaniam imperitiae incusavit.

contentus erat, sed lineam magis etiam curvare studebat, ut rem subtiliorem et perfectiorem faceret. Quod ut assequeretur, non gradatim, sed ex ipsis carceribus equis admissis certantes misit (13: ἐκθέουσιν, θέοντες): id igitur excurrendi genus adhibuit, quod nos „fliegenden Start“ vocamus.¹⁾ Namque primus ordo h. e. postremus, cum utrimque admissis equis ad exitus secundi ordinis stationum venerat, iam afferebat aliquantum impetus („lebendige Kraft“), quo paulo post hunc secundum ordinem ex otio („tote Kraft“) profectum celeritate superaret. Item secundus ordo eadem de causa superabat tertium, tertius quartum, denique proximum proximus quisque. Accedit illud etiam, quod crescentibus ab embolo ad porticum versus singularum stationum intervallis (p. 56), quo quis longius ab embolo remotus erat, eo maiore spatio proximam a se stationem sortitum praeoccupabat. Quocirca prope rostrum non arcus circuli GH fiebat, sed linea magis curvata KL, cuius cornua medium maioribus utrimque spatiis GK et HL superabant quam arcus illius GH. At ita viae ab hac linea falcata et parabolae simili ad metam exterioriorem percurrendae iam non inter se pares, sed exteriores interioribus breviores erant. At hoc ipsum optime ex sententia Cleoetae fiebat. Namque siquidem celeritas equi currentis non, ut rei ex alto cadentis, semper usque ad finem cursus aequaliter crescit, sed per breve tantum spatium C fere metrorum, equi quoque primi ordinis, ubi sunt literae K et L, ibi celeritatem iam compleverant et inde ad M₁ et N aequabili velocitate currebant. Ei vero equi, qui propius ab embolo constiterant, celeritatem eodem tempore, quo primi ordinis nondum cumulaverant, sed augebant etiam per quoddam spatium, quia, ubi lineam lunatam KRL consequebantur, nondum idem quod primus ordo, sed brevius spatium percucurrerant et eo brevius, quo propius ab embolo e carceribus profecti erant. Ita fiebat, ut equi ipsum utrimque rostrum contingentes, qui novissimi excurrerant, celeritatem tum demum completerent, cum spatium permensi erant, quod

1) Cfr. Lehndorffium p. 28.

spatio SK par esset h. e. cum eo venerant, ubi est litera Q metae interiori aequata. Adde equorum imprimis certantium consuetudinem, qua alios equos si ante se currentes vident, summopere consequi student, ut equi novissime excurrentes maiore studio atque impetu cursum incipiant quam primi. Ex quo perspicuum est lineam falcata KRL media parte paulatim procedente eo planiorem fieri, quo propius ad M_1 accederet, ut ad ipsam metam linea minus curva M_1QN efficeretur. A qua linea, cum compar esset arcui radio M_2M_1 circum M_2 descripto, universis certantibus viae ad M_2 peragendae pares erant.

Restat una quaestio, quomodo fieri potuerit, ut linea falcata KRL in breviorum arcum M_1QN contraheretur. Etiam hoc ingeniose Cleoetas eo providit, quod inter dextros et sinistros carceres embolum interposuit. Is enim tam amplius erat, ut eo dempto linea lunata arcui illi M_1QN longitudine par esset. Cum igitur prior contractio lineae lunatae ita fieri posset, ut ei spatia carcerum parietibus occupata desserent (p. 62), haec altera contractio eo fiebat, quod spatium emboli ei subtrahebatur. Praeterea emboli interpositu id quoque efficiebatur, ut linea falcata non dura nec rigida esset, sed per spatium RQ prementibus ab utroque cornu agonistis introrsum cederet, quo minus aut medii retro aut sinistri ad laevam extruderentur. —

Ac nunc quidem, quoniam quae fuerit inventi ratio, exposui, inquirendum est, num haec ratio experientiae responderit. Namque permultas res, quas ratione optime excogitaveris, si experieris, praeter spem evenire nemo nescit. Cleoetam scilicet, cum condiciones certantium, ut diximus, suo iure eo aequaret, quod vias ab interiore ad exteriorum metam percurrendas omnes inter se pares fecit, non latebat re vera omnino perpaucos via ad hanc metam directam insistere potuisse, longe plurimis curva via a meta ad dextram fuisse declinandum, quia arcus M_1QN non adeo contrahi poterat, ut punctum fieret, et unus tantum primus e multitudine, non plures eodem tempore metam attingebant. Paribus igitur con-

dicionibus alii alio modo pro eo quem obtinebat loco certandum erat. Quocirca non suo quisque arbitrato stationem sibi eligebat, sed sortiebatur, ne quis eam sibi arrogaret, unde excurrendo se et equos exercuisset, neve plures unam et eandem sibi vindicarent. Sortitione factum est, ut unusquisque ad omnes stationes et certandi modos cum eis coniunctos prae paratus in certamen descenderet. Qui modi quales fuerint, ut cognoscamus, ex re erit singulos agonistas ab oppido ad metam sequi stationumque singularum et commoda et incommoda accurate pendere. Cum vero omnium modorum varietatem perlustrare longum est et supervacaneum, ex multitudine certantium eos solum eligo considerandos, in quibus commoda et incommoda luculentissime appareant et qui instar sint complurium prope se eodem fere modo certantium: eum, qui sinistrum cornu, eum, qui dextrum cornu, et eum, qui mediam aciem obtinet. Si igitur arcum certantium in tres partes inter se pares diviseris, suam cuique illorum partem adnumerato, quae eodem fere atque ille certandi modo utatur: sinistro sinistram, dextro dextram, mediam medio. Tres singulorum agonistarum queunt cogitari condiciones: aut pari ceterorum celeritate currebat aut reliquos superabat aut a ceteris relinquebatur. Quarum hae duae considerentur non oportet, quamquam semper fere acciderunt, quia, si quis ceteros praeoccupaverit aut ab eis relictus erit, eum liberiore iam viae sibi eligendae potestate oblata quam brevissima metam petivisse consentaneum est. Ac ne Cleoetas quidem omnino earum debuit rationem habere idcirco, quod, si qui aequatis viis a ceteris relinquebantur, non illius culpa erat, sed vel equorum tardiorum vel imperitorum agonistarum vel de consilio equos retinentium, ut tumultum ac concursus fugerent (Soph. El. 734). Accedit, quod aequis condicionibus tamdiu modo providere debebat, quamdiu omnino poterat h. e. quamdiu acies certantium nondum dissoluta erat. Aliter res se habet, si universi pari velocitate vehabantur propterea, quod tunc libertate illa coërcita plerosque certantes ea sola via currere necesse erat, quae cuique a ceteris non occupata patebat. Tunc si quis incommodum cepit,

non sua culpa, sed Cleoetae erat. Nostrum igitur est hoc accuratius examinare, num tunc quoque condiciones aequae sint. Consentaneum est, rarissime vel potius paene nunquam accidisse, ut una universi fronte usque ad exteriorem metam currerent, sed per quoddam tantum spatium. Tamen, quoniam potuit illud aliquo casu fortuito accidere et condiciones, si usque eo aequas esse apparuerit, etiam per quodlibet brevius spatium aequas esse demonstratum erit, rem suscipiam.

Ac primum dicendum est certantes, si pari velocitate una continua fronte usque ad metam exteriorem cucurrerunt, non per spatium triangulo M_1M_2N par vestigia fecisse, sed per parallelogrammon M_1M_2XN . Sinistrum igitur agonistam solum et primum metam attigisse in aperto est. Hoc erat huius commodum idque gravissimum.¹⁾ Nec vero hoc praemium cepit nec capto fructus est, nisi duo incommoda in via sibi obstantia superaverat et periculum imminens evitaverat; alterum erat, quod inde a rostro usque ad metam exteriorem, cum omnes agonistae hanc metam appetentes ad laevam versus urgerent, pressantibus resistere debebat, quamquam in hac re eo iuvabatur, quod proximos a se utpote in arcus cornu certans paullum superabat. Alterum incommodum erat, quod ei, priusquam metam exteriorem assequeretur, cursus retardandus erat, ne aut effuso cursu praeter eam in arcum circi rueret aut equi laberentur.²⁾ Periculum autem erat illud notissimum, ne axe in meta illisa curru effunderetur, quod periculum pressu illo angebatur.

Dexter vero agonista contraria fere ex omni parte conditione certabat, si pari velocitate una continua fronte usque ad metam exteriorem cucurrerunt, id quod,

1) Cfr. II. Ψ 344—48. Si acie prius dissoluta, ut semper fere fiebat, alius metam primus occupaverat, huius erant eadem commoda.

2) Xen. de re equ. c. VII § 15: *δεῖ δὲ καὶ ὑπολαμβάνειν ἐν ταῖς στροφαῖς· οὐ γὰρ ῥᾷδιον τῷ ἵππῳ οὐδ' ἀσφαλὲς ἐν τῷ τάχει ὄντα κάμπτειν ἐν μικρῷ, ἄλλως τε καὶ ἀπόκροτον ἢ ὀλισθηρὸν ἢ τὸ χωρῖον.*

ut iterum iterumque repetam atque urgeam, rarissime aut paene nunquam factum est. Namque cum id incommodi ei accideret, quod longissime a meta prohibebatur, tamen non solum nullo urgente lata ei via patebat, sed etiam citatissimo cursu orbem circum metam quamvis spatiosiore describere poterat.¹⁾ Qua de causa non credo unquam omnes certantes una aequa fronte ad hanc metam pervenisse, sed ita, si forte cuncti incolumes eodem tempore huc venerant, ut a dextro sinistram cornu admodum longe superaretur. Nec debes omnino reri certantes excepto sinistro agonista orbem semicirculis circum metam descriptis pares confecisse. Minime. Verum quibus metam radere non contigerat, ei damnum compendio, quod licebat, ita compensabant, ut adductis loris sinistris orbem quam artissime cogerent itaque etiam nunc metam quam proxime circumflectere studerent. Quapropter si quis rem sibi ita cogitatione fingat, ut agonistarum acies tamquam radius in puncto M_2 fixus et circum hoc motus metam circumierint, quomodo ordines militum decurrere solent, is pravam rei speciem ac paene ridiculam cepit. Nam praeterquam quod celeritates equorum ita modificatae esse debuissent, ut certa ratione extrorsum crescerent, primus agonista non tam stultus et bonus erat, ut ad metam fixus exspectaret, dum ceteri semicirculos absolverent. Immo is iam aliquantum ulterioris spinae lateris recta carpserat, cum ceteri orbem nondum confecerant. Quare talis fere linea facta est, qualem in forma designavi. Meo igitur iure contendo frontem certantium, nisi iam antea dirupta erat, prope metam exteriorem dissolvi prorsus necesse fuisse.

1) Non possum assentiri Boettichero dicenti (Olympia u. s. w. p. 119): 'Immer sind die Räder sehr niedrig: der antike 'Sport' hat sich nie dazu aufgeschwungen, für die glatte Rennbahn Gefährte mit hohen Rädern zu bauen, die ja eine schnellere Gangart wesentlich erleichtert hätten. Aus der Praxis des Krieges wie der Reise auf unebenen Wegen behielt man das sicherer gehende Fahrzeug mit den niederen breiten Rädern bei.' Veteres enim melius sciebant, quantum humiles rotae altis praestarent: altae videlicet pondere elevato multo magis effecissent, ut currus in circuitu everterentur.

Restat, ut medii agonistae commoda et damna pendamus. Is quoniam locum inter sinistrum et dextrum medium tenebat, sic etiam commodorum et incommodorum utriusque dimidium habuisse concludi licet. Ne vero superantibus cornibus paulatim retrorsum extruderetur, id periculum eo compensatum video, quod recentibus equis novissimus ab oppido profectus, cum ceteri iam per aliquantum spatii equos egissent, crescente deinde celeritate in arcu certantium quasi cuneabatur.

Videmus igitur, si totam rem animo denuo complectimur, Cleoetam non solum eo condiciones exaequasse, quod vias ad exteriorem metam consequendam pares fecit, sed eo etiam, quod commoda et incommoda singularum stationum, quoad potuit, compensavit. —

Redeamus nunc, quoniam finem totius inventi demonstravimus, ad oppidum rationemque mittendi diligentius contemplanda. Ac primo quidem loco de signo dicam, quo dato missum sit. Pausanias haec narrat (10): „*Δελφίς δὲ ἐπὶ κανόνος κατὰ ἄκρον μάλιστα τὸ ἔμβολον πεποιήται χαλκοῦς. . . .* (12): „*Ἀετὸς δὲ ἐπὶ τῷ βωμῷ χαλκοῦς κεῖται, τὰ πτερὰ ἐπὶ μήμιστον ἐκτείνων. ἀνακινεῖ μὲν δὴ τὸ ἐν τῷ βωμῷ μηχανήμα ὁ τεταγμένος ἐπὶ τῷ δρόμῳ· ἀνακινήθέντος δὲ ὁ μὲν ἐς τὸ ἄνω πεποιήται πηδᾶν ὁ αἰτὸς, ὡς τοῖς ἤκουσιν ἐπὶ τὴν θεάν γίνεσθαι σύνοπτος, ὁ δελφίς δὲ ἐς ἔδαφος πίπτει*“. Cum neque quem ad finem neque quo tempore hae machinae sint motae, aperte dictum sit, nostrum est haec conicere. De tempore nemo dubitabit, siquidem in eis, quae continuo sequuntur, verbis inest ipsius missus enarratio: ergo ante missum factum est. Finem mihi videntur indicare verba illa: *ὡς τοῖς ἤκουσιν ἐπὶ τὴν θεάν γίνεσθαι σύνοπτος*. Etenim machinas ideo ante missum motas esse censeo, ut spectatoribus inter se colloquentibus et oculos quoquo versus avertentibus missus statim faciendi signum sint. Quare cum delphinus tum aquila tanta magnitudine erant, ut omnibus, etiam extremis conspicua essent. Illae machinae quales fuerint, utrum tractoriae an vectariae, vel num aquilae et delphini inter se coniunctae fuerint, quod mihi propter longinquitatem minus

verisimile videtur, haec perscrutari et excogitare permitto ingenio fabrorum. Vectes videntur adhibiti fuisse, siquidem delphinus in scapo, qui vectis est, iacebat eiusque capite sublevato humi cadebat. Hoc potius quaerendum est, cur horum potissimum animalium simulacris, non aliorum ad hunc finem Cleoetas usus sit. Hoc non temere, sed religiose fecit, id quod ipsa ara indicatur. Nam cum ludi Olympici Iovi dedicati essent, apte fiebat, quod aquila, Iovis ales, passis alis in aerem sublevatus numinis loco signum incipiendorum certaminum dabat et certantibus tanquam ipse deus aderat. Delphinus autem Neptuno, numini equorum, sacer erat, qui aram sibi dedicatam in prora habebat.¹⁾ Cum vero aquilae sit in aerem ascendere, delphini in mare demergi, hic de embolo in arenam decidit quasi undas petiturus. Praeterea rostrum navis delphino ornare veteres solebant: apte igitur hic quoque in rostro prorae iacebat. Nec vero haec duo signa suffecisse existimo. Nam etiamsi aquilam in altum saluisse (ἐς τὸ ἄνω πηδᾶν) Pausanias dicit, tamen tardius hoc fieri necesse erat, quam ut tale mittendi signum, quale res postulabat, esse posset. Accedit, quod certantes quippe stationibus inclusi talia signa animadvertere omnino non poterant. Credo igitur proprium ipsius missus signum tuba datum esse, quippe quae per breve tempus sonans ab omnibus late perciperetur. Hoc signum veteribus in certaminibus usitatum fuisse complures loci demonstrant, quos lubet afferre.

Soph. El. 711 in Pythiis:

χαλκῆς ὑπαὶ σάλπιγγος ἦξαν.

1) Paus. V 15, 5: „Ἐν δὲ τῶν ἵππων τῇ ἀφέσει, ἐν μὲν τῷ ὑπαίθρῳ τῆς ἀφέσεως κατὰ μέσον ποῦ μάλιστα Ποσειδῶνος Ἰππλον καὶ Ἥρας εἶσιν Ἴππιας βωμοί, πρὸς δὲ τῷ κλονι Διοσκούρων. Cum etiam illa ara, cui aquila superimposita erat, in media fere prora staret (VI 20, 11: κατὰ τὴν πρόραν μάλιστα ποῦ μέσῃν: nam media prora et medium oppidi apertum spatium idem sunt locus), fingendum est tres aras, Iovis, Neptuni Equestris, Iunonis Equestris, omnes prope mediam proram exstructas fuisse ita quidem, ut Iovis, cui illam aquila ornatam dedicatam fuisse censeo, medium locum obtineret.

Ov. Met. X 652, ubi pedibus Atalante et Hippomenes certant:

Signa tubae dederant, cum carcere pronus uterque
Emicat, et summam celeri pede libat harenam.

Stat. Theb. VI 404 in Nemeis:

Insonuit contra Tyrrhenum murmur, et omnes
Exsiluere loco.

Apoll. Sid. carm. XXIII 339—41:

Tandem murmure bucinæ strepentis
Suspensas tubicen vocans quadrigas
Effundit celeres in arva currus.

Quid quod de tuba etiam in Olympiacis equestribus certaminibus adhibita ex ipso nostro auctore comperimus? Is enim in eodem sexto libro (13, 9), ubi equam Phidolae, Auram nomine, excusso equite nihilo minus omnia curricula confecisse et vicisse narrat, haec verba facit: „καὶ οὐδέν τι ἦσσαν θέουσα ἐν κόσμῳ περὶ τε τὴν νύσσαν ἐπέστρεψε, καὶ ἐπεὶ τῆς σάλπιγγος ἤκουσεν, ἐπετάχυνεν ἐς πλεόν τὸν δρόμον, φθάνει τε δὴ ἐπὶ τοὺς Ἑλλανοδίκας ἀφικομένη καὶ νικῶσα ἔγνω καὶ παύεται τοῦ δρόμου.“ Quibus ex verbis viri docti concluderunt certantes, quotienscunque metam exteriorem circumveherentur, totiens ibi tubarum concentu salutatos esse, quo animi et agonistarum et equorum ad superandum periculum confirmarentur et ad celeritatem incitarentur. Ut omit- tam tali repentino clangore equos potius perturbari quam confirmari et prope metam impetum potius inhibendum quam augendum fuisse, ut deinde praetermittam quaerere, curnam id prope exteriorem metam solam nec etiam prope interiorem factum sit — nam hoc saepissime neglegunt non unam, sed duas metas paribus fere condicionibus fuisse —, verba ipsa eiusmodi interpretationi repugnant. Tunc enim pro ἦκουσαν propter repetitam actionem expectandus est optativus ἀκούσειεν. Ἐπετάχυνεν potest et imperfectum et aoristus esse: ex indicativo aoristi ἤκουσεν aoristum esse apparet. Ergo non repetita actio ut verbo antecedenti ἐπέστρεψε, quod saepius utramque metam (τὴν νύσσαν) ambibat, sed una et absoluta

verbis significatur. Ego credo agonistas, quippe qui certandi studio et variis casibus diducti, quot curricula confecissent, facile obliviscerentur¹⁾, tubae sono monitos esse, cum ultimum curriculum inciperent, ut quantum impetus in equis reservassent²⁾, tantum omne remitterent ac quam possent citatissimo cursu decertarent. Huc optime quadrat, quod continuo de decertatione sermo est. Quid ergo? cum finem certaminis tuba indicari videamus, nonne eodem iure tuba significabatur initium?

Potuit sane, nisi tuba placet, alius aeris clangore signum mittendi dari, velut, ut apud nos, tintinnabuli. Id demum titulo Pergami nuperrime reperto et a Fraenkelio in 'Antiquitatibus Pergamenis' (VIII 1. p. 8. No. 10) edito³⁾ videtur indicari, quo Olympiaca Attali, patris Attali I., victoria currulis (*Ἀλείος στέφανος*) celebratur. Sunt autem versus huc spectantes hice (vv. 1—8):

[πολ]λὰ μὲν ἐγ Ἀ[ιβ]ύης [ῆ]λθ' ἄρμα[τ]α, πολλὰ δ' ἀπ' Ἄργευ[ς],
 [πολ]λὰ δὲ π[ι]ερίης ῆλθ' ἀπὸ Θεσσαλίας,
 [οἰ]σιν ἐν[η]ρι[θ]μ[ε]ίτο καὶ Ἀττάλου· ἀθρόα δ' ὑσπληξ
 πάντα διὰ στρεπτοῦ τείν[ατ' ἔ]χουσα κάλω,
 5 [ῆ] μέγ' [ἐπ]α[χ]ήσασα θοὰς ἐξήλασε πώλους,
 αἱ δὲ διὰ σταδίου πυκνὸν ὄρεγμ' ἔφερον
 ἄλλαι ἐπ' ἄλλα θέουσαι. ὁ δ' Ἀττάλου ἴσος ἀ[έ]λλη
 δίφρος αἰὲν προτέραν ποσσὶν ἔφαινε κόνιν.

Cum enim v. 5 ipsa ὑσπληξ dicatur alte insonuisse (μεγ' ἐπαχή-σασα), non dubium est, quin aeris clangor fortasse cum ipso fune aliquo modo coniuncti, quo signum missus faciendi datum sit, significetur. Quocum plane convenit versus Anth. Pal. XI

1) In Romanis circis singuli circuitus ita notabantur, ut unum ex septem ovis de spina demeretur.

2) Soph. El. 734: ἤλανε δ' ἄσχατος μὲν ὑστέρας ἔχων | πώλους ὀρέ-στης, τῷ τέλει πλοῖν φέρων.

3) Debeo huius tituli notitiam Curtio Wachsmuth, qui eum liber- liter mecum communicavit.

86, 3, qui falsam passus est interpretationem ('von Einem, der sich beeilt'):

ὁ ψόφος ἦν ὕσπληγος ἐν οὔρασι.

Quae vero praeterea ex illo titulo discimus, ea etiam gravius videntur esse. Fraenkelius vv. 3 et 4 cum verbis Pausaniae VI 20, 11 oppidum Olympiaci hippodromi describentis prorsus congruere dicens verba magis contemplatus est quam rem. Etenim quod Pausanias et hic versificator eisdem fere verbis utuntur (*ὑσπληξ, κάλως et καλῶδιον*), quae ad talem rem describendam paene necessaria sunt, inde rem quoque apud utrumque eandem esse minime concludendum est. Immo res valde inter se discrepant. Nam cum Pausanias (§ 13) de compluribus funibus singulis stationibus praetentis aperte dicat, hic unus saltem universos currus alium iuxta alium, ut in circis Romanis, compositos (*ἀθρόα πάντα*) cohibet (v. p. 75 adn.). Unde efficitur inventum Cleoetae tunc temporis h. e. medio tertio a. Ch. saeculo Olympiae nondum extitisse, itaque Cleoetam non, ut viri docti meris coniecturis nisi adhuc senserunt, circa Ol. LXXX (= 460), sed plus ducentis annis post vixisse. Omnia enim, quae de Cleoeta scimus, Pausaniae debemus: et patri eius et filio nomen fuit Aristocles (VI 20, 14. cfr. p. 59 et V 24, 5). Patrem eundem Aristoclem esse coniecerunt, qui illam Aristionis columnam fecit; filium eundem, qui patris nomine omisso CIA II 652B (= Ditt. syll. 366 b) Ol. XCV. tertio anno (= 398/7) fundamentum Minervae Virginis restituisse commemoratur. Quid hae coniecturae, quas nequaquam necessarias esse concedunt (cfr. Overbeck, *Antike Schriftquellen* etc. ad No. 1033), contra hoc testimonium valent? Huc optime quadrat, quod Pausanias statuam a Cleoeta Athenis factam (cfr. p. 59) antiquis operibus diserte opponit (I 24, 3: *ὅστις δὲ τὰ σὺν τέγγη πεποιημένα [= νεώτερα] ἐπιπροσθε τίθεται τῶν ἐς ἀρχαιότητα ἡκόντων, καὶ τὰδε ἔστιν οἱ θεάσασθαι*). Praeterea sequitur, ut ille Aristides, qui machinas inventi Cleoetae emendavit (v. p. 59) non Polycleti discipulus eiusdem nominis esse possit, quem quadrigarum bigarumque artificem fuisse Plinius

in Nat. Hist. XXXIV 72 memoriae prodidit (cfr. Brunn, Kstlg. I p. 277). —

Sed revertamur ad oppidum Olympiacum accuratius considerandum.

Pausanias dicit singulos ordines tum missos esse, cum proximas post eos stationes sortiti ad exitus stationum eorum pervenissent. Hoc re vera ita semper fere evenisse concedendum est. Quid vero, si cuius equi, ut fit, ne excurrerent, recusabant aut in altera ala lentius currebant quam in altera? Num tunc omnes ante eum positos in carceribus tam diu remansisse arbitremur, dum ille adveniret et sibi quoque excurrendi facultatem daret? Hoc minime credo. Nam quo iure insontes aliena culpa detrimentum capiebant? Si, ut exemplo utar, primi ordinis dexter agonista illo modo peccavit, integra dextra ala serius ad rostrum venisset quam sinistra et satius paene erat certamine desistere. Persuasum igitur mihi est certis utrimque temporis intercapedinibus carceres deinceps patefactos esse: hae intercapedines pro eo, quo equis ad spatia inter singulas stationes interposita percurrenda opus esse solebat, tempore computatae a porticu ad rostrum versus decrecebant (p. 58). Nolim ideo Pausaniam erroris vel negligentiae arguere: nam re vera computatis intervallis spatia percurri solebant. Quaeres, nisi posteriorum equorum adventu, quam norma adhibita stationes patefactas esse sentiam. Credo ego equorum procurentium omnino non habitam rationem, sed intra proram missionem temperatam esse. Quod quomodo factum sit, varie excogitari licet. Simplex et probabilis ratio mihi haec videtur esse. Interior uniuscuiusque stationis paries, ubi exitus patebat, ibi perforatus erat. Per hoc foramen funis exitui praetentus ¹⁾ trahebatur, qui satis longus erat, ut non

1) Possis mirari Pausaniam dicere (11): „Πρὸ δὲ τῶν ἀρμάτων ἢ καὶ ἡπὼν τῶν κελήτων, διήκει πρὸ αὐτῶν καλῶδιον ἀντὶ ὕσπληγος“, quia ὕσπληξ quoque rudens erat, qua de causa in sequentibus haec καλῶδια vocantur ὕσπληγες. Sed obversabatur animo haec scribentis ὕσπληξ ceterorum circumum et stadiorum propria, quae multo longior uniuscuiusque stationis una claudebat, ut hos funiculos ὕσπληγας appellare primo

modo stationem clauderet, sed etiam secundum parietem ad posteriorem stationis exitum pertineret. Ibi finem eius minister in manibus tenebat, qui eum signo dato retrahebat, ut anterior exitus patefieret. Hoc signum non illud erat, quod initio certaminis tuba dabatur, sed aliud, quod deinceps vel auribus vel oculis sensibile computatis illis intervallis vectiarius ('Starter', ὁ τεταγμένος ἐπὶ τῷ δρόμῳ) repetebat. Hunc in media prora stantem et ad clepsydram vel aliam temporis normam decrescientia illa intervalla distinguentem omnes ministri funes tenentes attentis animis observabant et signa numerabant, ut in tempore funem retraherent. Primo igitur signo dato postremi duo ministri primum ordinem mittebant, secundo proximi secundum, tertio proximi ab his tertium et ita deinceps usque ad rostrum. Quare factum est, ut funes introrsum tracti neque equorum pedibus neque currus rotis implicarentur, quod facile fieri poterat, si humi cecidissent. Haec ratio apud veteres nequaquam inaudita est, sed habet aliquid simile pausario remigibus portisculi ictu intervalla signanti.


Habes meam de hippaphesis et institutione et fine sententiam, quam duabus potissimum ex causis ceteris praeferendam censeo: quod cum Pausaniae verbis congruit et quod illius descriptionem ita interpretatur et supplet, ut perfecta condicionum aequitate Cleoetas vere artifex videatur, qui invento suo merito gloriatus sit: diligentissima autem condicionum exaequatione eo magis opus erat, quod Olympicae coronae honore maior cogitari non poterat. —

Venio nunc, ut mihi propositum est, ad refutationem eorum, qui ante me rem agitaverunt. Reperies eos a Rathgebero in Erschii et Gruberi universali literarum et artium encyclopaedia s. v. Olympia (sect. III. part. III. p. 124) enumeratos, quam enumerationem repetivit J. H. Krausius in eo, quem de Graecorum gymnastica et agonistica arte conscripsit,

dubitaret. Dion. Hal. A. R. III 68: Ἡ δὲ λοιπὴ τῶν ἐλαττόνων πλευρῶν αἰθριος ἀνείμένη ψαλιδωτὰς ἵππαφῆσεις διὰ μιᾶς ὑσπληγος ἅμα πάσας ἀνοιγομένας.

libro (Lipsiae C[O]CCCXLI p. 150 adn. 9). Ad quos accedunt G. Hermannus et G. Lehndorffius, comes Borussicis equariis praepositus, quorum scripta iam laudavi. Nolo omnes inde a Salmasii temporibus alium post alium iudicare. Hoc longum est et supervacaneum. Nam id ex parte iam ipsi fecerunt, quamvis multa possint addi, ex parte eis quae supra exposui, tacite convincuntur. Praecipue Francogallorum, qui prae ceteris studium in hac re collocaverunt, omnem farraginem e temporum situ eruere supersedeo, nisi quod hic illic auream ex ea micam secernam. Qui ridere vult, is Pansaniam a Nicolao Gedoyen conversum (Parisiis a. C[O]CCCXXI. vol. II. p. 50) evolvat et imaginem hippodromi a Folardio equite deformatam aspiciat. Mihi res est cum novissimis solis, qui nondum refutati sunt, cum Hermanno potissimum et Lehndorffio. Quorum sententiae quonam nitantur fundamento, ut appareat, graviorum sententiarum conspectum, quomodo inter se cohaereant, lubet adscribere (p. 78).

Priusquam autem ad illos duos refellendos accedam, paucis Delabordium cumque eo Hirtium reprehendam, quod porticum Agnapti obliquantur ideoque dextrum sinistro latere longius fecerunt. Primum enim talis obliquatio ab omni symmetria aliena est. Deinde hoc idcirco fecerunt, ut rostrum prorae totam porticum complexae in dextram arenam spectaret. Verum in ea ipsa re valde peccaverunt, quod porticum et basin oppidi per integram arenae latitudinem extenderunt. Nam praeterquam quod stationes iusto latiores fuissent, quia tot tantum certantes oppido capere licebat, quot dextra arena spatium praebebat, et sinistra arena sinistra oppidi ala contracta esset, quod ineptum erat (p. 57), qui eiusmodi constructione condiciones universis aequae erant? Iam Choiseul-Gouffier rectissime monuit (p. 237) sinistrae alae condiciones longe iniquiores fuisse. „M. de la Borde“, ait, „paraît n'avoir pas assez fait attention que les chars du côté gauche, destinés à courir en même temps que ceux du côté opposé, et devant se porter d'abord vers le côté droit de la lice, auroient eu bien plus de chemin à faire; sans compter que, non loin du départ, il leur eût



1) Museo Pio-Clementino tom. V. Romae. tab. A n. 1. p. 81—83.

2) Descripción de un pavimento en mosayco descubierto en la antigua Italica, hoy Santiponce, en las cercanías de Sevilla. En Madrid (Paris) M.DCCCVI.

3) Mémoires de littérature, tirés des registres de l'acad. royale des inscr. et bell.-lett. tom. II. Paris M.DCCCVIII p. 222: Sur l'hippodrome d'Olympie. Miror hunc Viscontii et Delabordii commentationes novisse, cum iam anno M.DCCLXXXIV in consessu academico sententiam eum disseruisse in capite scriptum sit. Hoc ita expediendum videtur, ut eum, priusquam illud corpus commentationum academicarum prelo subiceretur, illorum dissertationum intra illos XXIV annos editarum rationem habuisse existimem. Tametsi multa partim a prioribus recepta perverse disputavit et octogonon, quod repperit, carceres non fuisse nuper ad oculos demonstratum est, tamen priorum sententias recensendo et prava Delabordii potissimum (p. 237) reiciendo rem adiuvit.

4) Geschichte der Baukunst vol. III. p. 145—50. tab. XX. fig. 8.

5) Koner fig. 164 p. 147 (Delaborde tab. XVIII).

6) Handbuch der klass. Altertums-Wissenschaft von Iwan Müller. vol. V 3. § 105.

fallu tourner une première borne avant de se trouver sur la même ligne que leurs concurrens, ce qui eût encore augmenté leur désavantage.“ Hirtii punctum normale, quod prope anteriorem metam posuit, ab Hermanno (p. 8) et Lehndorffio (p. 25) affatim est confutatum. Quibus causis quoniam perperam illos totam porticum oppidi alis complexos esse demonstratur, ne obliquatio quidem necessaria est: si vero obliquatio tollitur, non est quod dextrum latus sinistro longius sit. At Romanorum circorum similitudine nisi hoc fecerunt, quorum integra latitudo carceribus occupata erat. Certe: sed id quem ad finem ibi spectaverit, postmodo videbimus. Qui vero dextri lateris maiorem longitudinem ita consequi student, ut non porticum obliquent, sed collinum latus h. e. sinistrum ex illorum sententia contrahant neque ad porticum perducant, ne eis quidem fidem habere possum, quia mirum fuisset, si ibi vacuum spatium hiasset, ubi decertantibus iam agonistis spectatores valde delectari poterant.

Hermannus quidem Viscontii descriptionem per omnia sectatus argumentis et explicationibus firmare studuit, nisi quod novam sententiam dubio maxime obnoxiam addidit. Si igitur illud ei fundamentum subtraxeris, ipsius quoque opinio maxima ex parte corruet nec quicquam aliud restabit, nisi ut novam eius sententiam impugnes. Viscontius Periegetae verba, quae de amplitudine alterius lateris facit, nimis urgens dextram arenam multo longius ab interiore meta reduxit quam laevam. Hoc quam ineptum sit, et ex eis elucet, quae p. 57 disse-ruimus, et ex eis, quae Lehndorffius p. 25 rectissime contra dixit.¹⁾ Itaque si alteram arenam producere voluit, laevam potius producere debuit. Sed fac rem ita recte se habere, alterum quoque mendum inest non minus grave, quod nondum vituperatum est. Remotam illam arenam solam retro porticu

1) 'Er bedenkt nicht, dass nach seiner Construction, er mag das Ziel nach dem vorderen oder hinteren Ende der Theilungswand F (spina) verlegen, der Schlusskampf stets unmittelbar vor (oder eigentlich nothgedrungen schon in) einer scharfen Doppelwendung stattfinden müsste, was technisch undenkbar.'

praeclusit, cui simili modo atque Delabordius carcerum arcum recta regione imposuit. Cum vero porticum dextro lateri sic acclinaret, ut rectangulus fieret, certantes dextrae alae stationes sortiti multo iniquioribus ad exteriorem metam consequendam condicionibus utebantur quam sinistrae. Immo ita condiciones ad punctum inter hanc metam et dextrum latus medium attingendum pares erant. Si igitur condiciones metam petentibus exaequare volebat, dextram porticus partem debebat promovere aut, ut nos facimus, oppidi regionem ita obliquare, ut embolus ad exteriorem metam directa esset. Denique quod carceres non in hippodromum recta regione spectantes, sed transversos posuit, ut maiori certantium numero spatia praeberet, id Hermanno adeo placuit, ut rem pluribus etiam exponeret (p. 10). Non possum satis mirari non illum ipsum in eo offendisse, quod ipse aperte, tanquam commodum esset, dixit 'egressos ex dextrae alae carceribus equos paullum ad laevam, ex sinistris ad dextram flectendos fuisse, priusquam recta procederent'. Quid ergo? Quomodo quisquam certantium e statione evehi poterat, nisi ut cum curru e proxima a se statione egressi collideret? Praeterea ineptissimum erat certantes cogere ex ipsis carceribus statim arto flexu cursum declinare, quia sine mora ac perturbatione excurri multum intererat. Quas evitare sic difficillimum erat, praesertim cum equi cursum expetentes vehementer ferocirent. Quod miror ab Hermanno negari (p. 7). Etenim nisi id suis oculis videre potuit propterea, quod eius aetate equestria certamina nostratibus multo minus usitata erant quam nunc, tamen veteres audire debebat poetas, qui data occasione equos contra carcerum repagula obstrepentes describere vix umquam omiserunt.¹⁾

Quoniam Viscontium cumque eo simul Hermannum, quoad quidem illum probaverit, redarguimus, iam ad novam huius sententiam accedamus, quae cum Viscontii non cohaeret. Sentit enim (p. 13), cum oppidum plures quam curriculum quadrigas

1) Ov. Met. II 155. Stat. Theb. VI 396—401. Apoll. Sid. carm. XXIII (ed. Sirmond.) 331—34.

cepisse putet, qui ad unam eandemque certationem in arenam descendissent, eos non uno universos missu, sed pluribus continuis missos esse ita quidem, ut primo postremi utrobique totidem eo modo, quo dixit Pausanias, mitterentur, novissime, ubi illi ad rostrum uno ordine exaequati pervenissent, proximi ab embolo: sic non una cunctos certantes, sed pluribus continuis frontibus decurrisset. 'Denique', ait 'quibus adversissima sors cecidisse visa esset, optimas stationes acceperisse; quibus autem maxime sors favisset, iniquissima usos esse conditione, quam eos perita moderatione equorum cursuque tempestive vel temperando vel incitando debuisse compensare'. Quod quomodo sibi mente cogitaverit, nequeo perspicere: dictu mihi certe facilius videtur esse quam factu. Equidem si unus ex eis fuisset, qui stationes prope ad embolum sortiti essent, statim cursum flexissem et porticu Agnapti relicta iugum equis dempsissem.

Venio nunc ad Lehndorffium, quem etsi omnium rerum ad nostrae aetatis curricula pertinentium peritissimum esse haud ignoro, Pausaniam interpretantem nequaquam omnibus ex partibus possum comprobare. Multa, quae protulit, cum Choiseuli-Gouffier sententia sic conveniunt, ut mirer, nisi ab illo profectus sit. Konerus in novissima operis sui supra laudati editione eius sententiam secutus imagine (fig. 164) illustravit. Cum multis priorum Lehndorffius aliqua in re consentit: cum Delabordio, quod porticum et oppidi basin ab altero ad alterum marginem hippodromi extendit, cum Viscontio, quod margines cum porticu rectangulos efficiunt, ut rostrum contra ipsam metam interiorum situm sit, cum Choiseulio-Gouffier, quod a dextra tantum ala mittit. Hoc a verbis Pausaniae, cuius fidem iusto minoris aestimat, aperte discrepat. Nam quod Choiseulio (p. 235) adstipulatus adverbium ἐκατέρωθεν ita intellegit (p. 30), ut funiculi singulis stationibus praetenti ab utroque fine remissi sint, neglexit pluralem αἱ πρὸς τῇ στοᾷ τῇ Ἀγνάπτου ὑσπληγες. Cum autem in dextra ala una tantum statio porticui contigua et huic stationi una tantum ὑσπληξ praetenta sit, fieri non potest, quin ad utriusque

alae stationes postremas pluralis spectet. Porro non intellegere, cur deinceps auctor verbo *τάξεις* usus esset, cum simpliciter *οἴκημα* dicere posset. *Τάξεις* est ordo, series, acies, quae non ab uno efficiuntur, sed semper a pluribus. *Πρώτας* autem *ὑσπληγας* non complures eiusdem alae propioribus a porticu stationibus praetentos funes esse inde elucet, quod eis opponitur *δευτέρα τάξεις*. Ergo ab utraque oppidi ala simul missum esse non potest negari. Similiter peccat, quod dubitat, num sinistra ala omnino stationes habuerit¹⁾, cum hoc auctor plurali aperte indicet (11: *ῥκοδόμηται δὲ ἐν αὐταῖς [ταῖς πλευραῖς] οἰκήματα*). Ut autem ibi quoque stationes fuerint, ad quem usum eas spectavisse censeat, videamus. Inter duo dat optionem: aut in eis paratos expectavisse agonistas proximo certamine certaturos, donec dextrae alae stationes ab antecedenti missu relinquerentur, ut tum in his consistenterent, aut pro frigidariis fuisse eis equis, qui certatione iam desudassent. (Quod dicit: 'als Kñhlställe für die gesiegt habenden Pferde', hoc neglegentius quam verius dictum arbitror.) Quod attinet ad illam priorem sententiam, quam veri multo similiorem sibi videri ipse ait, valde miror, qui vir omni talium rerum experientia ornatus tam falsa proferre potuerit. Neque enim si rem mente diligentius volutasset, eum fugisset agonistas, cum ex sinistris circum rostrum in dexteris stationes equos dextessent, inversos in his stetissse, ut equi non in curriculum, verum in oppidum spectarent! Erant igitur in ipsis stationibus retro flectendi, quod aurigis certe propter spatii angustias non licebat. Si autem extrinsecus ex arena, non ex oppido in sinistras stationes et deinde per oppidum in dexteris se contulissent, recte quidem stetissent, sed nonne satius erat et brevius omissis sinistris ex ipso oppido in dextros carceres invehi? Frigidaria vero equina, quod sciamus, a veterum usu aliena erant. Immo equi, ubi laboraverant, ad volutabra ducebantur (Xen. de re equ. V 3: *εἰδέναι δὲ χρὴ τὸν ἵπποκόμον καὶ τὸν κημὸν περι-*

1) p. 33: 'Hatte die linke Seite überhaupt Oikemata.'

τιθέναι τῷ ἵππῳ καὶ ὅταν ἐπὶ ψῆξιν καὶ ὅταν ἐπὶ κάλι-
στραν ἐξάγῃ. Id. Oecon. XI 18: ἐπειδὴν δὲ ταῦτα [ἡ ἵππασια]
γέννεται, ὁ παῖς ἐξαλίσσας τὸν ἵππον οἴκαδε ἀπάγει. Aristoph.
Nub. 31 de equo currili: ἄπαγε τὸν ἵππον ἐξαλίσσας οἴκαδε.
Ael. hist. anim. III 2 de Libyum in curandis equis negligentia:
οὔτε γοῦν αὐτοῖς κομιδὴν προσφέρουσιν οἱ δεσπότες, οὐ κα-
ταψῶντες, οὐ καλινδῆθραν ἐργασάμενοι κτλ. Cfr. etiam
eiusdem var. hist. XIV 15 et lexicographos s. vv. κυλίστρα,
ἐξαλίστρα, ἀλινδῆθρα). In Alphei quoque ripa tale aliquid
fuisse iure licet sumere.

Hanc de sinistrorum carcerum usu sententiam Lehn-
dorfius etiam ad Romanos circos transtulit (adn. 29).¹⁾ Sed ne
in his quidem valet, quod ibi quoque, quamquam rarius, ex
omnibus carceribus, et dextris et sinistris, missum esse sci-
mus. Quoniam hic rem longius persequi non licet, delego
plura sciscitantem ad Friedlaenderi historiam morum Roma-
norum (in vol. II. p. 291. 312. 464). Praeterea in dimicationibus²⁾
pugnatores alteros e dextris carceribus in dextrum, alteros e
sinistris in sinistrum curriculum, ut in arcu circi inter se con-
currerent, missos esse coniciendum est. Hoc loco Romanorum
circorum institutionem accuratius considerare quamvis animus
ferat, tamen, ne longius a re proposita aberremus, vetamur.
Unum vero defendam, quod contra me aliquis possit conver-

1) 'Ich halte es für höchst wahrscheinlich, dass nur die vier resp. sechs Carceres zur Rechten des Einganges für den Ablauf benutzt wurden, die zur Linken dagegen als Kühlställe für die Pferde nach dem Rennen dienten; oder, was mir noch viel wahrscheinlicher, zur provisorischen Aufstellung der Gespanne, die im nächstfolgenden Rennen (Missus) concurriren sollten, und sich jedenfalls eine Weile vorher einfinden mussten, um ohne Zeitverlust in die Ablaufscarceres einrücken zu können, sobald die vorhergehende Nummer des Programms beendet, sowie auch heute noch die Pferde für spätere Rennen des Tages sich auf dem Sattelplatze mindestens eine halbe Stunde vorher einfinden müssen, um im gegebenen Moment ohne Zeitverlust am Pfosten erscheinen zu können. Nach dieser Analogie möchte ich dann auch den Zweck der linksseitigen Oikemata in der griechischen Aphasis beurtheilen.'

2) v. Suet. Domit. 4.

tere. Quod enim Delabordio et Hirtio hippodromum Olympicum restituentibus crimini dedi (p. 79), id in circis Romanis fiebat, ut quattuor laevi aurigae, cum trinis factiones certarent, anfractu praeter interiorem metam decurrere cogerentur. Sed quod monere non desisto, interest aliquantum, utrum quattuor id passi sint an viginti pluresve. Accedit, quod hoc incommodum adeo compensatum erat, ut condiciones etiam tum, cum duodecim currebant, id quod rarissime accidisse numeri titulis servati docent (apud Friedlaenderum l. l. p. 453 sqq.), aequae essent.

B.

DE TARAXIPPO.

Ut de carceribus, sic de Taraxippi et loco et causa ex natura petita diversissimae prolatae sunt sententiae. Olympiae eum fuisse aram rotundam in aggere positam (T) e Pausaniae verbis sequitur (VI 20, 15): „παρεχομένου δὲ τοῦ ἵπποδρομοῦ παρήκουσαν ἐς πλεον τὴν ἑτέραν τῶν πλευρῶν, ἔστιν ἐπὶ τῆς μείζονος πλευρᾶς, οὔσης χώματος, κατὰ τὴν διέξοδον τὴν διὰ τοῦ χώματος τὸ τῶν ἵππων δεῖμα ὃ Ταράξιππος. σχῆμα μὲν βωμοῦ περιφεροῦς ἐστι, παραθέοντας δὲ κατὰ τοῦτο τοὺς ἵππους φόβος τε αὐτίκα ἰσχυρὸς ἀπ' οὐδεμιᾶς προφάσεως φανερᾶς καὶ ἀπὸ τοῦ φόβου λαμβάνει ταραχή· τὰ τε δὴ ἄρματα καταγνύουσιν ὡς ἐπίπαν, καὶ οἱ ἡνίοχοι τιπρώσκονται“. De cuius arae vera origine ac fine infra fusius agetur. Iuxta aram transitus per aggerem patebat, qui mihi in periculosissimo loco aptissimus fuisse videtur ad vulneratos et aurigas et equos curruumque rudera ex arena removenda.¹⁾ Quoniam simplici illa ara equos consternatos esse credi non potest, alia causa ex natura petita quaerenda est, quae Curtio Wachsmuth haec videtur fuisse. Cum hippodromus ad orientem fere vergeret, equi exteriorem metam circumgressi subito suas ipsorum ceterorumque umbras, quae usque eo pone eos fuerant, ante se conspicabantur easque longissimas, quia oriente sole equestres ludi fiebant. Tali repentino et insueto aspectu equis, ut erant metam ambeunt

1) Ad eundem usum Constantinopolitani quoque circi portam quandam, cui *Νεκρά* nomen erat, in orientali latere sitam pertinuisse coniecit Ungerus 'Quellen der byz. Kunstgesch.' vol. I. p. 313.

concitati, tamquam vanis simulacris magnum pavorem inici potuisse mihi quoque simillimum est veri. Dices equos hoc aspectu paullatim assuefieri potuisse. At veteres causam non perspexisse Pausanias testis est („ἀπ' οὐδεμιᾶς προφάσεως φανερός“), nec potuerunt equos bene assuefacere, etiamsi voluissent, quia in privatis curriculis, ubi equos exercebant, non tot, quot Olympiae, certabant: augebatur autem perturbatio equorum varia umbrarum multitudine. Ceterum Isaacus Tzetzes in scholio ad Lycophronis Alexandrae v. 42, quod infra afferam, Taraxippum *πλησίον τοῦ καμπτήρος* situm fuisse dicit, non igitur in ipsa hippodromi curvatura.

Videamus nunc, quae alii de hac re senserint. Praetermitto Delabarrii¹⁾ quas Follardii equitis puerili adumbratione nisus protulit ineptias, quamquam quod rationem illius terroris quaerere studuit, laudandus est. Hoc alii quoque viri gravioris alias indicii fecerunt, sed cum falsam rationem supponerent, etiam de loco statuendo in errores adducti sunt. Memores enim eorum apud scriptores locorum, qui de periculo metam ambeuntibus imminenti sunt, et *κατὰ τὴν διέξοδον* ita interpretati, ut sit: adversum exitum, quidam, in quorum numero Lehndorffius (p. 35), Taraxippum in ipsa exteriori meta collocaverunt, vel, ut Viscontius, iuxta spinam paullo ante metam, id quod vel ideo absurdum est, quia currus ad aram collisissent. Verum, quod Lehndorffius quidem concedit, ea

1) Histoire de l'acad. roy. des inscr. et bell. lettr. avec les mémoires de littérature tirés des registres de cette acad. depuis l'année M.DCCXXI jusques et compris l'année M.DCCXXXIII. Tome IX. Paris 1736. p. 376: 'Dissertation sur les Places destinées aux Jeux publics dans la Grèce, et sur les Courses qu'on faisoit dans ces Places' par M. de la Barre 1732. p. 386: 'C'estoit aussi à la sortie de la barrière de l'hippodrome qu'on voyoit un monument auquel une folle superstition attribuoit la propriété de troubler les chevaux^{a)}; ailleurs ils auroient causé de furieux desordres.

a) Ce trouble avoit une cause naturelle; il eût esté difficile que de fiers coursiers ne s'agitassent pas en passant de dessous des remises et d'une court étroite, dans un lieu spacieux, où la vûe de ce monument érigé en face de la porte, les frappoit d'abord, et dans lequel on les contraignoit de détourner sur les côtes.'

collocatio a disertis scriptoris verbis absona est: ἐπὶ τῆς μελ-
ζονος πλευρᾶς, οὐσῆς χώματος. Deinde neglexerunt interio-
rem metam idem atque exteriorum periculum circumflecten-
tibus minari: ergo ibi quoque Taraxippum eorum sententia
postulari.¹⁾ Quod hoc fecerunt, eadem qua plerique negligentia
laboraverunt: solent enim oblivisci non exteriorum modo, verum
interiorem etiam metam fuisse, quae ab illa nulla in re differ-
ret. Eodem crimine ne Hermannum quidem plane absolvam,
qui p. 13 Hirtio castigato Taraxippum ibi fere constituit, ubi
ego, nisi quod in dextro latere eum posuit. Ait enim haec:
'Illa equorum perturbatio', inquit, 'quam et Olympiae et Py-
thone et in Isthmo et Nemeae Taraxippo, tamquam infesto
cuidam genio, veterum superstitio tribuebat, in locis istis omni-
bus paullo ante anfractum ad remotiorem metam oriebatur.
Nam quum omnino alacriores fiunt ferociioresque equi, ubi se
ex recto cursu, praesertim brevissimo flexu, retro actum iri
praesentiunt, quia et pedum fortiore nisu et totius corporis
quadam quasi conglobatione opus est, tum multo magis sae-
vire incipiunt, quum coniugatis sinistri cohibentur, incitantur
autem dextri: quo et regiminis et cursurae dissidio, dum ipsi
se simul et urgent et impediunt, fieri non potest, quin vehe-
menter conturbentur facillimeque currus confringant. Ex quo
apparet, eo loco Taraxippum ab Hirtio esse constitutum, quo
iam superata meta desinit potius illa irritatio et fluctuatio,
quam ut ibi initium capere possit. Hic quidem error proprius
est Hirtii, vitatus quum ab aliis, tum ab O. Muellero'. Illud
praesagium tametsi equorum tremorem ac perturbationem au-
gere poterat, tamen sola eius causa propterea esse nequibat,
quod idem equis circum interiorem metam flexuris accidebat.

Nunc quoniam causam in ipsa totius hippodromi institu-
tione conditam exponere conatus sum, qua commoti Graeci
Taraxippi opinionem habuissent, eius opinionis et originem
et progressionem lubet persequi ad Olympicum equorum ter-
rorem postremo redituro.

1) Non nostra: nam equorum interiorem metam ambeuntium umbrae
post eos erant.

Videmus similes opiniones iam Homero non fuisse ignotas. Nam illius aetatis homines ut proni ad omnem superstitionem, quaecunque ex ipsa rerum natura sequebantur, ad divinam auctoritatem referre studebant, sic etiam in certationibus, quae forte male eis acciderant, infesti sibi numinis auctoritate, quae prospere evenerant, fausti numinis auxilio facta esse credebant.

In eo, quod Homerus in Iliadis Ψ descripsit, equestri certamine Diomedei Eumelum praeoccupaturo Apollo illi iratus¹⁾ flagrum e manu excutit, ut equi eius lacrimas ob hunc casum fundentis stimulo liberi relinquantur (vv. 375—82). Tum Minerva Tydidæ, cui favet, flagrum in manus reddit equosque eius robore implet (vv. 387—90. 400), Eumeli autem tanta ira flagrat, ut iugum eius frangat, quo facto equi discurrent, temo humum radit, ipse vero e biga eversus misere vulneratur (vv. 391—97). Hoc est veterrimum, quantum nobis notum est, exemplum equorum in certamine consternatorum. Etiam tantulos casus, quantuli flagelli amissio et recuperatio sunt, ipsius divini numinis interkursui adscribere antiquissimorum temporum pietati prorsus convenit.

Similia, ut id comparandi causa afferam, in aliis quoque certandi generibus fiunt. In cursorum quidem certamine eadem Minerva se precatō Ulixi, quem in deliciis habet, dat victoriam Aiace labefactato (vv. 768—83), et in sagittarum missione (vv. 859—83) Apollo Merionem adiuvat, qui ei hecatomben haedorum vovit (vv. 872sqq.), id quod adversarius eius, Teucer, praetermisit (vv. 863 sq.). Quare videmus victorias certaminum ad favorem divinum vel perpetuum vel in tempus voto paratum lubenter relatas esse. Exempla modo allata docent perturbationes equorum non separandas esse a ceterorum, praesertim cursorum, et omnino numero divinarum in res humanas intercessionum inserendas.

Ceterum deos non solum in laetis certaminibus, verum etiam in gravioribus pugnis equorum perturbatores existere

1) Cfr. schol. ad v. 383.

inde colligi licet, quod Iupiter Diomedem eiusque equos fulgure perterrens, ne longius progrediantur, impedit (Il. Θ 130 sqq.). Hoc exemplum etsi non tam ad equos quam ad homines stupefaciendos spectare concedendum est, tamen idcirco propius ad Taraxippi opinionem accedit quam Eumeli, quod illic iugo fracto demum, hic ipsius Iovis fulgore equi terrentur vv. 131—36:

*βροντήσας δ' ἄρα δεινὸν ἀφῆκ' ἀργῆτα κεραυνόν,
καὶ δὲ πρόσθ' ἵππων Διομήδεος ἦκε χάμαζε·
δεινὴ δὲ φλόξ ὦρτο θεοῦ καιομένοιο,
τῷ δ' ἵππῳ δέσαντε καταπτῆτην ὑπ' ὄχεσφιν.*

Id genus perturbationem ipsorum deorum interventu factam apud eos poetas epicos reperimus, qui Homerum et cyclicos eadem superstitione imbutos imitati sunt. Propria via ingrediuntur, seorsum ab ea, qua Taraxippi fabulae procedebant atque crescebant. Tamen in quibusdam rebus ab Homeri sententia discedere eos videbimus.

In equestri certamine apud Quintum Smyrnaeum (IV 500 sqq.) enarrato infortunium Thoae et Eurypyli (p. 69) utrum deorum auctoritati an naturali casui datum sit, non iam diiudicari potest, quod versus, quibus de hac re doceri possimus (post v. 524), exciderunt. Verisimile illud est ex similitudine cursorum, e quibus Teucer deorum opera cadit vv. 200—5:

*δὴ τότε που Τεύκροιο μένος καὶ γυῖα πέδησαν
ἄθανατοι· τὸν γάρ ῥα θεὸς βάλεν ἢ τις ἄτη
ὄξον ἐς ἀλγινόεντα βαθυρρίζοιο μυρίκης.*

Id potissimum hoc loco memoratu dignum videtur causam lapsus in dubio relinqui: non certus deus appellatur, quin etiam utrum deus an ate quaedam fuerit, dubitatur. Hoc ab Homero valde discrepat.

Nonnus in Dionysiacorum libro XXXVII. cursorum quidem certationem describens Homerum auctorem imitando consecutus est, quod Ocythoum eadem atque apud illum causa labentem (vv. 639—59. cfr. Il. Ψ 768—83. Verg. Aen. V 327 sqq.) et Erechtheum Borea adiutore vincentem facit, quamquam deus non ipse intervenit, verum procul velocitate eum exornat. Sed

equestre certamen narrans eo ab illo discrepat, quod equorum perturbationem (vv. 351—68) ad naturalem causam refert ita quidem, ut Actaeon ad Phauni quadrigam et equos prae-tervehendo sese impingat, et tantum Scelmim ab Erechtheo praecurri Minervae invocatae longinquis machinationibus attribuit (vv. 315—45).

Nova equorum consternationis species in Statii Thebaïde obviam fit. Nam cum apud Homerum eiusque sectatores dei ipsi equos vel prope vel ex longinquo perterreant, hic (VI 491—511) Phoebus ipse in circum descendere non satis habet (v. 493), verum etiam formidulosissimo utitur monstro:

‘At tibi promissos iamdudum Phoebus honores,
Amphiaræ, cupit. Tandem ratus apta favori
Tempora pulverei venit in spatia horrida circi,
Cum iam in fine viae et summum victoria nutat.
Anguicomam monstri effigiem, saevissima visu
Ora, movet sive ille Erebo seu finxit in actu
Temporis, innumera certe formidine cultum
Tollit in astra nefas’ e. q. s.

Subtiliter rem iudicanti inepti aliquid mihi videtur in his inesse. Nonne ipsum Phoebum in arenam venire prorsus supervacaneum est? Ne Neptunus quidem Hippolyti equos monstruoso tauro in terrorem coniciens ipse ullo modo comparet. Credo igitur contaminationem hoc loco latere. Quae utri crimini detur, utrum Statio nostro an eius auctori, non ausim certo dicere. Auctore autem usus esse Statius censetur, quod ad materiem attinet, Antimacho. Ut in *cyclica* Thebaïde Homeri nomini adscripta¹⁾, sic etiam in Antimachi quin ludi funebres in Archemori honorem Nemeae facti fuerint enarrati, vix potest dubitari.²⁾ Nec minus dubito, quin in equestri certamine equorum perturbatio facta sit, quia nullus epicus, cui equestre certamen describendum erat, talem pingendi occa-

1) Welcker ep. Cycl. II. p. 350—53.

2) ib. p. 352: ‘Die Beschreibung von Kampfspielen ist eine fast nothwendige Episode des kriegerischen Epos.’

sionem omisisse putandus est. Hoc quidem exempla docent. Iam porro cum Antimachus Thebaïdem eis temporibus conceperit, quibus Euripidis Hippolyti et Sophoclis Phaedra agebantur, haud absonum mihi videtur his eum fabulis commotum suum Taraxippum ad similitudinem illius a Neptuno in Hippolyti perniciem non scilicet in certamine missi effecisse (Eur. Hippol. 1201—48. cfr. Sen. Phaedrae 1000—117). Quod si conceditur, ipsum Phoebum equorum turbatorem aut iam Antimachus e cyclica Thebaïde, quae quin ei nota fuerit, dubium non est, monstro addito recepit aut Staius Antimachi monstro de suo adiecit. Horum utrum verum sit, vix licet diiudicari. Mihi quidem illud veri videtur similis.

Noxia monstra Apollo iam in Arctini Iliupersi misit, ubi contra Laocoontem, sacerdotem ab eo alienatum, ambo serpentes e mari emergunt. Ceterum talia monstra non semper malum indicant et afferunt. In Apollonii Rhodii Argonauticis (IV 1364 sqq.) Neptunus Argonautis *πελώριον ἵππον* e profundo mittit, qui eis viam monstret.

Denique in Sophoclis Electra (vv. 698 sqq.) neque deos neque omnino numen ullum equos perterrefacere reperies: ex naturae consequentia omnes casus fiunt. Sincere paedagogus narrat (vv. 724 sqq.) Aenianis equos obstupefactos circumagi et cum Barcaei curru concurrere. Item Orestis tristis casus equorumque praeceps fuga eo probantur, quod metae in anfractu de improvviso rotae modiolum impingit. Displicuit enim Sophocli deus ex machina. —

Primam Taraxippi mentionem reperio in Aristophanis Equitibus (v. 247), ubi similiter atque in Acharnensibus (v. 280 sqq.) choreutae inter se adhortantur, ut Paphlagonem verberibus male mulcent:

παῖε παῖε τὸν πανοῦργον καὶ ταράξιππόστρατον.

Non intellego, cur Kockius hoc vocabulo circensem Taraxippum significari neget.¹⁾ Immo potius una ex illis compositio-

1) Adnot. ad hunc versum: 'An den Poseidon *ταράξιππος* ist wohl schwerlich zu denken.'

nibus est, quarum Aristophanes callidissimus existit inventor et artifex, quaeque non ad unam, sed ad plures res simul solent spectare. Si circensis Taraxippus non significatur, non video, ecquod insit acumen: sin significatur, lepidissima comparatione mihi quidem videtur a comico dici Cleonem accusatione *λειποταξίου* equitum catervae terrorem incutere tamquam Taraxippum. Quae comparatio ex equestribus certaminibus adhibita eo melius quadrat, quod de equitibus sermo est. Accedit, quod illud compositum *ταραξιππόστρατος* ab Aristophane fingi non poterat, nisi Taraxippi nomen animo eius obversatum esset, propterea quod compositum *ἰππόστρατος* non exstabat: quare non *ταράσσειν* et *ἰππόστρατος* compositi sunt partes, verum *ταράξιππος* et *στράτος*. Quibus ex rebus licet concludi Peloponnesiaci belli aetate Taraxippi nomen iam in omnium ore fuisse.

Nec tamen prius iterum commemoratur quam ducentos fere post annos Alexandrinorum temporibus a Lycophrone in Alexandra (v. 43):

*Κρόνου παρ' αἰπὺν ὄχθον, ἔνθα γηγενοῦς
ἵππων ταρακτῆς ἔστιν Ἰσχένου τάφος.*

Ex priore versu Olympiacum Taraxippum dictum esse elucet. Cave autem de loco Taraxippi ex his verbis aliquid certius elicere cupias. Nam *ἔνθα* ad solum *ὄχθον* referre vetamur expressis Pausaniae verbis, qui in aggere aram sepulcro similem positam fuisse testatur. Verba *Κρόνου παρ' αἰπὺν ὄχθον* nihil aliud significant nisi omnino Olympiam.

Neque intererat Lycophronis certum Taraxippo locum assignare, sed, ut solet, ostentandi ac doctrinae causa remotissimam fabulam promere. Hoc est primum et unum a. Chr. n. testimonium nihil dubii relinquens, quo fabulam Taraxippi fuisse discimus. Proxima non ante reperiuntur quam Imperatorum Romanorum aetate ineunte altero p. Ch. n. saeculo apud Dionem Chrysostomum in oratione XXXII. (p. 691 R) et apud Pausaniam diversis locis, quos postmodo afferendi occasionem nanciscar. Singulares quaedam mentiones, imprimis

lexicographorum, posterioris etiam aetatis sunt nec novi quicquam prioribus addunt. —

Ut heroicorum temporum equestria certamina describentes epici poetae tristes casus ad divinum interventum referebant, sic postea in ipsis hippodromis homines prava superstitione deducti malevolos daemones discriminis auctores esse credebant. Multitudinem variarum fabularum Pausanias (in lib. VI. cap. XX. 16—19) diligenter integram, ut videtur, conguessit. Longum est unam quamque earum separatim perscrutari. Id modo conabor, si veterrimas e copia secernere contingat. Quam quisquis percucurrerit, primo obtutu in tres partes secernet. Prima pars (§ 16. et 17) fabulas heroicas continet. Altera hominis Aegyptii narratione inclusa est (§ 18). His denique contraria est Taraxippum cognomen esse Neptuni Equestris (§ 18). Alteram, quippe quae ad magicam superstitionem redeat, prima recentiore esse haud difficile est diiudicatu. Retinebantur enim ex illa prima heroum Pelopis et Oenomai nomina, quibus recens, ut ita dicam, vestimentum indutum est magica superstitione adhibita. Ars magica quamquam ab antiquissimis temporibus originem duxit, tamen nequaquam progrediente tempore magis magisque evanuit, immo etiam Imperatorum aetate in circis luxuriosissime florebat, cuius rei luculentissimum habes exemplum titulum Africum in Bull. de corr. hell. vol. XII. p. 294 exhibitum. Ceterum confer, quae Friedlaenderus in historia morum Romanorum vol. II. p. 309 de magica in circis Romanis vulgata disputavit. Ne hoc quidem casui tribuam, quod ab Aegypto homine haec narrantur, utpote in cuius patria superstitio illa magna ex parte orta foveretur. Ac ne tertiae quidem sententiae, quam Pausanias praeter ceteras probat, maiorem quam primae vetustatem assignarim, quod Taraxippi cognomen Neptunum antiquitus habuisse ab omni veri similitudine abhorret. Quomodo enim haec inter se conveniunt Neptunum eius animalis, quod creavit creatumque in deliciis semper habebat, formidinem existere ac perniciem? Tam perversa opinio tum demum oriri et pervulgari potuit, cum vetusta illa de Neptuno equi creatore fabula oblivione obruta

erat. At Dio idem testatur l. l.: ἔστιν Ὀλυμπίασι κατὰ μέσον τὸν ἵππόδρομον Ταραξιππον Ποσειδῶνος βωμός, ἐνθα μάλιστα συνέβαινε τοὺς ἵππους πτοεῖσθαι καὶ πλείστα διαφθεῖρεσθαι τῶν ἀρμάτων. His verbis nihil aliud evincitur nisi Chrysostomum eodem errore ductum esse atque Pausaniam. Itaque nisi forte hunc illius auctoritatem secutum esse credimus, hoc certe credi potest, quoniam ambo aequales fere fuerunt, illorum aetate illam opinionem fuisse vulgatam. Quae vero sequuntur, eis verbis longe propius ad veritatem videtur accessisse: ἔδοξεν οὖν τοῖς Ἑλλείοις ὡς δαιμονίου τινὸς ὄντος ἰδρύνασθαι βωμόν. Quod autem pergit: καὶ τὸ λοιπὸν φασὶν ἀπ' ἐκείνου γεγονέναι τὸν τόπον ἀσφαλῆ, caute illud φασὶν adiecit, quod quam maxime urgendum est: id enim nutrices crediderint. Modo ideo memoratu dignum est, quod a Periegetae sententia differt, quippe qui ipsam aram fuisse perturbationis causam credere videatur. Sed mittamus haec fabulosa et ad illa veriora redeamus. Illa verba quodammodo ab antecedentibus discrepant: nam cum ante Neptuno aram sacram fuisse pro certo dixerit, iam pergit ὡς δαιμονίου τινὸς ὄντος. Ita igitur rem ortam et progressam esse cogito: Elei cum eodem semper fere loco perturbationem fieri animadvertissent nec veram causam perspexissent, ut erant superstitiosi, novum quendam daemonem auctorem esse opinabantur, quem simpliciter de actione Taraxippum nominaverunt. Hunc ut sacrificando reconciliarent, rotundam ei aram extruxerunt (Paus. l. l.: καὶ τοῦδε ἡνίοχοι ἐνεκα θυσίας θύουσι, καὶ γενέσθαι σφίσιιν ἱλεων εὐχονται τὸν Ταράξιππον). Cum vero ara in ipsa arena extracta certantes impedivisset, in aggere adversus metam eam accumulaverunt, ubi fortasse iam ante exitus patebat. Quare neque forte antiquitus ibi stabat neque unquam causa erat consternationis¹⁾: immo ad minuendam ac

1) Falso igitur Lehndorffius p. 35: 'Einige supponiren ihn', inquit, 'nach streng wörtlicher Uebersetzung des Pausanias auf der Aussenseite der Bahn, rechts nahe am Ausgang. Wäre dieses richtig, so müsste er schon vor Anlagē des Hippodrom sich dort befunden haben, denn absichtlich wird man doch ein so viel Unheil stiftendes Object sich dort

tollendam perturbationem primo destinata erat. Postea autem, cum memoria huius rei iam abolevisset, causa esse calamitatum existimabatur. Sed quia simplicem cumulum tot casus efficere ne ipsi quidem sibi persuadere poterant, interiorem causam quaerentes ad invidiam cuiusdam herois referebant, pro cuius sepulcro vel cenotaphio aram terrenam putabant. Neque enim ille daemon, nomine Taraxippus, eis sufficebat, quia non habebat, quod equos perterreret. Hunc igitur excipiebat *βάσκανος*, qui equos fascinaret.¹⁾ Quoniam certa memoria non tradebatur, factum est, ut sedula fabulositate alii alium fascinum constituerent. Pausanias quinque affert hoc vinculo inter se coniunctos, ut omnes ad Eleorum historiam pertineant. Praeter hoc quaenam ratio inter eos, qui priore loco nominati sunt, et hippodromum Olympiacum intercedat, iam non licet perspicere. Nam de Olenio nihil comperimus nisi fuisse eum *ἀγαθὸν τὰ ἐς ἵππικὴν*, quod qui causa esse poterit, quod equos fascinaret, non intellegitur. Dameoni vero una cum equo suo a Cteato interfecto quaenam res erat cum hippodromo? Aliter res se habet de sequentibus: hi enim cum hippodromo quadam certe ratione cohaerebant et quomodo *βάσκανοι* fieri potuerint, facile perspicitur. De Myrtile cfr. Phot. bibl. 190 (p. 150, 4), de Alcathoo, secundo Hippodamiae proco (Paus. VI. c. XXI 10) cum Pelope confuso O. Crusium in Musei Rhenani vol. XLIII. p. 628. Hesychius s. v. *Ταράξιππος* Pelopem ipsum quoque pro Taraxippo habitum esse tradit. Mihi quidem Oenomaum fascinatorium fuisse optime placeret, qui ipse in certamine devictus et mortuus summo iure aliis cum laetitia ac felicitate eodem loco decurrentibus invideret, nisi eius sepulcrum alibi fuisse Pausanias in cap. XXI. § 3 narraret: *Διαβάντων δὲ τὸν Κλάδεον τάφος τε Οἰνομάου γῆς χώμα περιχωδομημένον λίθοις ἐστὶ, καὶ ὑπὲρ τοῦ μνήματος ἐρεπτα οἰκοδομημάτων ἐνθα τῷ Οἰνομάῳ τὰς ἵππους*

nicht hinbauen. Im Gegentheil wäre eher anzunehmen, dass man es, wenn früher vorhanden, bei Anlegung der Bahn von dort entfernt hätte.

1) De fascinatione cfr. O. Iahnium in *Rel. Sax. liter. societ.* vol. VII. 1855. p. 28—110.

ἀνλίζεσθαι λέγουσιν. Huic Taraxipporum speciei etiam Ischenos, gigas ille Olympiae sepultus, adnumerandus est: quod Lycophron eum commemorat, inde iam ante Alexandrinorum tempora hanc speciem ortam esse manifestum est. Sed ne hic quidem qua de eausa Taraxippus factus sit, e Tzetzae scholio ad Alexandrae v. 42 adscripto satis discimus (p. 100²).

Tali fascini opinione iam via, ut ita dicam, patebat ad magicam Amphionis. Hic, quod sciam, hoc solo loco δεινὸς μαγεῦσαι dicitur: Orpheum omnis magiae Graecae antiquissimum fontem et originem habitum esse inter omnes constat¹⁾ (cfr. exempli gratia Paus. II 30, 2: Θεῶν δὲ Αἰγινήται τιμῶσιν Ἑκάτην μάλιστα, καὶ τελετὴν ἄγουσιν ἀνὰ πᾶν ἔτος Ἑκάτης, Ὀρφέα σφίσι τὸν Θοῤῃα καταστήσασθαι τὴν τελετὴν λέγοντες). Putabatur igitur daemonis notione plane remota iam non heros invidiosus equos pavore implere, verum res quaedam in terram infossa.²⁾ Quo factum est, ut etiam rebus Taraxippi nomen inderetur, velut pharmaco cuidam ab Iulio Africano descripto, cuius odor equos furore implet (Veteres mathematici, Parisiis M.DCXIII. p. 293). Eiusdem verbis: „Ἐύχονται δὲ καὶ ἄλλοι μάχεσθαι μέλοντες· οὐ μὴν ἀλλὰ καὶ θύουσι ἐν ἁγῶνι καθεστηκότες Ταραξιππῶ Ποσειδῶνι“ ad pravam illam de Taraxippo Neptuni cognomine sententiam revocamur, quam novissimam puto exstitisse. Nam si quibus multitudo illorum heroum pro fascinis habitorum et magica quoque opinio displicebat, ad deum refugerunt et ad quemnam deum nisi ad equorum equestriumque hominum Neptunum? Huic enim pro rerum equestrium prosperitate in aris sacrificare soliti in hac quoque ara deinde sacrificia faciebant, ut eum mitigarent et adiutorem sibi reconciliarent. Taraxippi autem nomen per saecula servatum non reiecerunt, sed cognominis loco Neptuno perperam addiderunt. Lehndorffius cum aliis Pausaniae sententiam probans (adn. 30): ‘Pausanias gelangt’, ait, ‘zu der

1) Cfr. Ennemoseri Historiam magiae Lips. 1844. § 231.

2) Cfr. Dio Chrys. or. XXXII. p. 414 v. 15 Dind.: „ὅταν δὲ εἰς τὸ θέατρον εἰσέλθωσιν ἢ τὸ στάδιον, ὥσπερ φαρμάκων αὐτοῖς ἐκεῖ κατορωρυγμένων, οὐδὲν οἷδασι τῶν προτέρων.“

Ansicht, dass Taraxippos als Beiname des Poseidon Hippios zu betrachten sei, was um so grössere Wahrscheinlichkeit erhält, wenn man erwägt, dass bei den Griechen und Römern Poseidon überhaupt eine wichtige Rolle auf der Rennbahn spielte und dass auch im römischen Circus die Zielsäule dem Neptunus equester gewidmet war'.¹⁾ Neutra causa quicquam valet: nec prior, quia Neptunus in circis non ideo colebatur, quod equos terreret, sed quod equos eorumque fautores tuebatur; nec altera, quia Olympiacum Taraxippum non in meta positum fuisse satis mihi videor demonstrasse. Ut Graeci alteram metam Hippodamiae, circensi heroidi, Pausania teste sacraverant, ita Romani suo circensi numini sacram alteram esse volebant, Neptuno, fortasse eo consilio, ut periculum metam ambeuntibus minueret. Quare nihil aliud illa comparatione evinci mihi videtur nisi Pausaniam quoque ea ad falsam suam sententiam a veritate deduci potuisse.

Proinde videmus Pausaniam forte fortuna Taraxippi fabulas eodem ordine reddidisse, quo tempore progrediente pedetemptim ortas eas esse simillimum est veri. Forte fortuna dico: nam si eas hac ratione enumerare voluisset, non eam, quam antiquissimam ac principalem ducebat, novissime posuisset (§ 18 exeunte: ὁ δὲ πιθανώτατος, ἐμοὶ δοκεῖν, τῶν λόγων Ποσειδῶνος ἐπικλῆσιν εἶναι τοῦ Ἰππίου φησίν).

Atque ut lepidum nostrae de Olympiaco Taraxippo explicationi finem imponamus, unam denique eius mentionem lubet adicere mathematico problemate inclusam. (Anthol. Pal. XIV 4), quod cui temporitribuendum sit, vix possit certo enucleari:

*Ἀγγεῖην ἐρέεινε μέγα σθένος Ἀλκείδαο,
πληθὺν βουκολίων διζήμενος· ὃς δ' ἀπάμειπτο·
„ Ἀμφὶ μὲν Ἀλφειοῖο ῥοὰς, φίλος, ἡμῖσιν τῶνδε·
μοῖρῃ δ' ὀγδοάτῃ ὄχθον Κρόνον ἀμφινέμονται·
δωδεκάτῃ δ' ἀπάνευθε Ταραξίπποιο παρ' ἱρόν·
ἀμφὶ δ' ἄρ' Ἥλιδα διὰν ἑικοστὴ νεμέθονται·*

1) Haec ad verbum ex Pauly encyclopaedia antiquit. s. v. Hippodromus prompsit auctore non nominato.

αὐτὰρ ἐν Ἀρχαδίῃ [γε] τριηκοστὴν προλέλοιπα·
λοιπὰς δ' αὖ λείσσεις ἀγέλας τόδε πεντήκοντα“.

In v. 5 *Ταραξιπποιο ἶρόν* nihil aliud est nisi Taraxippi illa ara: quae dicitur procul abesse. Cum ubi ipse Augias hos versus dicens fuerit, nesciamus, non multum ex hac significatione lucramur. Hoc tamen sequi videtur Taraxippum non prope Saturni collem (v. 4) situm fuisse, quod vix in eiusmodi carmine urgere velim, aliquo tamen modo firmat me dubitantem, num omnino Saturni collis sinistrum hippodromi marginem attigerit (p. 55). Concupiscenti denique scire, a quotnam bonum stercore Augiae stabulum Herculi purgandum fuerit, ut hoc in transcurso perstringam, aequationem arithmeticam solvam:

$$x - \frac{x}{2} - \frac{x}{8} - \frac{x}{12} - \frac{x}{20} - \frac{x}{30} = 50$$

$$x = 240.$$

Restat, ut quaeramus, ubinam locorum Taraxippi fuerint. Certe non in omnibus hippodromis. Si enim fuissent, qua de causa Dio Chrysostomus in oratione sua ad Alexandrinos habita auditores non ad Alexandrinum, verum ad Olympicum Taraxippum vocavit? Si ea quam supra de Taraxippi causa proposuimus sententia vera est, in eis tantum fuit hippodromis, qui aut ad orientem aut ad occidentem vergebant, ubi oriente sole certabatur. Solebant veteres, quod eius fieri poterat, circos ad orientem derigere. Qui ad occidentem spectabant, in eis non exterior, sed interior meta illius periculi plena erat. Ubi autem, ut in Romanis et posteriore aetate etiam in ceteris, non mane solum, sed per totum diem certabatur, ibi nihil erat causae, quod Taraxippus constitueretur. De aliis nihil memoriae proditum est nisi de quattuor celeberrimorum per totam Graeciam hippodromorum, Olympiaco, Isthmiaco, Nemaeo, Pythico.¹⁾ Olympiae, ubi plurimi in arenam descendisse putandi sunt, famosissimus erat (§ 19: ἀλλὰ

1) Ervini Rohdii *Psyche* I. p. 162 adn. 1: 'Uebrigens schien ein ταραξιππος fast nothwendig zu den Hippodromen der grossen Wettkampfstätten zu gehören.'

γὰρ ὁ ἐν Ὀλυμπίᾳ Ταράξιππος πολὺ δὴ τι ὑπερηρκώς ἐστιν ἐς ἵππων φόβον). In Isthmiaco Glaucum, Sisyphi filium, Taraxippum fuisse Pausanias eodem loco narrat (Ἔστι δὲ καὶ ἐν Ἰσθμῷ Ταράξιππος Γλαῦκος ὁ Σισύφου· γενέσθαι δὲ αὐτῷ τὴν τελευταίην λέγουσιν ὑπὸ τῶν ἱππων, ὅτε Ἀκαστος τὰ ἄλλα ἔθρηκεν ἐπὶ τῷ πατρὶ). Hic igitur eis adnumerandus est, quos ille de Olympico Taraxippo verba faciens primo loco enumerat. Ibi cum qua de causa Olenius et Dameon equorum terroris partes susceperint, non perspicui potuerint, nisi quod cum Eliaca historia fabulari quodammodo cohaerebant, de Glaucō id eo magis mirandum est, quod quāenam res ei cum Isthmiacis fuerit, nullibi traditum est. Nam Peliae ludos funebres Iolci, in oppido Magnesiae, celebratos esse Apollodorus (I 9, 27) testatur. Suspicio igitur fabulam quandam huc spectantem perisse uno relicto vestigio. Pater enim eius, Sisyphus, Isthmiaca instituisse narratur (Paus. II 1, 3). Id vero notatu dignum videtur etiam in Isthmo heroem pro daemone equos perterrenti habitum esse, id quod novum argumentum sententiae meae de antiquitate eius generis Taraxipporum prolatae accedit. Quid igitur? Si Olympiae Neptunus Equester Taraxippus fuisset, nonne multo magis in Isthmo, ubi praeter ceteros deos in honore erat, in illo quoque discriminis loco eum coli consentaneum erat? Nec fortuito factum reor in Olympiaco potissimum et in Isthmiaco hippodromis eiusmodi Taraxippos fuisse: hi enim antiquissimi fabulositati maxime erant obnoxii. Namque in reliquis duobus equorum consternatio ad causas referebatur naturales: ubi cultus quoque religiosus eis defuisse coniciendus est. Ac de Nemeaeo quidem haec dicit auctor noster: Ἐν Νεμέᾳ δὲ τῇ Ἀργείῳ ἦρως μὲν ἦν οὐδεὶς ὕστις ἔβλαπτε τοὺς ἵππους, πέτρας δὲ ὑπὲρ τῶν ἱππων τὴν καμπὴν ἀνεστηκυίας χρόαν πυρρᾶς, ἣ ἀπ' αὐτῆς αὐγὴ, κατὰ ταῦτα καὶ εἰ πῦρ, ἐνεποίει φόβον τοῖς ἵπποις. Unde concludere licet hunc hippodromum in vallem collibus ex tribus partibus circumclusam se insinuavisse.¹⁾ Talia enim

1) Cfr. Pind. Nem. III 18: ἐν βαθυπέδῳ Νεμέᾳ. VI 44: δασκίους Φλοιῶντος ὑπ' ὀγγύλον ὄρεσιν. Ol. IX 87: Νεμέας κατὰ κόλπον.

loca, quoad eius fieri poterat, a naturae se applicantibus Graecis et hippodromis et stadiis construendis aliis anteposita esse res est notissima. Curvaturae igitur hippodromi rutila rupes e collibus procurrens imminebat. Quoniam, in quam curvaturae parte situs fuerit, non accurate dictum est, in sinistra eius parte locum eum habuisse licet sumere. Deinde re vera equos eiusmodi re naturali, qualem in montuosa Graecia cotidie fere spectare poterant, non magis quam simplici ara perterritos esse cuilibet talium rerum perito persuasum est: hae nugae sunt. Immo alia causa perturbationis deficiente homines superstitiosi ad illam rupem, quippe quae maxime in conspectu esset, confugerunt. Olympiae quoque similem causam naturalem quaerentes lauri foliis vento agitatae equos perterreret quidam opinabantur. Hoc docet scholium vetus ad Lycophronis Alex. v. 42 (ed. Kinkel p. 68): „ἐνθα γηγενούς Ἰσχενοῦ¹⁾ Γίγας ἐγένετο Ἐρμού καὶ Ἱερείας· τούτου δὲ υἱὸς Ἰσχενος, οὗ μνῆμα δεικνύται παρὰ τὸν καλούμενον Κρόνιον λόφον [hoc ex ipsius poetae verbis scholiasta perperam hausit]· καλοῦσι δὲ αὐτὸν Ταράξιππον, ἐπειδὴ οἱ ἀγωνιζόμενοι ἵπποι, ὅταν γίνονται ἐκείσε κατὰ τὸ μνῆμα, ταρασσονται. ἄλλοι δὲ φασὶ δάφνην εἶναι καὶ σειομένης αὐτῆς τῇ σικῇ τῶν φύλλων ταρασσεσθαι τοὺς ἵππους“.²⁾ Quamquam ad frondis, praesertim

Le Bas Voyage archéol. en Grèce et As. min. itin. tab. 33 et p. 33. Stat. Theb. VI 255—60.

1) Sic enim legendum censeo et a Tzetze lectum esse. Codices habent lemma ἐνθα γηγενούς], deinde Ἰσχενος γίγας ἐγένετο κτλ., quasi et patri et filio idem fuisset nomen. Sed hoc credo scholiastam aliquo certe modo adnotatum fuisse, velut τοῖνομα καὶ οὗτος Ἰσχενος, nec intellego, cur Tzetzes, qui traditos commentarios ampliavit, patris idem nomen omiserit. Etiam paraphrasis antiquior patris nomen tacet; „Ἰσχενος δὲ ἐστὶ Γίγαντος υἱὸς ἀπὸ τοῦ Ἐρμού καὶ τῆς Ἱερείας.“

2) Huic Tzetzae scholium, quod me allaturum supra promisi, comparandi causa apponam, quia quomodo is veteribus scholiis usus sit, hoc exemplo optime puto demonstrari: Γηγενούς] τοῦ Γίγαντος. Ἐρμού καὶ Ἱερείας υἱὸς Γίγας. Γίγαντος δὲ υἱὸς Ἰσχενος. Λιμοῦ δὲ γεγονότος ἐδόθη χρησμός, μὴ ἂν ἄλλως λυθῇται τὸν λιμόν, εἰ μὴ τῶν εὐγενῶν τυθῇ τις. Πάντων τοίνυν ἀπορομένων ἐθέλησεν ὁ Ἰσχενος τε-

aridae, subitum crepitum equos expavescere posse nequit **negari**, tamen solo umbrae foliorum aspectu equos victoriam praecipiti cursu expetentes id pati posse minime verisimile est: praeterea tali aspectu ante assuescere poterant, et mirum erat, nisi tam funesta arbor succisa vel, si hoc religio vetabat, aliquo modo ab equorum conspectu tecta esset.

Ceterum, ne hoc notare praetermittam, quod Pausanias illo loco imperfectis ἦν et ἐνεποιεῖ usus est, cum ceteroquin praesens usurpaverit (§ 15: "Ἔστιν ἐπὶ τῆς μελίζονος πλευρᾷς ὁ Ταράξιππος. § 19: "Ἔστι δὲ καὶ ἐν Ἰσθμῷ Ταράξιππος), inde effici arbitror illius aetate non illum hippodromum et rupem iam non nota, at certe Nemea iam non ibi celebrata fuisse.¹⁾

Pythia vero usque ad sua tempora in usu fuisse ipse diserto testimonio firmat (X 37, 4): "Ἐς δὲ Κίρραν τὸ ἐπὶ νεῖον Δελφῶν ὁδὸς μὲν σταδίων ἐξήκοντά ἐστιν ἐκ Δελφῶν καταβάντι δὲ ἐς τὸ πεδίον ἵπποδρομός τέ ἐστι καὶ ἀγῶνα Πύθια ἄγουσιν ἐνταῦθα τὸν ἵππικόν". Plus etiam nostra interest, quae de Taraxippo Delphico dicat, comperire: "Ὁ δὲ ἵπποδρομος ἔοικε τοῦ Ἀπόλλωνος τάχα μὲν πον καὶ αὐτὸς τῶν ἵππευόντων τινὰ ἀνιᾶσαι, ὅτε ἀνθρώποις τοῦ δαίμονος ὁμοίως ἐπὶ ἔργῳ παντὶ καὶ ἀμείνω καὶ τὰ χεῖρῳ νέμοντος· οὐ μὲντοι καὶ αὐτὸς ταραχὴν τοῖς ἵπποις ὁ ἵπποδρομος οὔτε κατὰ αἵτιαν ἥρωος οὔτε ἐπ' ἄλλῃ πέφυκεν ἐργάζεσθαι προφάσει". En habes luculentissimum ipsius veteris scriptoris

θῆναι, οὗ καὶ τυθέντος ὁ τάφος δείκνυται περὶ τὸν καλούμενον Κρόνου λόφον πλησίον τοῦ καμπτήρος τῆς Ὀλυμπίας, καὶ τιμαῖς πλείσταις αὐτὸν ἐτίμων, καθ' ἣν ἡμέραν ἐτύθη, καὶ ἀγῶνα συνίστων.

— { λέγουσι δὲ αὐτὸν Ταράξιππον, ἐπειδὴ ἐστὶ ταρασσῶν καὶ θορυβῶν τοὺς ἵππους ἀγωνιζομένους,

ἢ ἀρρήτῳ τινὶ καὶ ἀλόγῳ δυνάμει ἢ δάφνης ἐστώσης περὶ τὸν τάφον καὶ σειομένης αὐτῆς ταρασσέσθαι τοὺς ἵππους τῇ σκιᾷ τῶν φύλλων.

— { Καλοῦσι δὲ αὐτὸν Ταράξιππον, ἐπειδὴ οἱ ἀγωνιζόμενοι ἵπποι, ὅταν γένωνται ἐκεῖσε, ταρασσονται.

1) Romanorum imperio Nemea ad Argos translata sunt. Polyb. V 101, 5. Diod. XIX 64.

testimonium non externa causa, verum ipsius hippodromi constructione perturbationem factam esse. Hic enim omnis ansa ad Taraxippum constituendum derat. Sed cum ille veram scilicet Taraxippi rationem non perspexisset, ad deos immortales confugit, qui pro summa in omnibus rebus æquitate, quoniam Olympiacum, Isthmiacum, Nemeaeum hippodromos Taraxippo instruxissent, ne Pythicum quidem eo vacare voluerint.

C.

DE MENSURIS QUIBUSDAM.

Nolo hoc capitulo difficilem de mensuris hippodromi quæstionem funditus retractare, sed quoniam Olympiacum hippodromum, qualem animo mihi fingo, in tabula delineare conatus sum, de mensuris, quibus in hac specie usus sum, pauca dicenda arbitror.

Ac longitudinem quidem spinae duorum stadiorum feci (= 370 m). Pedestrium enim cursorum ὁ ἵππιος δρόμος sive τὸ ἵππικόν duo erant diauli vel quattuor stadia teste Pausania (VI 16, 4): „δρόμον δέ εἰσι τοῦ ἵππιου μῆκος μὲν δίαυλοι δύο“. Ἰππικόν autem ideo nominatum est, quia par erat uni equorum curriculo, quod ab interiore meta circum exteriorē ad illam retro percurrēbant (cfr. Krause Gymn. et Agon. p. 161 sqq.). Si unius tantum stadii spina fuisset, quod quidam ponunt, non intellegitur, qui quattuor stadiorum spatium ἵππικόν appellatum sit, cum duorum potius stadiorum exspectes: hoc autem δίαυλον vocabant. Praeterea verendum erat, ne per tantulum spatium currentium si quis a ceteris longius relictus esset, a tergo celerrimi eum nanciscerentur et denuo superarent, id quod in tanta certantium multitudine perturbationem auxisset. Hadrianus cum circum duorum stadiorum exstruxit, fortasse Graecorum hippodromorum longitudinem imitatus est (Paus. V 12, 6: καὶ οἰκοδόμημα ἐς ἵππων δρόμους προῆκον καὶ ἐς δύο σταδίων μῆκος). Duodecies totum curriculum ab adultis equis conficiebatur. Quod spatium 8880 m quamquam Lehndorffio collatis eis, quae in nostris hippodromis

et in Circo Maximo¹⁾ percurruntur, spatiis (4000—5000 m) nimium videtur esse (adn. 42), tamen uno certe Pindari testimonio constat, Ol. III 33:

τόθι δένδρεα θάμβαινε σταθείς·
 τῶν νιν γλυκὺς ἕμερος ἔσχεν δυωδεκάγναμpton
 περὶ τέρμα δρόμου
 ἵππων φντεῦσαι.

Etenim si quis contendat singularis *τέρμα* hic pro plurali vel duali poetice dictum esse, is calculi errore ducitur, quia ambae metae, si sexies circumcurritur, non duodecies, verum undecies circumflectuntur, exterior sexies, interior quinquies tantum, quia haec in extremo cursu non circumcurritur, sed praetercurritur. Ergo *δυωδεκάγναμpton τέρμα* nihil aliud potest esse quam exterior meta duodecies circumflexa, quam Hercules arboribus circumdare desiderat, unde efficitur curriculum quoque totum duodecies confectum esse. Concedo permagnum spatium esse: noli vero oblivisci equos tantum praestitisse Olympiae! Idem testantur alii Pindari loci, quamvis minus luculenter, quia vocem *δρόμος* non de integro circuitu, sed de spatio ab una ad alteram metam confecto, id est de dimidio circuitu, intellexerit quispiam²⁾:

1) Quae Dionysius in Antiqu. Rom. l. III. c. 68 de Circo Maximo memorat: „Μῆκος μὲν γὰρ τοῦ ἵπποδρόμου τριῶν καὶ ἡμίσεος ἐστὶ σταδίων, εὐρος δὲ τεττάρων πλεθρῶν“, non de spinae, sed de totius circi longitudine intellegenda sunt. Ab hoc discrepat Plinius in Nat. hist. l. XXXVI. c. 24: ‘ut circum maximum a Caesare dictatore exstructum longitudine stadiorum trium, latitudine unius, sed cum aedificiis iugerum quaternum, sed sedum CCL inter magna opera dicamus’.

2) Cfr. Delaborde Pavimento p. 68 sq.: ‘Después de haber pasado la meta estaban obligados à recorrer el mismo espacio seis vèces, y la palma la ganaban al fin de la sexta vuelta. Pindaro parece que quiere dar à entender que daban doce vueltas; lo qual no es verosimil, porque en el Circo donde la carrera no era mas que de siete vueltas, llegaban à veces tan fatigados que el corredor vencedor se paraba cerca de la linea, porque no podia ir mas adelante, à lo qual llamaban ‘hieran facere’. Lo mas probable es que hubiese dos metas como en el Circo, y que por las doce vueltas, *δοδεκαγναμpton* [sic], Pindaro ha querido signi-

Ol. II 50: *τέθριππα δυωδεκάδρομα.*

VI 75:

*μῶμος ἐξ ἄλλων κρέμαται φθονέοντων
τοῖς, οἷς ποτε πρώτοις περὶ δωδέκατον δρόμον
ἐλαννόντεσιν αἰδοία ποτιστάξῃ Χάρις εὐκλέα μορφάν.*

Pyth. V 30:

*ἀκηράτους ἀνίαις
ποδαρκέων δυωδεκάδρομον τέμενος.¹⁾*

Scholiis vero ad illos Pindari locos adscriptis non modo non refutatur mea sententia, sed etiam firmatur:

ad Ol. II 50: *δυωδεκαδρόμων]* ὅτι δώδεκα δρόμους ἔτρεχον τὰ τέλεια ἄρματα, τουτέστι *ι'* καὶ *β'* καμπτήρας (h. e. circum exteriorem metam).

ad III 33: *δυωδεκάγναμpton]* δώδεκα γὰρ [δρόμους suppleo] ἐν Ὀλυμπίᾳ τρέχει τὸ τέλειον ἄρμα, τὸ δὲ πωλικὸν ὀκτώ.

ad VI 75: *φθόνος ἐπικρέμαται τούτοις, οἷς ἂν ποτε κατὰ τὴν Ὀλυμπίαν περὶ τὸν δωδεκάκυκλον δρόμον ἀγωνισαμένοις καὶ νικήσασιν ἢ ἐκ τῆς νίκης χάρις ἐνδοξὸν τὴν ὄψιν παρᾶσχη.*

ad Pyth. V 32: *περιέβαλεν ὁ Κάρῳτος ταῖς σαῖς κόμαις, ἀφθάρτοις ἡνίαις κατὰ τὸ τέμενος τῶν δυωδεκαδρόμων ἀρμάτων ἐπαρκῶν, τουτέστι τὸ σταδίων τοῖς ποσὶν ἐπαρκέσας καὶ τὴν νίκην ἀπενεγκάμενος. φασὶ δέ τινες, ὅτι δώδεκα δρόμους ἀνύει τὸ τέλειον ἄρμα, τὸ δὲ πωλικὸν ὀκτώ· τοῦτο δὲ μαρτυρήσει καὶ ὁ Καλλίμαχος λέγων*

δυωδεκάις περὶ δίφρον ἐπήγαγεν ἵθματα δίφρον.

Ex hoc Callimachi versu, qui vitio laborat, nihil certi concludendum est. Sed siquidem *δίφρον* corruptum videtur, duo-

ficar solamente el espacio de una meta à otra; lo qual me parece mas racional, ademas de que lo confirma un lugar de Pausanias que distingue las dos metas [VI 20]’.

1) Totidem igitur, quot in Olympiaco, in Delphico conficiebantur circuitus, unde concludi licet etiam in ceteris Graecorum hippodromis, in maioribus certe, ita rem se habuisse.

decies circum metam (τύμβον O. Schneiderus, *φίτρον* Heckerus) quendam flexisse versus est sententia. Haec de longitudine spinae.

Venio ad latitudinem, de qua ne unum quidem disertum testimonium exstat. Confugio igitur ad rationem et cogitationem profectus ab illo Pindarico loco (Pyth. V 50 Bergk):

ἐν τεσσαράκοντα γὰρ πετόντεσσιν ἀνιόχοις ὅλον
δίφρον κομίζαις ἀταρβεῖ φρενί
ἦλθες ἤδη Λιβύας πεδῖον ἐξ ἀγλαῶν
αἰθλῶν καὶ πατρῶϊαν πόλιν.

Ex hoc loco apertum est quadraginta quadrigas uno eodemque missu in Pythico hoc certamine certasse, nec intellego, quare quidam nimium esse hunc numerum rati aliam sententiam — quatenam, non dicunt — verbis subesse arbitrentur. Numerus *τεσσαράκοντα* non potest corruptus esse, quia minorem metro aptum vix reperiēs. Simul videmus, quam casibus obnoxia illa certamina fuerint, siquidem Carrhoti, qui salvus ad calcem pervenit (*ἀταρβεῖ φρενί* = ἀκηράτοις ἀνίαις v. 33), aemuli quadraginta (an undequadraginta?) detrimentum fecerunt. Hoc autem concedo quadraginta quadrigarum numerum pro usu magnum, fortasse maximum esse, qui decurrere potuerit, quia poeta, ut Carrhotum maiore laude extollat, eum omnino affert.

Totidem vero ad minimum, quot Delphicus, Olympiacus hippodromus spatium praebuisse putandus est. Si igitur ad singulas quadrigas recipiendas stationes 3 m latitudine sufficisse sumimus, basis prorae SD ad minimum 120 m lata erat (vide G. Hermannii explicationem. Hipp. Olymp. p. 10), cui spatio rostri latitudo inexplorata addenda est. Porro cum utrumque prorae latus plus quadringentos pedes (= 120 m) latum fuisse Pausanias ipse testetur (VI 20, 11), omnia tria prorae latera paria inter se fuisse efficitur. Quod optime convenire nemo infitiabitur.

Hoc baseos spatium si duplicamus, ad totius arenae latitudinem pervenimus, quae est 240 m.

Arcum hippodromi C radio M_2V circum M_2 descripsi, ut praeter metam elatis satis spatii esset ad reflectendos equos, quamquam magis eum ad metam accedere potuisse, ut in nonnullis Romanis circis, non nego.

Denique rostrum oppidi R quantum ab interiore meta distare arbitrer, si quaeris, tantum suffecisse credo, ut arcus KL apud M_1 in breviorum arcum M_1N contraheretur.

I.

INDEX

RERUM ET NOMINUM.

- Achillis equi pag. 27.
 Amazones 26.
 Amphion 96.
 Antimachi Thebais 90.
 Arctini Aethiopis 26.
 Arion 10. 28. 33. 34.
 Aristides architecton 59. 74.
 Asbystae 33¹.
βαλβις 20.
βάσκανος 95.
 Campagnereiten 11.
 carceres 32.
 Carrhotus 106.
 Choiseul-Gouffier 77. 81.
 circuituum numerus 9. 18. 27. 33. 60.
 103.
 circus Maximus 104.
 Cleoetas 57. 59. — aetas 74.
 colores equorum 49.
 cyclica poemata 4. 25.
 Cyrus 8.
 declives hippodromi 8. 11.
 Delabarre 12. 14¹. 86.
 Delaborde 77. 81. 104².
 duplex hippodromus 8. 9.
ἐκδρομοὶ ἵπποι 9.
 equi in imaginibus falso quadrupedan-
 tes 42 sqq. — adversa fronte picti
 50.
 equites 25. 39. 48.
 exercitationes 40. 41.
 factiones 22.
 finis cursus 15. 17. 72.
 forma hd.¹) Ol. 54sqq.
 frigidaria 82.
 funebres ludi 3. 4. 39.
 Glaucus 99.
 gubernator cum auriga comparatus
 22.
 gymnasia pro hd. 21.
 Hermannus 1. 38. 40². 52. 57. 77. 78.
 79. 87.
 Hippodamia 4. 95. 97.
 Hippolytus 10. 91.
 Hirtius 77.
 histriones 47.
 impedimenta 11. 12. 23.
 incessus equi. Latina significatio 38¹.
 initium cursus 15.
 Ischenos 92. 96. 100.
 Isthmia 4. 99.
 iudices certaminum 17. 53. 56¹.
κάλπη 22.
 Kreuzgalopp 45.
 latitudo hd. 106.
 Lehndorffius 52. 56. 64¹. 65¹. 77. 79.
 81. 86. 94¹.
 longitudo hd. 9. 19. 103.

1) = hippodromi.

magica superstitio 22. 93.	quadrigae 19. 33. 48.
Marpessa 4.	quadrupedus incessus 38 sqq. 42 sqq.
meta 8. 18. 26. 32. 37. 56. 60. 87.	regio hd. 11. 98.
— in privatis curriculis usitata 10.	Romani hd. 1. 25. 32. 33. 53. 56.
monstra 90 sq.	63. 83.
musicum certamen 5.	Siegespfosten 17.
Nemea 4. 31. 99.	signa 16. 70 sqq.
Neptunus Taraxippus 93 sq. 96 sq.	simplex hippodromus 7. 8.
nomades 41.	Sisyphus 99.
nomina equorum 28. 33.	σκοπός 19. 27.
nomina hd. 13. 20.	solum hippodromi 13.
nostrae aetatis curricula 4. 11. 13. 15.	sortitio 15. 19. 29. 58. 67.
16. 22. 34. 57. 80. 103.	spina 32. 37. 53. 55 ¹ . 56. 103.
numerus certantium 26. 28. 33.	sponsiones 22.
νόσσα 8. 29.	stadiodromi 16. — perverse picti
Odrysae 8.	50.
Oenomaus 7. 27. 93. 95.	stadium pro hpd. 20.
ordo certaminum 4—6.	τέρμα 8.
Orpheus 96.	Thessali 4 ² . 5. 33 ¹ .
Panathenaea 5.	tolutilis incessus 38 sqq.
Pass 45. 50.	τόρμη et τόρμος 8 ² .
Pelias 17. 28. 99.	turres 32.
Pelops 7. 27. 93. 95.	Visconti 78. 79. 81.
Persae 4 ² . 8.	volutabra 82.
pompa 32.	Wachsmuthius 54. 73 ² . 85.
praemia 28.	ξυνοχή 14.
procorum certamina 4.	ὕσπληξ 74. 75 ¹ . 81.
Pythia 101. 106.	

II.

INDEX

LOCORUM VEL EMENDATORUM VEL EXPLICATORUM.

	pag.		pag.
Anth. Pal. XIV 4	97	Hom. Ψ 358	15
Antiqu. Perg. ed. Fraenkel. VIII 1.		420 sqq.	12
p. 8. no. 10	73	Lycophr. Al. 43	92. 100 ¹
Aristoph. Equit. 247	91	Nonn. Dionys. XXXVII 237	19
Dionys. ap. Eustath. p. 598, 27	8	397 sqq. 23	

VITA.

Geising, oppidulum in stanniferis Saxoniae montibus reconditum, me Heinonem Ricardum Ervinum Pollack tulit a. d. V. Id. Nov. anni h. s. LXIII. patre natum Ernesto, matre Aemilia de gente Muellerorum. Inde ubi fidei addictus sum Lutheri, cum nondum V. annum agerem, pater familias domicilium Dippoldiswaldam transtulit, ubi nunc quoque medicinam exercet. In huius novae patriae ludo literis elementariis et calculo usque ad XI. annum imbutus Dresdae matris parentium tutelae traditus sum Gelineckii, praeceptoris privati, scholam per II annos, deinde per annum Gymnasium Regium rectore Ilbergo quartanus frequentaturus. Post tot ambages tanquam in portum veni, cum anno h. s. LXXVIII. in illustre apud Grimam Moldanum reciperer, cuius per VI annos, ut solent, rectore praestantissimo Aemilio Muellero fui alumnus. Semper tibi, Alma Mater, piam gratamque servabo animam! Maturitatis testimonium praeside Ottone Ribbeckio adeptus Lipsiam me contuli. Hic postquam unius anni stipendia merui superiore ordine dignatus, totum me philologiae dedi. Scholas adii virorum illustrissimorum de Bahderi, Curtii, Drobischii, Frickii, Gardthauseni, Heinzii, Lipsius, Ribbeckii, Richteri, Rohdii, Schreiberi, Voigtii, Wachsmuthii, Windischii, Wundtii, F. Zarneckii.


Proseminarii per tria semestria exstiti sodalis moderantibus Crusio, Wachsmuthio, Rohdio, Lipsius, Haussenio, cui senioris, ut aiunt, munere functus sum, Seminarii Regii per totidem semestria Lipsius, Ribbeckio, Wachsmuthio alternis praesidibus.

Exercitationibus philologis ut interesssem, benigne concesserunt Lipsius, Wachsmuthius, Ribbeckius, quem per biennium audiui senior. Denique paedagogicum Richteri seminarium duos annos frequentitavi, Ratzelii geographicum et Zarnckii germanisticum singula semestria.

His omnibus viris quantum debeam nunquam ero immemor, imprimis Ribbeckio, cui artiore vinculo coniunctus fui, Lipsius et Wachsmuthio, qui studia mea foverunt ac iuverunt. Huic, cuius mihi hanc dissertationem scribenti consilium numquam defuerit, et Schreiberio, qui archaeologica opera liberaliter mihi mutuatus sit, ne hoc quidem loco quin gratias agam maximas, possum praetermittere.

Etiam in Academica Societate Philologa, quantum fructum ex amicorum coniunctis studiis ceperim, lubens memini.

100



100



3 2044 014 727 564

THE BORROWER WILL BE CHARGED
AN OVERDUE FEE IF THIS BOOK IS
NOT RETURNED TO THE LIBRARY ON
OR BEFORE THE LAST DATE STAMPED
BELOW. NON-RECEIPT OF OVERDUE
NOTICES DOES NOT EXEMPT THE
BORROWER FROM OVERDUE FEES.

~~STALL STUDY~~
~~CHARGE~~

